

ABBREGE' CHIRVRGICAL.

TIRE' DES MEILLEURS
Auteurs de la Medecine.

Par M. HONORE' LAMY, *Aggégé au*
College des Medecins à Paris.

Edition nouvelle, corrigee par tout le corps du College
& à la fin augmentee d'un Discours de la Puissance
de Sympathie.

Par M. G. SAVVAGEON, *Aggégé*
audit College.

30893



A PARIS,
Chez CARDIN BESONGNE, au Palais, à l'en-
trée de la Galerie des prisonniers, aux
Roses vermeilles.

M. DC. XLIII.

AVEC PRIVILEGE DU ROY.

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911

17. 10. 1911



AV LECTEUR.

ESTIMANT avec
Hippocrate, que la con-
sideration & la cognois-
sance preallable des choses qui
sont bien escrites, faict vne gran-
de partie de l'art duquel on trait-
te: ie t'informera y de l'origine,
ame & dessein de cest Ouvrage.

An commẽ-
cement du
liure des
iours crisi-
ques.

Tu sçauras donc, que c'est vn
fidele extraict du liure d'un des
plus renommez Auteurs du tẽps,
qui traicte amplement & en au-
tant de sections du mesme sub-

A V LECTEUR.

iect, sçavoir est *Perdulcis*; & fait maintenant le 14. & dernier des Oeuures imprimees du dit Auteur, ayant esté par luy dicté il y a quelques 60. ans. Tu ne laisseras pourtant d'en auoir une singuliere obligation à l'Auteur dont il porte le nom, tant pour son zele & l'heureux choix qu'il a fait du subiect en general, qu'en particulier des matieres les plus communes & utiles de l'art qui y sont contenuës, qu'il a redigees d'un bon ordre, sous des titres & diuisions fort iustes & conuenables. Et afin que tu ayes encore une plus certaine cognoissance de sa premiere & plus haute source & origine,

AV LECTEUR.

tu ſçauras de plus , que le principal de ceſt Ouvrage eſt tiré de ce riche & vaſte Ocean , où il faut aller puiser , quiconque veut ſçavoir quelque choſe de grand & de ſolide en la Medecine , i'entens de Galien ; & particulierement de ſes liures de la Methode : lesquelſ me ſemblent contenir la plus iuſte idee & abbre-gé de ſon diuin genie & dextérité en la praëtique. Je fais un pareil iugement de ceſt Abbre-gé, en comparaiſon des grandes & prolixes œuvres des Auteurs qui traicënt à plein fonds de la Chirurgie. Car tu n'y trouueras rien que d'utile & neceſſaire, conformément à la condition d'un Ab-

bregé, destiné à la pratique; qui n'a deu permettre d'y inserer de ces questions qui se proposent en l'eschole, ou qui se lisent dans ces Auteurs, comme estans bien souvent plus propres à faire des chicaneurs, que des praticiens.

Je ne suis pas de l'humeur de ceux, qui pour rendre un livre plus recommandable, le vantent de n'auoir rien que de nouveau. Au contraire, ie dis que l'antiquité & la doctrine qui est icy debitee, te deura inciter de la cherir; & la tenir pour aussi inuiolable que les loix de la Nature, sur lesquelles elle est appuyee, & dont elle emprunte son essence, conuenance & fermeté.

Et t'empeschera de te laisser séduire par les charmes de ceste Poudre (autant captieuse que specieuse) dont nous auons esbauché vn petit Discours qui est à la fin de ce liuret. Qui maintiendra le veritable titre qu'il porte d'Abbregé Chirurgical , malgré la ridicule & impertinente denomination , que la raillerie ou l'ignorante presumption donne à ceste crottesque inuention.

Outre ces rudes crayons. de l'vtilité de ce petit Ouvrage , ie te supplie de croire, qu'à l'imitation des matieres & subiects qui y sont traictez (bien entendus & compris) & qui sont les plus frequens & practicables de la

Chirurgie: l'on pourra facilement comprendre ceux qui n'y sont pas traittez, pour le rapport que toutes les matieres particulieres ont avec les generales, ou les vnes avec les autres. Qui, par exemple, sçaura exactement discerner les signes propres à chaque tumeur, ou simple ou composee; & leur essence: quelque autre qui se presente, il la sçaura reduire sous une propre & iuste espece. Il en fera aussi le prognostic conforme. Et y proportionnera pareillement le remede. L'inferer le mesme des autres subiects. Ce qu'on fera encore avec plus de perfection & certitude, si on possede la cognoissance des

A V LECTEUR.

parties de nostre corps, laquelle determine les notions & raisons generales, & les rend specifiques & particulieres. C'est ceste piece & consideration, qui constitue principalement la Medecine Rationelle & Dogmatique, & qui la distingue des deux autres sectes, des Empiriques & Methodiques; ceux-cy n'ayans pour fondement que certaines maximes & en petit nombre; & ceux-là que la seule experience, qui consistoit en l'observation de plusieurs effects d'une mesme chose ou remede.

Il faudra que les cas soient bien rares & extraordinaires, s'ils ne se peuvent reduire sous

A V LECTEUR.

quelques-uns de ceux qui sont icy deduits. Et quand ils ne le pourroient pas, qui ne sçait que les choses rares ne tombent pas sous l'art ?

Je passe encore plus avant, & ose quasi dire, ce que dict Hippocrate de la verité & certitude de ses preceptes pour la prediction des maladies, qu'ils se retrouueroient certains en Lybie, en l'Isle de Delos, & en Scythie, & par consequent en toutes les regions du monde, de quelque temperature qu'elles fussent, chaudes, temperees, froides; telles qu'estoient ces trois designees: Que les preceptes (d'icelle) de ce liure peuvent aussi

AV LECTEUR.

avoir une pareille certitude en quelque partie du monde, & en quelque temps que ce puisse estre: estans conduicts d'une prudence, qui face distinction des diverses circonstances & rencontres particulieres.

Quoy qu'il en soit de son destin, & pour n'en point eleuer si hautement le merite: ce qu'il contient au moins de doctrine, tant theorique que pratique, est tel, que l'usage n'en peut estre suivi que d'assurance & de reussissement.

Après s'avoir ingenuëment proposé le sentiment que j'ay de ce liure, ie te laisseray à iuger de l'addition, supplément & corre-

AV LECTEUR.

rection que nous avons apporté dans tout le corps de cest Ouvrage, me contentant de la bonne opinion que i'estime que tu as de nostre soin & curiosité pour les livres de ta profession, sçachant de combien dangereuse suite d'instruction & operation leurs erreurs & defauts sont suivis. Secondant par ce moyen d'effect, comme de qualité, l'affection & dessein du dernier Auteur de ce Livre.



ABBREGÉ
CHIRVRGICAL

*Recueilly des plus doctes & renommez
Medecins & Chirurgiens ; tant
anciens que modernes.*



ALIEN, ce grand & fidele interprete du diuin Hippocrate ; aux deux livres de la maniere de guarir, à Glaucôn : a pour but de dresser sommairement vne methode fort facile pour la guarison de toutes maladies. Au premier, de celles qui sont internes & communes à tout le corps, comme la fièvre, la pleuresie, & autres semblables,

que nous delaissons au Medecin, n'en voulans en façon quelconque discourir icy. Au second liure, des externes, & particulièrement de celles qui sont assignées à quelque partie, comme les tumeurs contre nature, reconnues appartenir au Chirurgien. L'histoire desquelles (Dieu aydant) nous tascherons de déduire en ce Traicté, le plus naïvement qu'il nous sera possible, en faueur des aspirans à la Chirurgie, apres auoir preallablement remarqué quelques points communs & vtils à toutes les parties de la Medecine.

Or pour paruenir à cette fin, il faut soigneusement observer ce que Galien a laissé par escrit : sçauoir, qu'en toutes maladies on doit iustement limiter & prescrire la quantité du remede, la qualité d'iceluy, l'usage &

moyen de l'appliquer, & espier l'occasion, laquelle se passe fort soudainement, & est malaisée à recouvrer estant vne fois perdue. Et d'ailleurs se ressouvenir aussi, que la Medecine s'accomplit en deux poінcts: sçavoir en la matiere, & en la pratique des remedes. Le premier comprend la quantité & qualité. Le dernier enseigne le moyen de s'en servir. Lesquelles choses on ne peut bien & deuément déterminer, si auparavant on ne cognoist la nature & essence de la maladie. Qui n'est autre (selon l'opinion & consentement de tous les Medecins,) qu'une affection contre nature, blessant l'action premierement & de soy, & non par accident. Bien est vray que tel ennemy de nature ne peut estre chassé, ny le corps malade remis & restably en son

premier estat & disposition , qu'on n'ait osté & retranché ce qui est contre nature ; à sçauoir la cause de la maladie: de peur que telle cause par la prise de possession ne face autant renaître de mal, que l'on en pourroit auoir osté. C'est pourquoy il me semble du tout necessaire (sauf meilleur aduis) qu'on cognoisse auant toutes choses les deux natures: la generale, qui est enclose dans les bornes du chaud, froid, humide, & sec: & la particuliere, appelée *Idiosyncrasie*. Cette cy ne se peut cognoistre que par vne longue experience: mais bien l'vniuerselle, & ce par l'ayde de certains theoremes, comme par l'humeur predominante & correspondante à la temperature d'un chacun, par les actions immédiatement prouenant du temperament, par les mœurs qui ensuiuent la

temperature du corps, par l'habitude d'iceluy, par les excrements des parties, par l'usage des choses vtils ou dommageables, par l'aage, maniere de viure, coustume; & autres circonstances, desquelles la cognoissance, appellee communement *diagnose*; & la prediction, nommee *prognose* ou *prognostic*, des maladies sont tirées, selon Hippocrate, en la partie premiere, section 3. du premier des *Epidemies*: comme aussi de l'inspection & examen de la face du malade. De sorte que toutes ces belles reigles & preceptes diligemment obserués, nous conduiront à la cognoissance des choses qui nous sont incognuës. Cela donc supposé, nous emprunterons trois propositions de Galien. La premiere sera, *Que celuy qui sçaura bien cognoistre ce qui est selon nature, & contre nature,*

Et qui d'ailleurs sçaura commodément prendre ses indications, ne faudra gueres en la curation des maladies. La seconde, Que le Medecin guérira plus aisément & heureusement les malades qu'il aura pratiqué & fréquenté de long-temps, que ceux qui luy seront incogneus. La troisieme, Que l'on peut approcher de fort près de la cognoissance du patient par la lumiere de la doctrine des choses naturelles et de leurs annexes, & principalement du changement de l'air.

Or de l'establissement de ces trois propositions, nous en tirerons cette conclusion, qui est, Que le Chirurgien pour bien exercer les operations manuelles, doit exactement cognoistre les choses naturelles, qui sont au nombre de six: à sçavoir les elémens, les temperamens, les parties, les humeurs, les esprits, & les facultez de l'ame: Les choses non naturelles, de soy


indifferentes & neutres, qui sont l'air, le boire & manger, le dormir & veiller, le mouvement & repos, l'euacuation & retention des excrements, & les passions de l'ame. Les choses contre nature, à sçauoir la maladie, la cause d'icelle, & le symptome qui la suit, tout ainsi que l'ombre le corps. Il doit, dy-je, cognoistre toutes ces choses, ou comme amies de nature, ou cōne ennemies: d'autant que les vnes la conseruent, & les autres la ruinent.

Quelques-vns ont estimé qu'il suffiroit au Chirurgien d'auoir vne prompte & asseurée dexterité pour parfaire ce qui luy est propre, qui est l'operation de la main, & que la cognoissance des choses susdites estoit reservée au seul Medecin. Tels critiques prendront, s'il leur plaist, en payement la raison d'Hippocrate, disant que tout nostre corps est cōfluxible & cōspirable,

& qu'une partie ne peut estre offensée (si la blessure est tant soit peu grande) qu'elle ne se communique aux autres. Joint aussi qu'il est fort malaisé de pouvoir bien cognoistre ce qui est contre nature , si on n'a cogneu premierement ce qui est selon nature , pource que la vraye cognoissance de l'un dépend necessairement de l'autre.

On peut encores respondre, que telle cognoissance est reseruée au Medecin, comme au Iuge souverain ; & au Chirurgien, comme au subalterne & inferieur.

Concluant donc nous dirons, que le Chirurgien doit connoistre les choses naturelles, & celles qui sont contre nature, s'il veut artificiellement, methodiquement, & seurement guair les maladies Chirurgicales.



TRAICTÉ
DE CERTAINES CHOSES
GÉNÉRALES.

Et premicrement de la definition de
Chirurgie, & du nom d'icelle.

*Qu'est-ce que Chirurgie, & quel est
son nom.*



ELLE des trois parties de la
Medecine qui opere de la
main, & dont les effects
sont plus euidens, que ceux
de la Diète & Pharmacie, qui n'ont
pas vne certitude si sensible, est dictée
Chirurgie. Lequel nom ne signifie
autre chose *qu'œuvre manuelle*. Aussi
est-ce vn art, qui par l'industrie &

10 DE LA CHIRURGIE
artifice de la main remedi aux ma-
ladies qui faissent le corps humain
exterieurement.

Combien y a-il d'especes de
Chirurgie?

DEux, dont l'une consiste es
preceptes de l'art, appellée en-
seignante; & l'autre en l'usage &
practique des preceptes, nommée
vsuelle. La premiere a pour fin la
cognoissance & verité. La seconde
l'action ou l'effect, auquel reluit la
louange de la vertu dudit art. Egi-
nete la diuise en deux parties, l'une
desquelles traicte des vices de la chair,
l'autre des os. Par la chair il entend
les parties molles, par les os les dures.
Les molles sont plus subiectes aux
apostemes, playes & vlcères. Les du-
res aux fractures & luxations. Qui

sont en somme les cinq sortes de maladies delaissées au Chirurgien : combien que pour la cure d'icelles il se soumette aux loix & preceptes de la Medecine, & emprunte des remedes des deux autres parties, comme les medicaments de la Pharmacie, & la maniere de viure de la Diétetique. Outre ces cinq, il y a encore plusieurs autres maladies qui ont besoin de l'operation manuelle, d'autant que la Chirurgie est vn instrument commun de la Medecine,

Quel est le subiect de la Chirurgie?

IE respons que son subiect est commun à toute la Medecine, à sçauoir le corps humain, soit que l'on le considere en general, comme subiect de science ; soit en particulier, comme subiect de l'œuvre.

Quelques-vns des modernes disent, que le vray subiect de la Chirurgie est le corps humain, susceptible de santé, ou de maladie, aux parties externes. Le mot de *subiect*, signifie ce à quoy est referé tout ce qui est contenu & traicté en l'art ou science.

Quelle est la fin de la Chirurgie?

LA fin de la Chirurgie est aussi commune à toutes les autres parties, c'est à sçauoir la santé de l'homme, pour laquelle conseruer, ou restablir, la Medecine est ordonnée. Mais pour vray dire, le Medecin ne paruiet pas tousiours au but, à cause qu'il y a quatre choses qui l'en peuuent empescher: sçauoir est, la grandeur de la maladie, l'infirmité ou foiblesse de la nature, la negligence & rebellion du patient, & la faute de l'operateur.

*Que fait le Chirurgien pour parvenir
à ceste fin?*

L vſe de trois ſortes d'operations,
de diuiſion, qu'on appelle com-
munement du mot grec *Diereſe* ; de
conjonctiō, auſſi nommée *Syntheſe*
& de detraction, appellée *Exereſe*. Car
ou il ſepare le continu par incifion,
ſcarification, phlebotomie, piquet-
re, perſure ; coupeure, raclure, limeu-
re : Ou il vnit & aſſemble le ſeparé
par bandes, comprefſes, couſtures, &
autres moyens, & ce en tirant ou
pouſſant : Ou bien il tire dehors ce
qui eſt ſuperflu, comme l'enfant
mort, l'vrine, la pierre, la bouë, les
traicts, bales & autres choſes contre
nature.

Aucuns multiplient & augmentent
le nombre des ſuſdites operations, en

adioustant ce qui defaut, comme dents d'yuoire: & remettant en son lieu ce qui est dehors, comme le boyau en la hergne. Mais cette dernière est comprise sous la conionction. La première est plus rare & sert plustost d'ornement, que d'action & vray vsage.

*Quels sont les instruments de Chirurgie,
& de combien de sortes?*

POUR faire les susdites opérations le Chirurgien vse de deux sortes d'instruments, à sçauoir des communs, & des propres. Les communs sont les poudres, liniments, emplâstres, cataplasmes, cerroines, lauements, iniections, vesicatoires, & autres tels que la Pharmacie fournit. Les propres sont les ferrements, qu'il tient prests dans sa boutique, ou por-

te dans son estuy : comme le rasoir, cizeaux, pincettes, lancettes, sondes, spatules, poinçons, limes, aiguilles, & canules fenestrées. Et ainsi bien muny & équipé il met la main à l'œuvre.

Quels & combien d'onguens doit porter le Chirurgien en sa boëtte?

LEs onguens, dont le Chirurgien ne doit iamaïs estre depourueu, sont le *basilicum* pour resoudre & suppurer ; l'*aureum* pour deterger & glutiner ; le *dialthaa* pour ramollir ; l'*album Rhasis*, pour refrigerer & desseicher ; l'*apostolorum*, ou bien au lieu d'iceluy, *mandificatium ex apio*, pour deterger & manger la chair superflüe & pourrie.

Il y en a encore quelques autres, qui viennent aussi fréquemment en

vsage, comme le *diapompholygos* és vlcères sordides, le cerat refrigerant de Galien és inflammations; le desiccatif rouge pour reprimer les fluxions.

Quant aux emplastres & poudres, dont il ne doit non plus estre dégar-ny, ie réuoye le Lecteur au chap. 2. de la method. Introd. de De Marque, auquel il aura recours en tous les autres poincts qui concernent la Theorique de la Chirurgie, comme au plus exact & fidele Auteur de tous les Modernes, qui en ont traité en quelque langue que ce soit. Et puis ce seroit contreuenir à l'intention, dessein & commodité de ce Liure, qui doit autant ou plus seruir à la campagne, qu'à l'estude.

Or d'autant que l'instrument n'a aucune vertu ny efficace, s'il n'est conduit par vne cause efficiente & princi-

principale , & ceste cause ne doit agir que par raison & indication: nous dirons vn mot des indications.

Qu'est-ce qu'indication, & quelles sont ses differences ?

Indication est vne idée & connoissance de ce qu'il faut faire, tirée de la nature & essence du mal, laquelle indication est double. L'vne inartificielle, commune aux ignorans & sçauans. L'autre artificielle, propre seulement au Medecin & Chirurgien lettré.

D'où sont prises telles indications ?

Les indications methodiques sont prises, ou des choses naturelles, & leurs annexes, comme des parties, de la temperature, habitude, aage, sexe, coustume, & aussi des

forces : ou bien des non-naturelles, à sçauoir de l'air, boire, manger, repo, s trauail, dormir, veiller, retention & euacuation des excrements, & des passions de l'ame : ou des choses qui sont contre nature, cōme de la maladie, de la cause d'icelle, & du symptome; lesquelles indications sont reduites à deux generales, qui sont les vitales & curatiues. Car comme la santé veut estre gardée & conseruée par des choses semblables, aussi le mal ne peut estre chassé que par son contraire. Que si les maladies se trouuent compliquées, elles auront indications diuerses, auquel cas nous obseruerons trois choses. La premiere sera d'oster la cause qui foment & entretient le mal, comme la fluxion qui entretient l'vlcere. La seconde d'oster la disposition, sans laquelle le mal ne peut

estre guarý, comme l'intemperature & callosié en vn vlcere. La troisiésme de pourueoir à la chose plus urgente, comme à la douleur ou hé-morrhagie. Laquelle curation est certainement extraordinaire.

Or auant que d'operer le Chirurgien se doit proposer quatre poincts. Le premier, quelle doit estre l'operation, ce que monstre la nature du mal. Le second, pourquoy il vse de telle operation, à sçauoir pour oster le mal, & sa cause. Le troisiésme, si telle operation est necessaire, ou possible. Necessaire, quand les autres remedes defaillent. Possible, si les forces le permettent, & la condition de la partie. Le quatriésme, en quelle maniere l'operation doit estre faiçte; où il faut aussi obseruer trois choses, d'operer tost, seurement, & douce-

20 DE LA CHIRURGIE
cement, c'est à dire avec le moins de
douleur qu'il se pourra.

Des conditions du Chirurgien.

OR pour bien operer & exceller en son art, le Chirurgien doit estre pourueu de trois choses, d'une bonne nature, qui comprend les dons du corps & de l'esprit, c'est à dire la cognoissance des bonnes lettres & l'experience. La seconde, d'estre extremement assure en ses actions. La troisieme est, d'auoir la main prompte & agile. Maistre Guy de Cauliac requiert quatre choses en vn bon Chirurgien. La premiere, qu'il soit lettré & bien versé, tant en la theorique de l'art, qu'en la pratique, & surtout qu'il cognoisse le subiect de son art, sur lequel il conuient faire ses operations, & les mala-

dies subiectes audit art. La seconde, qu'il y ait bonne experience, auant qu'il se mette à l'exercer, tant pour auoir bien remarqué & obserué les operations des excellens Chirurgiens, que pour s'y estre accoustumé. La troisieme, qu'il soit bien composé selon le corps, ieune, prompt, habile, ambidextre, assuré de tous les sens, & principalement de la veüe, & de la main : & pour le regard de l'esprit, qu'il soit ingenieux, prudent, de bon iugement & bonne mémoire : Finalement touchant les mœurs, qu'il soit hardy és choses manifestes, tardif & craintif aux douteuses & dangereuses, doux & affable à ses patients, discret & bien aduisé en la prediction du succès des maladies, chaste, sobre, liberal, & pitoyable, modeste en son entrée chez le mala-


22 DE LA CHIRURGIE
de, & en ses paroles, gestes, vester-
mens & tonsure, tant pour gagner
la grace de ses malades, & les rendre
obeyssans, que pour la vertu, qui de
soy est infiniment aymable.

Traicté particulier des tumeurs.

IL reste maintenant apres ces pream-
bules, que nous entrons au dis-
cours particulier de la Chirurgie, &
suivions l'ordre de ceux qui l'ont en-
fermée dans le destroit de cinq se-
ctions, assavoir des tumeurs contre
nature, des playes, des vlcères, des
fractures, & des luxations.

DES TUMEURS.

SECTION I.

ippocrate (au liure de la na-
ture humaine,) traictant du
subiect de la Medecine, dit
qu'il est composé, non d'un element

seul, ny de deux, ny de trois, mais des quatre ensemble en l'vnion & amitié desquels il se conserue en santé, & par la discorde & contrariété d'iceux s'engendre l'inimitié des quatre premières qualitez, qui le faict malade.

Le corps humain donc composé des quatre elements, est nourry & entretenu des quatre humeurs naturelles, bonnes & loüables: qui sont le sang, la cholere, le phlegme, & la melancholie, desquelles (estant bien temperées) ne pechant ny en quantité, ny en qualité, il est maintenu en l'estat naturel, qu'on appelle santé. Mais s'il aduient que quelqu'une desdites humeurs peche en quantité seulement, & que sortant des vaisseaux, elle affluë sur quelque partie, arriüée qu'elle y est, elle change de nature & se corrompt, quoy qu'elle fust

loüable & bien constituée dans lesdits vaisseaux. On dict en l'eschole, que ceste corruption est en la cause cōjointe, & non en l'antecedente. Les tumeurs fuiuates en sont engendrées. Du bon sang & loüable se faict le phlegmon, de la cholere naturelle l'erysipele, de pituite ou phlegme l'œdeme, & de la melancholie le scirrhe. Et quand les humeurs sont mixtes & confuses (comme elles ne sont gueres seules ny sincerres,) celle qui predomine, comme victorieuse, donne le nom à la tumeur: & celle qui est en moindre quantité, le surnom (pour ainsi dire) ou seconde denomination. Ainsi le sang messé avec la bile, & dominant, faict le phlegmon erysipelateux; avec la pituite, le phlegmon œdemateux; avec la melancholie, le phlegmon scirrheux. De mesme la

cholere meſſangée avec l'une ou l'autre des autres trois humeurs, eſtant la plus forte, fait l'eryſipele phlegmoneux, ſi la bile predomine avec moins de ſang: l'eryſipele œdémateux, ſ'il y a plus de bile, que de pituite: l'eryſipele ſcirrheux, ſi avec la dite bile predominante il y a quelque portion de melancholie. La pituite predominante, mais meſſangée avec quelqu'une des autres humeurs, emporte le nom de la predomination, avec l'adjonction de l'humeur conjointe, faiſant pareil nombre de différences, d'œdème phlegmoneux, eryſipelateux, ſcirrheux. La melancholie n'en faiſt pas moins, lors qu'elle a le deſſus en la mixtion avec les autres humeurs. A raiſon dequoy elle engendre le ſcirrhe phlegmoneux, eryſipelateux, œdémateux.

Mais lors que lesdites humeurs sont vitiées, ou au foye, ou dans les veines, & qu'elles fluënt sur quelque partie de nostre corps, elles engendrent d'autres especes de maladies, pource qu'elles ont double corruption. La premiere est celle qu'elles ont en leur generation dans le foye, ou dans les veines. La seconde, celle qu'elles acquierent en la partie, estans hors des vaisseaux. De maniere que les parties pour lors ne peuvent estre alimentées de telles humeurs, aussi ne sont elles aucunement propres pour nourrir, mais bien pour engendrer des maladies. Si bien qu'elles sont dites estre vitiées tant en la cause conjointe, qu'en l'antecedente.

Où il est à noter, que telle corruption se faict par adustion, & quelquefois par adustion & admixtion ensemble.

ble. Comme du sang brulé se faiét le charbon, de la bile simple & non meſſangée eſt formé le vray herpes, de la bile meſlée avec ſcroſité, l'*herpes miliaris* : de la pituite pourrie avec aduſtion ſont faiètes les eſcrouelles, glandes, atheromes, & leurs ſemblables. De la mélancholie aduſte, meſlée avec quelque portion de pituite, ſe faiét le cancer non vlceré, & de la melancholie brulée le cancer vlceré.

Outre les tumeurs non-naturelles, il y en a encores deux eſpeces, à ſçavoir l'aqueuſe & la venteuſe, qui peuvent neantmoins eſtre rapportées à l'œdeme non naturel, différent toutefois en tenſion.

Or puis que nous auons parlé juſques icy des tumeurs, il faut auant que de paſſer plus outre, que nous ſcachions que c'eſt que tumeur; diſant

au preallable, que le mot de *tumeur*, est pris en trois manieres. Premièrement pour tumeur naturelle, comme celle de la teste & des ioinctures. Secondement outre nature, en laquelle l'action n'est point empeschée ny blessée, comme est le ventre des gens gras. Tiercement pour tumeur contre nature, où l'action de la partie est blessée, qui est celle dont nous entendons icy traicter.

Qu'est-ce que tumeur?

LA plus frequente des maladies delaissées au Chirurgien; est la tumeur; que les Arabes nomment *aposteme*: combien que ce nom, selon les Grecs, signifie proprement ce que nous appellons *abscess*, auquel la matiere est contenüe en quelque espace vuide, soit qu'elle se face passage

dés le commencement, ou apres la suppuration.

Mais communement aposteme se prend pour toute sorte de tumeur contre nature.

Ceste maladie est organique, excédant la naturelle quantité de la partie, & est joincte avec intemperie & solution de continuité. Pour ceste cause aposteme est vulgairement definie, *maladie composée de trois sortes de maladies assemblées en vne grandeur* : Où il faut noter que l'essence de tumeur est la quantité excessiue, les autres maladies ne sont qu'accessaires & adjoinctes. Et pource nous pouuons mieux definir aposteme, *excès de quantité avec mutation de qualité, de forme, & obscure solutiō d'vnité, blessant l'action*. Si tu veux plus briueuement. *Tumeur contre nature est vn excès de constitution, declinans*

30 DES TUMEURS
de nature, & contre nature.

Quelle est la matiere des tumeurs?

LA plus frequente matiere des tumeurs sont les quatre humeurs naturelles, à sçauoir le sang, la cholere, le phlegme, & la melancholie simple ou meslée. Ou les non naturelles; ainsi qu'il a esté touché cy-dessus.

*En combien de manieres se font
les tumeurs?*

Selon la commune opinion, en deux seulement, à sçauoir par fluxion, & par congestion. Ausquelles deux tu peux, s'il te plaist, adiouster vne troisieme, qui est par transposition.

Qu'est ce que fluxion?

VN mouuement d'humeurs qui se faiet en nostre corps sur quel-

que partie d'iceluy, qui ne les peut recevoir sans estre blessée, à cause de leur trop grande quantité ou qualité; ou il faut supposer tout au moins vne partie qui enuoye, & vne autre qui reçoit.

Qu'est-ce que congestion ?

C'Est vn amas des excremens de la troisieme concoction, faict sur quelque partie, à raison de l'imbecillité de la faculté expultrice, & erreur de l'assimilatrice.

Qu'est-ce que transposition ?

C'Est quand vne partie est chargée de son lieu en vn autre, la blessant l'action. Comme quand le boyau deuale dans la bourse, il faict la hergne intestinale: ou quand l'epiploon ou coiffe tombe en la bourse, il cause la hergne epiploïque. Au sur-

plus la transposition se voit aux dislocations. Ou bien elle concerne la matiere qui peut estre changée, ou par *metastase*, qui est du bas en haut: ou par *diadoche*, du haut en bas. Or si ce troisieme moyen de tumeur te semble vn peu disparé & hors de subiect, laisse le iete prie, iusques à ce que nous t'en esclaircissions par vn discours plus exact.

*Quelles & combien sont les causes
de fluxion ?*

SIX, à sçauoir la force de la partie mandante, ou qui enuoye; l'imbecillité de celle qui reçoit, l'abondance de la matiere, l'amplitude ou laxité des vaisseaux; l'angustie de la partie qui enuoye, & la situation decline de celle qui reçoit.

Comment

Comment se faiēt la congestion?

ELle se faiēt par l'erreur de la faculté assimilatrice, & imbecillité de l'expultrice. A quoy contribuē aussi le defect de la transpiration, & la densité du cuir, si la tumeur est externe.

Comment se faiēt la transposition?

ELle se faiēt par les choses extérieures (parlant proprement d'icelle.) Or iusques icy nous auons assez discouru des tumeurs en general, il faut en traicter en particulier.

Combien y a-il de causes speciales des tumeurs?

DV consentement presque vniuersel, elles sont trois, à sçauoir la primitive, l'antecedente, & la conioincte,

Qu'est-ce que cause primitive ?

CAuse primitive, nommée des Grecs *procatartique*, est celle qui vient du dehors, & pour cette cause appelée communément externe : laquelle ayant fait le coup & le mal, s'enfuit (pour ainsi dire) & ne paroist plus : comme est vn coup d'espée, ou de pierre faisant tumeur ou playe.

Qu'est-ce que cause antecedente ?

C'Est celle qui est prompte & disposée à faire la maladie. Par exemple. Prens les quatre humeurs louïablement constituées, dont procede ordinairement la *plethore*, c'est à dire plénitude ou repletion ; & la *cacochymie*, qui signifie l'impureté d'icelles. En vn mot, la trop grande quantité des humeurs, & leur vitieuse

qualité, sont les causes antecédentes, tant des tumeurs, que de toutes autres maladies.

Qu'est ce que cause coniointe ?

C'Est celle qui estant presente produit son effect, qui est la maladie; & comme elle est ostée, la maladie est pareillement ostée. La cause coniointe és tumeurs, c'est l'humeur impactée à la partie, laquelle produit immédiatement la tumeur. Je te diray en passant, que cause coniointe & cause continente ne sont qu'une même chose.

De combien de choses sont prises les différences des tumeurs ?

DE cinq. Premièrement de la substance, dont leur grandeur, mediocrité & petitesse dépen-

dent, c'est à dire que de là elles sont appellées grandes, moyennes, & petites. Secondement de la matiere, comme des quatre humeurs. Tiercement des accidens, elles sont dites chaudes, froides, rouges, blanches, & autres. Quartement de la partie affectée comme ophtalmie en l'œil, esquinance en la gorge. En cinquième lieu des causes efficientes, qui sont fluxion & congestion, combié que ce soit plustost maniere que cause. Mais la vraye difference des tumeurs est prise de la condition de la matiere, de laquelle depend la varieté des tumeurs.

Quels sont les signes des tumeurs ?

PVis qu'ainsi est que la premiere intention curative des tumeurs est tirée de la vraye cognoissance de

la maladie, comment cognoistra on chaque espece de tumeur? le répons que ce sera par les signes ensuyuans, qui sont la couleur, chaleur, froidure, dureté, tension, mollesse, douleur, renitence, mordication de la partie malade, & de la defluxion periodique:

Qu'est-ce que demonstre la couleur?

SI elle est rouge, elle declare que la tumeur est faite de sang. Car c'est vne maxime, que telle qu'est la couleur, telle est l'humeur. Si la couleur paroist iaunastre, elle est engendrée de la cholere. Mais si la couleur est blanchastre, c'est signe que la pituite fait le mal. Si elle est noire, il faut accuser la melancholie, & non autre.

Que demonstre la chaleur estrange?

ELle nous tesmoigne que le sang ou la cholere domine en la tu-

meur, ou bien quelque humeur putride : & la froidure faict cognoistre que la pituite cause telle tumeur, ou bien quelque humeur aqueuse ou venteuse, ou quelque suc melancholique, ou quelques humeurs amassees de longue main, & endurcies, qui se rapportent à l'humeur melancholique. Galien disant, que la pituite mesme grandement dessechée degenerate par cette consistence acquise de terre, estreitè en suc melancholique.

Que demonstre la durescé & mollescé?

IE répons que durescé avec douleur est indice de phlegmon. Que si elle est exempte de douleur, c'est vn indice asséuré de scirrhe. La mollescé monstre qu'il y a œdeme, en cas qu'il n'y ait douleur.

Que demonstre la tension & renitence?

E Lles nous assurent d'une abondance & repletion d'humeurs, ou vents.

Quant à la mordication, elle manifeste l'acrimonie de la matiere faisant la tumeur.

Le retour de la fluxion, l'irritation des douleurs en la tumeur en certain temps & certaines saisons, qu'est-ce qu'ils signifient?

I Nfailliblement ils demonstrent l'essence de la matiere, la nature & espeece du mal. Or avant que de partir de ce lieu, & pour l'intelligence de cette proposition, il faut faire vn petit discours sur le iour naturel, lequel estant composé de vingt quatre heures, se diuise en quatre fois six: si bien

qu'au matin (comme au Printemps) qui est depuis trois heures ou environ iusqu'à neuf, le sang (tresor & fils aîné de nature) a son mouvement : Temps à la verité destiné & consacré à la saignée (pourueu qu'il n'y ait rien qui la haste, ou qui la recule.) Et dès les neuf du matin iusques à trois après midy, mademoiselle l'enragée (& avec plus de modestie nommée cholere) correspondante à l'Esté, sert son quartier. A laquelle succede madame la triste & noire, proprement appelée melancholie, qui est comme l'Automne, commandant à la garde du corps depuis les trois heures après midy iusques à neuf du soir. Qui en est releuée par madame la blanche, autrement pituite, laquelle commençant son ieu dès les neuf heures du soir, l'estend iusques à trois heures du

matin, semblable à l'Hyuer. De cette cy i'estime auoir parlé le Poëte François, quand il a dit: *Ostez-vous du serain, craignez vous point le rheume?* Conseil du tout preiudiciable à la race d'Esculape.

Iusques à present nous auons traité des signes diagnostiques ou indicateurs, il faut parler maintenant des signes prognostiques.

D'où sont pris les pronostics des tumeurs?

ILs sont pris de la fin, de la difference des tumeurs, de la malice, ou benignité de la matiere, tenuité, ou espaisseur d'icelle: de la chaleur ou froidure, de la force ou imbecillité de la partie, ou de tout le corps.

Comment se terminent les tumeurs?

ELles se terminent en cinq manieres, Car si elles ne sont em-

peſchees en leur commencement, elles finiffent par digeſtion, qui ſe faiét par vne reſolution de la matiere qui a deſia afflué, faiſant la tumeur : ou par ſuppuration, qui eſt vne concoction de la bouë & matiere affluée : ou ſe terminent par reſolution du ſubtil & tenu, & le gros demeurant & ſ'endurciſſant faiét ſcirrhe : ou par gangrene, qui ſe faiét quand la partie eſt ſurmontee de telle abondance de matiere, que l'action en eſt perduë: ou promptement ſ'eſuanouiſſent, retournant la matiere de la partie malade aux parties nobles, ainſi qu'on void aux apoſtemes peſtilentiellles. Or le retour de telles humeurs monſtre qu'elles ſont reueſches & malignes, & ſont toujours accompagnées de danger, tant à cauſe des parties qu'elles obſedent, que pour la mau-

maise qualité desdites humeurs.

*Quelle est la curation des tumeurs en
general ?*

LEs maladies ou se font encore,
ou elles sont desia faiçtes. De
sorte qu'il nous faut considerer la tu-
meur lors qu'elle se faiçt, & que l'hu-
meur est en mouuement, & lors qu'elle
est faiçte & l'humeur arrestee.

D'autant que la tumeur qui se faiçt, a
double indication. L'une est d'em-
pescher ce qui fluë à la partie. L'autre
est d'euacuer ce qui est fluë.

Comment arresterons-nous la fluxion ?

LE plus certain & conuenable
remede est d'en oster la cause.
Si elle a son origine de la plenitude
vniuerselle de tout le corps (comme
elle n'est engendree que de l'abon-

dance du sang) il la faut diminuer & l'euacuer par la saignée, autant de fois que la grandeur du mal & les accidens le requerront, pourueu que les forces le permettent. Car ce sont là les deux principales conditions requises pour ce remede. Entre les autres remedes euacuatifs il n'y en a point apres ou avec la saignée, qui diminuë plus seurement la plénitude, que l'abstinence & regime de viure conuenable. Car les frictions, bains, exercices, que les liures prescriuent, conuiennent peu souuent au commencement des maladies, qui sont quasi tousiours engendrees d'abondance d'humeurs, d'ot ces remedes esmeuuent plus qu'ils n'en digerent. Mais si la fluxion est faicte par caco-chymie, il faudra purger: si par imbecillité de la partie qui reçoit, faut la fortifier: si elle est

causée de la situation inferieure de la partie, la faut situer en sorte qu'elle soit esleuee, & sans douleur: & si elle est faicte de douleur, elle sera appaisée par anodyns ou remedes tempez, ou par epicerastiques, qui sont remedes de qualité contraire à la matiere: ou par narcotiques, c'est à dire remedes stupefactifs. Que si elle est faicte par chaleur, il faudra refrigerer: si l'humeur est subtile, faudra l'incrasser & espaisir.

L'impetuosité de l'humeur sera destournée par reuulsion faicte par phlebotomie, scarification, ventouses, cornets, sangsues, ligatures, frictions, & autres remedes semblables. Et voila les moyens de pourueoir à la fluxion qui se faict. Il faut en suite traiter de la fluxion qui est faicte.

*Quelle est l'indication curative de la
fluxion qui est faicte?*

ELle est double. La premiere s'accomplit par les repercussifs, renuoyans les humeurs aux autres parties. L'autre est d'euacuer la matiere affluée, tirant en dehors, par resolution, section, scarification, ventouses.

*Doit-on vser tousiours des repercussifs
au commencement des tumeurs?*

OVy, les cas suiuan exceptez, comme aux glandes derriere les oreilles, sous les aisselles, & aux aines; d'autant que ce sont les emonctoirs des parties nobles. Pareillemēt on ne s'en doit point seruir lors que la matiere est veneneuse, ny en tumeur critique (c'est à dire engendree de l'humeur qui faisoit & entretenoit la maladie, & par consequent par la for-

ce de la nature,) ny és corps plethoriques ou replets, ny és tumeurs qui sont accompagnées de grandes douleurs, ny proche des parties nobles, ny aussi és apostemes faiçtes de matiere espaisse, comme sont l'œdeme & scirrhe.

*Toutes tumeurs reçoivent elles mesme
curation?*

NOn, car il faut curer autrement celles qui sont faiçtes du sang, & autrement celles qui naissent de la bile, ou de la pituite, ou de la melancholie.

*Qu'est-ce donc qui nous commande de
diversifier la curation?*

Certaines considerations, dont la premiere regarde la condition de la partie. La seconde la qualité de la maladie, du remede, & le mouvement de l'humeur. La troisieme est

le lieu auquel le remede est appliqué. La quatriefme est le temps ou occasion pour se servir & preualoir du remede.

Donnez nous l'explication de toutes ces circonstances.

IE le veux Quant à la premiere, qui est la condition de la partie, elle comprend le temperament d'icelle, l'excellence, l'usage, le sentiment, la conformation, la situation & société avec les autres, la force du patient, & de la partie malade. De ces deux dernieres, les principales & premieres indications de la curation sont tirees. Pour la temperature de la partie, quelle qu'elle soit aux malades, elle doit estre conseruee par choses semblables : parce que le corps infirme & malade ne pourroit supporter les incom-

com.

commoditez d'un nouveau changement. Comme aussi les parties qui sont atteintes de maladie semblable à leur nature, demandent des remèdes doux & benins : au contraire, quand les maladies sont du tout opposées au naturel des parties, elles requierent des médicaments plus forts : d'autant que les vnes sont plus esloignées de leur nature, & les autres moins. Or des parties, les vnes sont princesses, communiquant leur vertu & action à tout le corps, & qui non seulement desirent pour leur soulagement & soustien le doux & gracieux zephire des remèdes, c'est à dire qui soient doux, benins & moderez ; mais aussi elles souhaitent des adstringents, apres & en suite des susdits, ou bien plustost mescangez avec iceux ; pour estre fortifiees, de crainte

que par l'usage des medicaments violents ou relaxans, la faculté de telles parties du tout nécessaire à la vie, ne soit offensée.

Les autres sont ignobles & moins importantes, sans aucune charge publique, à raison dequoy elles supportent avec moindre incommodité l'effect des remedes forts.

Le temperament monstre encore, que les parties humides, comme la chair & glandes, doiuent estre moins desseichees : & que les seiches, comme les nerfs, cartilages, ligaments & les os, requierent des medicaments qui desseichent davantage.

Quant à la conformation, elle signifie que les parties solides veulent des medicaments plus robustes, que les molles. La situation monstre les lieux, par lesquels la matiere se peut

plus facilement euacuer.

La force du malade & de la partie varie aussi la cure, ainsi qu'il sera dit cy apres. Or les parties qui ont vn sentiment tres-exquis, comme l'œil, ne peuuent souffrir des remedes qui immoderément relaschent, resoluent, refrigerent, & qui soient de qualité acre & maligne, ainsi que nous auons dit cy-dessus.

La seconde circonstance prise de la qualité de la maladie, du remede, & du mouuement de l'humeur, nous apprend & facilite l'usage & moyen des remedes en la curation des maladies. Or supposons que la maladie soit grande, demandât vn puissant remede à proportion, & qu'il y ait quelque debilité de forces : il ne faut pas d'abbord ny des le commencement le luy donner, mais bien vn mediocre,

& de peu à peu vn plus fort, en augmentant iusques à ce que les forces soient accreuës; & qu'elles esgalent la grandeur du mal: Car la nature estant extrememēt debilitce, ou de soy mesme, ou par la violence ou longueur de la maladie; elle ne pourroit endurer de grands & soudains changemēs. De maniere que quand il est besoin, par exemple, d'vne grande euacuation de sang, si les forces ne peuēt la permettre en vne seule fois, il la faut partager en deux. Si le corps est grandement cācochyme & foible, il le faut purger par interualles, & benigne-ment.

Au surplus il conuient suiure le mouuement de l'humeur, en cas qu'elle se purge ou euacuē par lieux conuenables. Que si elle se iettoit sur quelque partie noble, il la faudroit destourner

& luy donner vn autre chemin: si elle est disposée à sortir, la chasser & mettre dehors sans delay: si elle se trouue espaisse & gluante, l'attenuër, subtilier, & inciser; Comme aussi faut desboucher les conduits & les dilater; conditions necessaires es obstructions, qui sont si frequentes en la Medecine.

La troisieme circonstance est le lieu, qui semble plustost demonstret la forme du remede, que le moyen de s'en seruir. Car comme les parties sont differentes en figure, elles veulent aussi les remedes en forme dissemblable.

Quant à la quatrieme, qui est l'occasion ou temps commode d'appliquer le remede, elle est prise de la nature du malade, qualité de l'humeur, & nature des forces. De maniere qu'aux maladies aiguës la matiere estant turgente * & faisant effort de vouloir

sortir , il la faut euacuer promptement (c'est à dire des le premier iour , ou pour le plustard au second) à cause de la grande perte & dissipation des forces , & de peur qu'elle ne se jette sur quelque partie noble. Que si la maladie ne presse point , ains donne loisir d'attendre, en tel cas il sera meilleur de purger à la declination du mal.

* Ceste turgence (appelée en Grec *ortogisme*) estant difficile à discerner, à cause de la similitude qu'elle peut auoir avec l'émotion furieuse des bumeurs chaudes, telle qu'elle paroist assez souvent dans le commencement des fluxions ou inflammations, principalement internes, & des fièvres ardentes, accompagnées de grandes iactations de tout le corps: il est pareillement difficile de determiner la qualité du remede euacuatif, conuenable en ce doi-

teux rencontre. Car en ce dernier cas la saignée semble bien plus nécessaire; & qui purgeroit, enflammeroit & les parties & les humeurs. C'est pourquoy en cas du défaut de conseil en faict si importãt, il vaudroit mieux suivre la pratique la plus receüe, de preferer la saignée à la purgation, que ceste apparente turgence & orgasme ne requerra peut estre pas de cent fois l'une au commencement des maladies aiguës.

Or nous noterons en passant, qu'il n'est pas trop aisé de prescrire à vn chacun des remedes bien iustes & proportionnez au mal: pource que ny la grandeur de la maladie, ny celle des forces des malades, ny des medecaments, ne peuuent estre exactement prescrites & limitees, mais seulement par coniectures, esquelles vn chacun ne rencontre pas tousiours également.

D V P H L E G M O N.

CE qui est dit en general des tumeurs, doit estre accommodé à chaque espece en particulier : entre lesquelles le phlegmon est la plus frequente & commune , non seulement premierement & de soy, mais aussi pour ce qu'il suruient à plusieurs autres maladies, sçauoir aux contusions, playes, vlceres , luxations & fractures. Et desire plus de soin , d'autant qu'il excite de plus grands accidens , à sçauoir douleur , & fièvre, selon Galien au chap. 1. du 13. & 14. de sa Methode.

Du nom de phlegmon.

LE nom de phlegmon se prend en deux manieres , generalement pour toute inflammation, & mes-

me pour celle qui est seiche & sans matiere , que les Grecs nomment *phlogosis* : & particulièrement pour vne tumeur sanguine.

Quelles sont les differences du phlegmon

EN suite de la derniere signification , il y a deux especes de phlegmon. L'un est vray & exquis, engendré du sang naturel, bon en qualité & consistance, mais qui peche en seule quantité. L'autre est non vray & illegitime, qui prouient du sâg depraué en sa substance, lors qu'il est trop gros, sereux, bruslé & pourry; ou par le meslange & redondance des trois autres humeurs, dont le phlegmon est surnommé erysipelateux, œdemateux, ou scirrheux. Le phlegmon vray, selon le iugement de raison, est fort rare, pource qu'il y a tou-

58 DV PHLEGMON
siours quelque meſſange : ſelon le
ſens , il eſt aſſez frequent.

Qu'eſt-ce que phlegmon?

C'Eſt vne tumeur grande & li-
mitée , faiçte de ſang loüable ,
decoulant en quelque partie , de trop
grande quantité , entre les eſpaces des
parties ſimilaires. Plus briuement ,
phlegmon eſt vne tumeur contre na-
ture , avec douleur , rougeur , chaleur ,
renitence , & pulſation.

Quelle eſt la cauſe du phlegmon?

C'Eſt vne fluxion de ſang pur &
loüable ſur quelque partie , ex-
citée de cauſe interne ou externe.

Ces parties peuuent eſtre les vei-
nes , nerfs , ligamens & autres : mais
ce ſont le plus ſouuent les muſcles ,
parce qu'ils ſont plus chauds & plus

sanguins , comme estans garnis de plus grandes veines.

Quelle est la cause externe?

LA cause externe ou primitive est contusion , playe , luxation , chaleur , mouuement , & autres qui excitent la fluxion , la maniere de viure qui produit trop grande quantité de sang.

Quelle est la cause interne?

IE respons que ceste cy est double , l'vne antecedente , & l'autre conjoincte.

Quelle est l'antecedente ?

LA cause antecedente est la plénitude & abondance de sang loüable , lequel sortant hors des vaisseaux , poussé par la faculté expultrice , ou de soy mesme , s'escoule sur quelque membre debile , eschauffé , ou

dolent, entre les espaces des parties similaires.

Quelle est la cause conioincte?

LE même sang ja épandu & arresté en la partie; lequel venant à s'enflammer & corrompre, il degenerate de sa nature: car depuis que le sang est sorty hors de ses vaisseaux & lieux naturels, faut qu'il suppure, ou qu'il se corrompe.

Quels & combien y a-il de signes du phlegmon?

TV les pourrois aisément recueillir de la dernière définition cy-dessus assignée. Toutesfois pour t'en donner plus d'intelligence, ie te diray que les signes qui distinguent cette tumeur d'avec les autres, sont au nombre de sept. Le premier est l'élevation de la partie comme en

pointe, comprenant non seulement la peau, comme en l'erysipele, mais aussi la chair qui est au dessous, tesmoin Galien au 2. liure à Glaucon. Le second est la chaleur, laquelle s'augmente de plus en plus, à cause de l'obstruction & pourriture. Le troisieme est la rougeur, à raison du sang contenu sous le cuir; & de l'inflammation. Le quatrieme est la douleur, plus vehemente qu'en pas vne autre tumeur, si tant est que la partie soit sensible. Le cinquieme la tension, à cause de la superflüe quantité de la matiere. Le sixieme la dureté & renitence, à cause de la repletion. Le septieme & dernier est la pulsation, principalement quand la suppuration se faiet; à raison du mouuement des arteres pressées & eschauffees.

Combien y a il de temps au phlegmon?

Q Vatre, le cōmencement, l'accroissēmēt, l'estat & la declinatio. Le cōmencement est le temps auquel le sang fluë encore en la partie. L'accroissement est quand le sang qui est coulé, est rendu plus chaud, & est alteré par putrefaction, à cause qu'il est hors de ses vaisseaux qui le conseruoient. Et par le moyen de la chaleur il se faiēt vne fusion du sang, & il s'engendre des esprits vaporeux qui dilatent la partie inflāme, bien qu'il n'y influë plus rien. L'estat, quand la bouë ou pus se faiēt, auquel temps les douleurs sont plus grandes. Le quatriesme est la declination, lors que le pus se digere, & tous les accidens sont diminuez.

Quelle est la curation du phlegmon?

LA curation du phlegmon consiste en quatre poinçts, sçauoir en la maniere de viure, en l'empeschement de la fluxion, en l'euacuation de ce qui est afflué, & en la correction des accidens.

Quelle doit estre la maniere de viure?

LA maniere de viure doit estre legere, tenüe, refrigerante, quelque peu desseichante. A cause que le phlegmon estant engendré de sang, lequel est chaud & humide, on en doit diminuër l'abondance par l'abstinence, & en corriger les qualitez par les contraires. C'est pourquoy les boüillons ne conuiennent pas icy, pour le moins en telle quantité, comme dans les fieures, si ce n'estoit que le phle-

gmon fust accompagné de fâcheux & longs accidens , comme grandes veilles & douleurs , en vn corps qui abondast en bile , il faudroit moins desseicher. On euitera donc tout ce qui peut augmenter ou eschauffer le sang, comme la chair , le vin (propre de sa nature à exciter fluxions) les fortes & violentes passions de l'esprit , & les violens mouuemens du corps : lesquels en vn corps replet (ainsi qu'il a esté dict) esbranlent & jettent plus d'humeurs sur la partie, qu'ils n'en resoluent.

Comment faut-il destourner la fluxion?

PAR la saignée , encore que le corps ne fust plethorique ; pour obuier à la fluxion, que la douleur & chaleur excitent , liquefiant & corrompant les humeurs, selon Galien,

chap. 5. du 13. de la Methode. Elle sera faicte de la partie opposite, afin de faire reuulsion, & aussi souuent & si largement, que la grandeur du mal le requerra, iointe à la force du malade; l'aage, & les autres circonstances, seruans plustost à modifier la quantité, que d'en prohiber l'vsage. Sinon il faudroit appliquer des ventouses, & faire des frictiōs aux parties cōtraires.

Après que la fluxion sera cessée, on pourra descharger la partie malade, en tirant du sang de la partie plus prochaine, qu'on appelle deriuation. Auant la saignée il sera bon de lascher le ventre par clysteres ou médicaments benins, comme est la casse ou le catholicum.

Et pource que les autres humeurs pe-
chent quelque fois avec le sang, & la
chaleur excessiue conuertit en bile la

plus subtile partie d'iceluy, la purgation propre & accommodée à l'humeur superfluë ne sera obmise.

Comment faut-il euacuer ce qui est affluë?

AV commencement il faut vser de repercussifs adstringents, comme d'une esponge moiillée en oxycrat. Si d'auenture l'inflammation est aux ioinctures, on vsera du cataplasme de *semperuiua*, d'escorce de grenade, & de sumach, cuites en vin, avec de la farine d'orge. Il est aussi bon de tremper des linges en blanc d'œuf, huile rosat, & eauë rose, & les appliquer.

A l'accroissement, ores quil faille repercuter legerement, on meslera quelques resolutifs, mais en moindre quantité, avec les repercussifs, afin de reprimer la fluxion qui continuë, &

quand & quand dissiper ce qui est arresté & impact en la partie. L'huile rosat faict l'vn & l'autre, aussi est ce vn souverain remede. Pareillement le cataplasme faict avec mauues, roses, farine d'anet, avec vn peu d'huile de chamomille. Le liniment faict de vin cuit, d'eau rose, vinaigre & saffran, y est fort propre.

Durant l'estat ou vigueur, si le phlegmon se veut résoudre, il faut vser des chalastiques ou relaxans, ou des plus doux resolutifs, avec lesquels neantmoins on messera quelques astringents, pour roborer la partie, temperer la chaleur, & empescher vne nouvelle fluxion. Pour cet effect on fera vn cataplasme avec de la mie de pain, huile rosat, & mauues: ou la seule mie de pain cuite en soupe: ou bien vn cataplasme avec mie de pain,

miel & eau chaude. Les fomentations faictes avec mauues, guimauues, parietaire, absinthe, plantain, semence de lin, fœnugrec, tenoil, meurte, fleurs de chamomille & melilot, d'anet, & des roses, du son, le tout cuit en oxymel, ou en eau & gros vin Si avec le marc paistry & passé on adiouste la farine d'orge & de lin, avec les huiles rosat & de chamomille, ce sera vn cataplasme. Si l'ardeur & la douleur est fascheuse, on vsera des mucilages des semences de lin & fœnugrec, tirees en eau de violettes, ou au defaut d'icelle, en eau de plantain.

Quand le phlegmon est en la declination, il faut vser de puissans resolutifs pour digerer ce qui reste d'humour, cōme sont les farines de febues & lupins cuittes en hydromel : ou bien le cataplasme faict de cette sorte.

Prenez de la poudre d'iris de Florence, & de racine de bryone, de chacune demie once; semence de lin, d'anet, fenugrec, de chacune deux drachmes; fleurs de chamomille & melilot, de chacune vne pinſée; faiſtes bouillir le tout en egales parties de vin blanc & d'eau; pilez le & le paſſez, adiouſtant huile de chamomille & de lys, de chacune vne once; appliquez le avec eſtoupes, cotton ou laine graſſe.

Il faut toutefois bien prendre garde en l'vſage de tous ces remedes topiques, qu'en eſchauffant la partie on ne vienne à eſmouuoir vne nouvelle fluxion, ou que la partie qui reſte de la matiere, ne s'incraille par trop.

Après la reſolution, faut roborer la partie avec vne fomentation de la decoction de roſes blanches, ſumach, & myrtilles en vin rude.

Si la tumeur tend à suppuration, il faut vſer de ſuppuratifs, leſquels par leur chaleur temperée aydent la coction de l'humeur, qui n'a peu eſtre digérée, à cauſe de ſon eſpaſſeur & denſité de cuir. Tels ſont le baſilicon & diachylon commun, & le grand, ramolſſy avec huyle de lys; on y pourra adiouſter le bdellium, l'ámoniac, le ſtyrax liquide & la poix fonduë, ſi la matiere eſt par trop rebelle.

Quels ſont les accidents qui ſuruiennent aux tumeurs?

IL y en ſuruient quatre, douleur, retour de la matiere aux parties internes, diſpoſition ſcirrheuſe, & corruption de la partie.

Comment faut-il appaiſer la douleur?

LA douleur eſt appaiſée par remedes qu'on nomme anodyns,

qui sont temperez de leur nature, & sont composez de resolutifs, chalariques ou relaxans, & refrigerans; lesquels à la verité seuls & chacun à part peuuent nuire: mais estans meſſangez & se temperans les vns les autres, ils resoluent la matiere, relaschent la tension, & appaisent l'ardeur: Tels sont l'œuf entier, c'est à dire le iaune & le blanc battus & meſlez avec huile roſat, & appliquez avec laine graſſe. Ou bien le cataplaſme (auſſi commun que bon) faiſt avec la mie de pain blanc, deſtrempée dans du laiſt, avec huile roſat, iaune d'œuf, & vn peu de ſaffran. Ou le cataplaſme ſuiuant, faiſt avec des mauſues, ſeneçon, violiers, fleurs de chamomille, melilot, d'aneth & de roſes; le tout bouilly dans du laiſt, pilé & reduit en conſiſtence de cataplaſme.

On pourra aussi avec la decoction mesme de toute cette matiere, en former la partie, tant deuant, qu'apres l'application du cataplasme.

Si ces remedes ne profitent, & que les forces patissent & s'affoiblissent, il faudra recourir aux remedes narcotiques ou stupefactifs, qui esmoussât & hebetant par leur grande froideur le sentiment de la partie, l'endorment comme l'on dit.

Tels sont les fueilles vertes de solanum ou morelle, de jusquiame, de pavot, cuittes dans du lait. D'autres font cuire lesdites fueilles sous les cendres, & puis les pilent & meslent avec axunge. Ou au defaut les mucilages des semences desdites herbes, extraites avec eau de morelle ou plantain; ou bien l'onguent *populeum*. Afin qu'on aye le choix de remedes pro-

pres, selon le temps, lieu & commodité qu'on aura. Nous n'en proposons pas de plus violens, afin ou de ne point trop condenser la matiere' & la partie, ou d'en esteindre la chaleur naturelle, pensant appaiser l'esträge-
re. Ce qu'il faut craindre en ceste sorte de remedes, où il faut estre fort circonspect.

Que faut-il faire au retour de la matiere au dedans ?

IL faut l'empescher, & retirer par les attractifs, principalement s'il y a de la virulence; en appliquant sur la tumeur choses qui attirent, comme ventouses, cornets, & autres semblables. Et quant à l'induration ou disposition scirrheuse, faudra y pourvoir par les remedes qui seront proposez au chapitre du scirthe.

*Comment faut-il curer la mortification
de la partie?*

LA mortification (qui est, ou parfaicte, appelée sphacele, seu saint Anthoine, entiere mortification de la partie, mesme des os; ou commençante, appelée gangrene) est quand quelque partie se mortifie pour quelque grande inflammation, laquelle dissout & absorbe la chaleur naturelle, & destruit le temperament de la partie.

On la doit curer par scarifications profondes, appliquant l'emplastre fait de farine d'orobes & febues, cuit en oxycrat, & autres remedes que les praticiens proposent traictans de la gangrene, dont nous en rapporterons les plus necessaires cy apres au traicté particulier de la gangrene.

Du phlegmon changé en aposteme.

Qu'est-ce qu'un aposteme?

DE finissant la tumeur cy-dessus, nous auons dit qu'un aposteme estoit vne affection composée de trois genres de maladies assemblées en vne grandeur: de sorte que nous nous contenterons de ceste definition, & n'en chercherons point d'autre.

Combien y a il de differences d'apostemes?

DEux, l'une qui est avec inflammation, lors que la matiere du phlegmon est changée en bouë, & enclose dans quelque sinuosité ou espace. L'autre est sans inflammation, quand l'humeur peccante dès le commencement, par son acrimonie, se fait chemin: ou bien elle s'enveloppe de quelque membrane: comme

76 DV PHLEGMON
en l'atherome, flegatome & meliceris, dont nous traicterons en leur lieu.

Comment se font les apostemes d'inflammation ?

Elles se font quand la matiere n'a pas esté digerée par l'application des resolutifs, & on iuge la suppuration deuoir aduenir, par l'ardeur de la partie, tumeur, rougeur, dureté, douleur pungitiue, fièvre, pulsation, & pesanteur, comme s'il y auoit quelque chose suspenduë. On cognoist le pus fait, quand tous les accidens sont diminuez, ou bien quand la tumeur vient en poincte, & que la bouë obeit au touchier.

Combien y a-il de considerations en l'ouuerture de l'aposteme, & comment la faut-il ouurir ?

L'Ouuerture se doit faire avec la lancette, ou le caustere a quel ou

potentiel (ſuiuant les fibres des muscles & la rectitude des vaiſſeaux,) euitter les nerfs & vaiſſeaux inſignes, de peur de n'en offenſer l'actiõ ou vſage, & cauſer quelque falcheux accident: choiſir le lieu plus decliue où giſt la matiere, & ne l'euacuer tout à vn coup. Le pus eſtant euacué, il faut deterger l'vlcere: & ſ'il eſt caue, il faut procurer par les medicamens ſarcotiques (c'eſt à dire qui engendrent la chair) de le remplir, & finalement le cicatrifer. Les medicamens ordinaires qui ſatiſfont à ces trois intentions, ſont le mundicatif d'ache, l'aureum, & le diapalma.

Du clou ou furoncle.

SOus le genre de phlegmon ſont compris les tubercules & puſtules qui prouiennent du ſang,

comme le furoncle & le charbon :
 lesquels different l'un de l'autre ; en
 ce que le charbon prouient d'un sang
 brusté , & que le furoncle est faict
 d'un gros sang corrompu , que na-
 ture separe du bon , comme superflu
 & nuisible , & le chasse aux parties
 externes.

Quelles sont les differences du furoncle ?

GAliEN au chap. 3. du 5. liure selon
 les lieux , en faict deux. L'un est
 boutonneux , petit , dur & difficile à
 suppurer. L'autre est phlegmoneux ,
 plus gros & qui suppure aisément ,
 que Celse definit tubercule aigu avec
 inflammation & douleur , principa-
 lement quand il approche de la sup-
 puration.

Il differe du phlegmon , non seule-
 ment en grosseur , mais aussi de ma-

tiere & de lieu. Car il est plus petit, il est faict de sang vitié, lequel les estuues, bains, exercices, & la chaleur du Printemps és corps cacochymes faict sortir dehors, suiuant l'Aphor. 20. du 3. liure. Tel sang s'amasse par l'vsage des mauuaises viandes, coctions depraüées, obstructions, oyfueté, suppression des mois, & hemorrhoides. Comme au contraire le flux d'icelles retranche la matiere des cloux, selon Hippocrate *en la section 3. du 6. liure des Epidemies.*

Des causes & curation.

ET ainsi comme le phlegmon vient de plenitude, le furoncle est vn germe de cacochymie. Quant au subiect, il n'occupe gueres que le cuir. Et d'autant plus qu'il est profond, d'autant plus est il malin, &

approchant de l'anthrax. Le cutanée n'est dangereux de soy, selon Celse, & meurt bien souuent, s'ouurant de soy-mesme. Toutefois la douleur contraint de procurer & hastier la suppuration. C'est pourquoy apres les remedes generaux, il faut venir aux remedes topiques, non point repercussifs, à cause de la corruption du sang: mais resolutifs ou plustost suppuratifs, la condition de l'humeur qui est crasse, n'en faisant esperer la resolution. Entre les suppuratifs ceux qui suiuent sont les plus vsitez, l'oing doux & leuain, l'ozeille cuite au beurre, le pain masché, la racine de lys, le basilicum, le diachylum. Et s'il est plus rebelle, il faut vser de cataplasme suppuratif. Apres qu'il aura bien purgé, il faudra encor auoir égard à la plenitude & cacochymie, par phleboromie

botomie & purgation conuenable,
afin d'en couper la racine.

De l'anthrax ou charbon.

ENtre les tumeurs ou pustules
sanguines, le charbon est le plus
mauuais & difficile à guarir. Aucuns
doutent si c'est tumeur ou vlcere,
pource que Galien au chap. 12. du liure
des differences des maladies, dict, que
c'est vne maladie composée de tu-
meur & vlcere. Toutesfois il s'expli-
que au chap. 10. du 12. de la *Methode*;
où il escrit, qu'il commence par vne
bubé, ou plusieurs, comme si c'estoit
brûlure de charbon, dont il a esté ap-
pellé par les Grecs *Anthrax*, qui signi-
fie vn charbon allumé, à cause de son
ardeur: de maniere que par ces deux
noms, l'vn Grec, sçauoir *anthrax*; &
l'autre Latin, sçauoir *carbo* ou *carbuncu-*

lus, en François *charbon*, il ne faut entendre qu'une mesme maladie, encore que Maistre Guy de Cauliac les distingue.

Quelles sont les differences du charbon?

GAlien, au lieu preallegié, dit, qu'il y a deux sortes de charbon, qui vient avec pustules ou bubes, l'autre sans icelles. Auicenne au chap. 9. fen. 3. du 4. liure, appelle le dernier *prunam*, c'est à dire charbon ardent; l'autre *fen Persique*, qui est plus malin. Ce que Guidon a ensuiuy, car il en fait vn simple, qu'il nomme Carboncle; l'autre malin, qu'il appelle *Anibrax*; lequel s'arrestant sur quelque partie, bruste le cuir, y faisant eschare; fait d'un gros sang, & boüillant. Lesquels ne different pourtant que de qualité de matiere.

Des causes du charbon.

IL n'y a qu'une cause de tous les deux, à sçauoir fluxion d'un gros sang bouillant, & demy brûlé. En quoy le charbon differe du cancer, qui est fait de sang totalement brûlé, & changé en atrabile, ou bile noire. Ce que tesmoigne Galien au chap. 1. du 2. liure des differences des fieures, quand il dit, que le sang qui fait le charbon, est bien pres d'estre changé en atrabile, mais il n'y est pas encore conuertty comme au cancer.

Des signes du charbon.

LEs signes sont premierement tumeur petite au commencement, & puis mediocre: avec durescé; à cause que l'humeur est gros & aduste: de couleur rouge brune, pource

que l'inflammation est faite d'un sang noir ; quelquefois citrine , à cause du mélange de quelque serosité bilieuse ; avec chaleur , procédant de l'adustion ; douleur poignante , à cause de l'acrimonie de l'humeur ; démangeaison , à cause de la serosité ; avec quelques bubes , ou plusieurs , qui naissent de serosité bilieuse ; eschaubouleur , vlcere sanieux & liuide , qui survient aux pustules quand elles sont rompuës ; la chair noire , brulée , & feculente , crouste ou escarc autour de l'vlcere. Ausquels signes faut adjoûter la fièvre , à cause de la grande ferveur & corruption du sang.

Si le charbon est malin , outre les signes susdits , il y a pesanteur de membre , à cause de l'oppression de la faculté ; défaut d'appetit , horreur des viandes , vomissemens , inquietude , douleur de

ceste, assoupissement, refuerie, palpitation, battemēt de cœur, & autres tels accidēts, qui laissent peu d'esperance de salut, principalement quand ils perseuerent & empirent. Bref celuy qui est de couleur perse & noirastre est pire, comme marque de plus grand adustion & malignité.

Du prognostic.

OR comme tout charbon est tousiours mauuais, en temps de peste il est plus dangereux: & encore plus quand il suruient à la fièvre, que s'il la precede: car ce dernier cas demontre que nature est plus forte. S'il disparoist soudainement & sans raisō, cela est mortel, pource que le venin gaigne les parties nobles. S'il apparoist vers l'estomach & la gorge, soudain il estouffe, telmoin Celse au chap.

28. du 6. liure, à cause du voisinage du cœur, & difficulté de respirer : & plus il est proche d'iceluy, d'autant plus il est dangereux, pource qu'il signifie vne grande debilité de nature, laquelle ne peut chasser le venin plus loin.

La curation.

LA curation consiste en deux sortes de remedes, communs & particuliers. Les communs visent à corriger le vice du sang & conseruer les forces. L'ardeur du sang est mitigée par la maniere de viure & phlebotomie.

Touchant la maniere de viure, au simple charbon elle doit rafraichir & humecter : au veneneux, desfeicher. Les choses acides conuiennent à l'un & à l'autre, d'autant qu'elles

resistent à la pourriture. Comme aussi la quantité modérée des viandes de bon suc, peut roborer nature & non l'opprimer. Le vin augmente à la vérité la fièvre, mais il resiste au venin, & soustient les forces. Le long dormir ne conuient aux pestilens, ny aussi la froidure de l'air. Car comme le froid repousse & rejette le venin au dedans, ainsi la clarté & la chaleur l'attirent, & les choses odorantes le corrigent.

Quant à la phlebotomie, Galien au second à Glauc. commande au commencement de la fluxion de tirer du sang de la partie contraire, pour faire reuulsion, iusques à syncope exclusiue, (les forces le permettant) pource que telle euacuation rafraichit soudainement, & reprime la fluxion. Mais si le charbon est pestilent,

ou il ne faut saigner (estans les forces debiles) ou il faut tirer du sang en petite quantité du costé malade , tant pour rafraischir & temperer l'ardeur de la fieure , que pour descharger la partie , & mesme pour attirer dauantage , selon le conseil d'Auicenne. S'il y a par trop grande debilité , il sera mieux d'appliquer des ventouses au dessous avec scarification.

Après la saignée , au simple charbon , il faudra vser de purgation , si besoin est. Les forces seront cependant gardées , & le cœur , principe de vie , muny & roboré par les aliments de bon suc & vsage de vin , par les alexipharmques ou remedes cordiaux ; tant pris par la bouche , comme theriaque , mithridat , poudres , opiates , eautés cordiales , citrons , & autres ; qu'appliquez sur la region du

cœur, comme epithemes, sachets odorants. Si le charbon est si benin, qu'il puisse venir à suppuration, l'ayder par les suppuratifs. S'il n'est tel, il s'en faut abstenir, à cause qu'ils augmentent la pourriture. Galien conseille de scarifier l'ulcere assez profondement, eu esgard à l'espaisseur de l'humour: & apres fomentier le lieu d'eau chaude, & faire en sorte que la sanie en sorte. Pour cét effet le cataplasme faict avec figues, passules, noix vieilles, ruë, scabieuse & farine d'orge, le tout cuit en inome ou vin miellé, adioustant des jaunes d'œufs & vn peu de sel, & sans graisse, est bon: ou le cataplasme de pain bis avec des lentilles & plantain, cuits ensemble dans eau commune. L'escare estant tombée, faut traicter le mal comme vn ulcere.

Du bubon.

L'Inflammation qui vient aux glandes des émonctoires, communément est appelée bubon, comme tesmoigne Galien au chap. 1. du 2. liure à Glauc. Mais ce nom signifie plus spécialement celle qui se fait aux aînes, à cause que les Grecs nomment ces parties-là *bubones* : derrière les oreilles elle est appelée parotide, du nom de la partie. En ceste particulière signification le bubon est simple, ou venerien, ou pestilent. Le simple est fait de causes manifestes, ou internes. Les manifestes sôt quelques vlcères, galles, contusions, douleur, qui esmeuent la fluxion au plus prochain émonctoire.

Des causes du bubon.

L'A cause interne est vn sang superflu, que la vertu expultrice

chasse aux emonctoires, comme parties debiles, & passages des grands vaisseaux : ou par maniere de crise sur la fin de quelque fieure, ou pour ce qu'elle est trop chargée d'humeurs. Le venerien est vn avantcoureur de la verole : car il est participant d'une virulence, que le foye premier infecté chasse avec le sang, qui s'enveloppe aux emonctoires.

Des signes.

Quant aux signes, si le bubon vient à supputer, c'est bon signe. & s'il s'en retourne, il menace de la verole. Le pestilent est commun aux aines & aisselles, & est fait d'un gros sang infecté de venin, que la nature chasse aussi aux emonctoires. Au commencement il a forme de glande, estant fort longuet & mobile

mais peu à peu il s'affermir & devient rond, avec rougeur, tension; douleur poignante, inflammation & fièvre, laquelle est moins dangereuse quand elle presse de près le bubon. Car s'il survient bien tard à la fièvre, c'est plustost par abondance & propagation du mal, qu'autrement.

De la curation.

Quant à la curation, si le bubon simple vient de cause manifeste, sans aucun vice du corps, il est aisé à guarir avec les huiles chalastiques ou relaxans. S'il est critique, il ne le faut ny retirer, ny repousser, mais plustost attirer & mourir.

S'il vient de plénitude, ou cacochymie sans virulence, on doit premièrement pourvoir à tout le corps par phlebotomie de la partie opposite, &

par purgation, pour diminuër & euacuer la cause antecedente. Quant à la tumeur, elle requiert les relaxatifs & resolutifs, cōme les huiles de chamomille & lys, avec laine grasse. Que si on ne le peut resoudre, faudra venir à la suppuration.

Si le bubon est veneneux, il ne faut vser d'aucune reuulsion, ny mesme attenter la resolution, (laquelle est suspecte.) Ioint que la matiere grossiere & visqueuse n'y est pas propre; Mais plustost faut ayder nature par routes sortes d'attractifs, sinon lors que la douleur est grande: laquelle il faudra appaiser avec les chalastiques qui eschauffent moderément, & ce pour éuiter la gangrene. Pareillement si la fluxion estoit trop grande, il faudroit la destourner en la partie voisine, par ventouses & vesicatoires, afin

d'alléger la partie opprèssée, & en danger de pourriture.

Il y a quelque contrariété entre les praticiens lors que le bubon malin est en l'aine, le corps estant replet: si les premières saignées doivent estre faictes du bras. Mais il est certain que la saignée du pied a des indications plus raisonnables & conformes à l'intention de la nature, & aux loix de l'art. Car puis que la nature chasse l'humeur des parties internes & nobles, aux externes & ignobles, destinées à la descharge & reception des superfluitéz de celles là, comme sont les émonctoires; on ne doit pas, par vn mouuement renuissif & contraire, retirer & rappeler ce qu'elle met dehors.

D'où ie prens occasion de m'estonner de la methode desdits praticiens (contraire à celle de tous les Auteurs) laquelle celebre les premières saignées és bubons veneneux

du bras, estans véritablement reuulsives. Car les loix de la reuulsion n'ont icy aucun lieu, en égard au mouuement de la nature, à la qualité de l'humeur, & à la condition de la partie ou lieu affecté.

Quant au mouuement de la nature, puis qu'il est regulier & commode, ne doit on pas plustost l'imiter & l'ayder, que de la diuertir & luy faire rebrousser chemin?

Quant à la qualité & malignité de l'humeur, il n'en conste que trop de l'essence de ceste espeece de bubon cy-dessus posée, & dont on ne disconuient pas.

Pour la condition du lieu, ce sont les premieres leçons de l'usage des glandes, qu'elles sont destinées à recevoir les superfluités & impuretez du corps, ce que leur seule structure rare & spongieuse demonstre assez. Ce qui estant vray de toutes les glandes qui se retrouuent en plusieurs en-

droits de nostre corps , à plus forte raison de ces grosses & remarquables, qui sont au col, aux aisselles, & aux aines, qu'on nomme à cause de cela, emunctoires des trois parties nobles. La seule lecture du livre d'Hippocrate, intitulé de Glandulis, est route pour la confirmation de ces usages, & par consequent pour la pratique qui établit les indications curatives sur ceux. J'y renvoye le Lecteur, l'assurant que pourveu qu'il en entende seulement les termes (qui n'ont au reste besoin de commentaire) il n'en partira pas sans satisfaction.

Mais ie ne me puis tenir de citer sur ce subiet deux passages, tirez du 6. livre des Epidemies dudit Hippocrate. Le premier de la 2. section. Les absces (dit-il) comme les tumeurs des glandes, donnent des indices des parties d'où elles procedent, & principalement des visceres.

tes. Et l'autre bien plus précis de la sect. 7. Il arriuoit plusieurs tumeurs des aines & des glandes, pource que la veine hepaticque (c'est à dire la veine cane) estoit affectée.

Encore que telles desccharges ne soient pas tousiours critiques, ains quelquesfois symptomatiques (comme sont celles qui se font au commencement des maladies) la voye neantmoins & le terme de l'aboutissement sont les mesmes, que tient la nature és euacuations critiques. Si bien qu'il n'y a aucune doctrine dans toute la Medecine si euidente & si claire, ny fondée sur de si palpables fondemens que cette-cy. Et que par consequent la pratique contraire renuerse & destruit l'intention de la nature, lors qu'au lieu de seconder son mouuement du dedans au dehors, elle fait vne retraction dangereuse, propre à infecter la masse du sang, & à trauailler

& fatiguer la nature, en forçant son inclination.

Pour le reussissement (quel qu'il soit) qu'ils alleguent de leur methode, il ne doit pas servir de loy, à qui sçaura qu'à vne forte nature, quelque violence qu'on luy face, elle ne laisse de surmonter les empeschemens qu'on luy peut donner. Et on ne tire que trop souuent de dangereuses consequences des euenemens à l'imitation, & de l'erreur à la regle.

De la gangrene.

AVx grandes inflammations succede quelquesfois la gangrene, qui est vne disposition d'une partie à mortification; & si bien tost on ne l'arreste, elle se termine en sphacèle ou syderation, qui est vne entière mortification de la partie, ainsi qu'il a esté dit cy-deuant. Et comme la gan-

grene est vne corruption qui se faiet encore, le sphacele est vne corruption ja consommée par la parfaicte dissipation & extinction de la chaleur naturelle, comme escrit Galien *au chap. 9. du 2. liure ad Glauconem.*

Quelles sont les causes de la gangrene ?

C'Est vne grande inflammation, en laquelle le temperament de la partie se corrompt, à cause que les esprits ne peuuent reluire à la partie, pource qu'il y a obstruction, ou interception de l'esprit vital. Ce qui aduient par ligature ou venin, ou par l'incision de quelque vaisseau, causée de playe, ou par medicaments corrosifs, humides, froids; ou de quelque froid extreme: ou par cause interne, comme par repletion, obstruction, & grande inflammation.

Quels sont les signes ?

CE mal est cogneu en cinq manieres. La premiere par le changement de la couleur vermeille en livide & noirastre. La seconde par l'imminution & abolition du sentiment. La troisieme par la mollesse & lacheté du membre : de sorte qu'estant pressé avec le doigt, il s'enfonce facilement, & demeure enfoncé, sans se pouoir remettre, par faute d'esprit. La quatrieme par la froidure, au moins par la priuation de la chaleur naturelle. La cinquiesme par la puanteur, qui fait la corruption & pourriture (si la chaleur estrange y a dominé) ou apres qu'elle survient à la partie. Lesquelz signes s'ils augmentent & continuent longuement, la gangrene se confirme & passe en sphacele, qui est

incurable. Quant à la gangrene, aux ieunes gens elle est guarissable, & la curation en doit estre prompte, à cause que le mal est soudain. Comme conseille Paul Eginete au chap. 19. du 4. liure. Mais on-la doit varier selon la diuersité du mal, de la partie, de la nature du patient, & des causes.

Quelle est la curation ?

IL faut ordonner premierement la maniere de viure, laquelle ne peut estre tousiours vne mesme, ains conuient la diuersifier selon la diuersité des causes & des symptomes : en apres ordonner remedes propres, comme la saignée & purgation, qui sont les remedes generaux. Mais sur tout la saignée, si elle n'auoit esté faite suffisamment. Et de là venant aux topiques, corroborer le cœur, &

prendre garde au foye, scarifier la partie plus ou moins profondement, selon la grandeur du mal; & la laisser fort saigner, & apres la lauer avec eau marine chaude, ou avec oxycrat chaud, dans lequel on aura dissous du sel & de l'egyptiac, & ce plus hardiment, si le corps est robuste & vigoureux.

Après la scarification & lotion, il faut appliquer vn cataplasme de faculté desiccatiue, comme est le composé de farines de febues, de lupins, d'orobe & d'orge, de chacun deux onces; cuittes en oxymel, y adioustant des fucs d'absinthe & de marrube, de chacun vne once; miel rosat demie once; avec aloës, myrthe, & vn peu de sel & eau de vie. Il faut cependant auoir soin de la partie saine, de peur que la corruption ne s'y communi-

que ; & y appliquer des defensifs qui resistent à la pourriture , c'est à dire froids & secs , comme le bol armene & la terre sigillée , destrempés avec vinaigre , & apposez tout à l'entour de la partie en forme d'epitheme. Aquapendente conseille d'adiouster icy le scordium & à tous les autres topiques. Car s'il preserve (dit-il) la partie morte de la pourriture , à plus forte raison la partie saine.

Que si tous les remedes ne profitent , & que la corruption soit arriuée iusques à l'os , & que la gangrene soit passée en sphacele , il en faut venir à l'extirpation de la partie : laquelle outre qu'elle ne peut plus acquérir la vie qu'elle a perduë , elle corrompt les parties prochaines.

De l'erysipele.

EN l'explication des tumeurs, le second lieu est donné à l'erysipele, d'autant qu'il n'est pas de beaucoup différent du phlegmon, avec lequel il a de commun, non seulement la tumeur, mais aussi la chaleur, selon l'opinion d'aucuns. Toutesfois la verité nous apprend, qu'ils different en matiere, sujet, & symptomes. Ce nom luy a esté baillé des Grecs, aussi bien que presque tous ceux des autres tumeurs.

Qu'est-ce qu'erysipele.

C'Est vne tumeur peu ou comme point élevée, faicte quelquefois de sang subtil, fervent & bouillant, seulement accompagnée de douleur & chaleur; & bien sou-

uent participant de quelque portion de bile excrementeuſe, ou autre humeur. Quand il exulcere, ce n'eſt gueres que le cuir: pource que ceſte humeur eſtant ſubtile, elle trauerſe bien en paſſant les muſcles & parties charnuës qui ſont rares; ſ'arreſtant ſeulement ſur le cuir denſe & eſpais. Qui ne la retient pas encore tellement, qu'elle s'y accumule, ainſelle ſ'eſpanche ſuperficiellement. C'eſt pourquoy il n'y a point de pulſation, comme au phlegmon, qui penetre plus auant dans la chair. Ce qui eſt cauſe que l'eryſipele eſt vne tumeur non gueres eminente, faiçte par deſfluxion d'humeurs bilieuſes, avec inflammation, douleur, & couleur iau-ne-rouge.

De ce qui vient d'eſtre dict, que l'eryſipele n'occupe que la ſuperficie du cuir, ne

faisant point d'elevation, quelques uns veulent exclure l'erysipele du rang des tumeurs.

Pour ne point contester pour si peu de chose, ny charger ce Liure de questions & matieres inutiles, ny disputer où il ne s'agit que d'operer : ie dis qu'on ne peut concevoir l'humour de l'erysipele, mesme exquis; espanchée sur le cuir, qu'on ne suppose addition d'une matiere qu'il n'avoit pas, lors quil estoit en sa disposition naturelle. Et partant il faudra tout au moins avouer, que si peu qu'il y aye d'humour survenuë, il faut qu'elle accroisse la partie qu'elle couvre ou occupe. Si bien qu'on peut denier qu'il n'y aye point de tumeur, quoy qu'elle ne soit point autrement sensible, comme au phlegmon & autres tumeurs. En tout cas, pourveu qu'on s'accorde de l'essence du mal, pour le bien guerir, il importe peu de tenir qu'il y aye tu-

meur, ou non. Ne voulant point m'amuser à epiloguer sur le passage de Galien; cité en l'article suivant; à l'imitation mesme dudit Galien, qui se moque par tout, de ces subtilitez, qui consistent plus en l'intelligence ou plustost chicane des mots, qu'en l'essence des choses.

Quelles sont les differences?

LEs differences sont deux. Car comme le phlegmon (l'un est vray) & exquis, qui (selon aucuns) est vne affection du cuir seulement, produicte de la plus chaloureuse partie du sang; selon Galien au chap. 1. du 2. liure ad Glauc. est causé d'un sang bilieux, subtil & bouillant. L'autre est non vray, qui est fait ou de la bite non-naturelle, excrementeuse & separée du sang, ou d'icelle mesme meslée avec les autres humeurs: par

le meſlange deſquelles l'eryſipele eſt ſurnommé phlegmoneux, œdema-
teux, ou ſcirrheux, ſelon que la bile
domine ſur l'vne des autres humeurs
adjointes & meſlangées. Galien faiſt
vne autre diuiſion de l'eryſipele *au*
chap. 2. du 14. de la Methode, diſant,
que l'un eſt avec vlcere, & l'autre
non. Au premier, l'humeur eſt plus
acre & boüillante, propre à exciter
des veſſies, & à vlcerer le cuir, que
Celle *au chap. 28. du 5. liure* appelle ſeu
ſacré: Et de ceſtuy doit eſtre entendu
l'argument de Galien, pris du com-
mentaire ſur le 34. Aphoriſme du 4.
liure, où il diſt, que quand la bile flüe
en quelque partie, elle faiſt vlcere; &
non tumeur.

Au ſecond le ſang meſlé avec la
bile reprime & tempere ſon acrimo-
nie.

Quelles sont les causes ?

LA cause interne antecedente de l'erysipele est vn sang bilieux, redondant & trop eschauffé, engendré par la chaleur excessiue du foye: lequel sang decoulant des vaisseaux, passe & traaverse les espaces vuides des parties similaires, & vad s'arrester sur le cuir, & y faiet la cause conjoincte. Les causes primitiues sont toutes choses qui eschauffent le foye & le sâg, & augmentent la bile, comme la chaleur, l'ardeur du Soleil & du feu, les estuues, les bains, l'exercice violent, les veilles, l'vsage immoderé des viandes acres & espicées, le vin fort, & la cholere.

Quels sont les signes ?

LEs signes propres de l'erysipele, & qui le distinguent d'auec les

autres tumeurs, sont cinq. Le premier est tumeur superficielle & peu élevée, mais de grande estendue, n'occupant que le cuir. Car d'autant qu'elle est plus profonde, elle participe plus du phlegmon. Le second est la couleur rougeâtre, tirant sur le iaune, respondante à l'humeur, & laquelle au toucher promptement s'esuanouyt, mais elle retourne tout aussi tost, pour ce que la matiere est superficielle. Le troisieme est la chaleur & la fieure, laquelle est plus grande qu'au phlegmon, à raison que la matiere est plus chaude & subtile. Le quatriesme est la douleur poignante, & non pas tendue ou grauative, comme au phlegmon. Le cinquiesme est la pulsation, n'y en ayant aucune; ou moindre qu'au phlegmon, à cause que la matiere n'est point profonde, ny la tu-

meur gueres enleuée, ains plustost espanchée sur le cuir, dont les arteres ne sont point pressées. On peut adiouter, que la fièvre est continuë, qui a ses redoublemens de deux iours l'un, ce qui est propre aux fièvres bilieuses. Les autres signes, qui sont pris du temperament bilieux, de la ieunesse, du temps d'esté, de la region chaloureuse, de la condition de vie laborieuse & inquiete, & d'une maniere de viure eschauffante; sont communs à toutes les maladies bilieuses.

Du prognostic.

Quant au prognostic, si l'erysipele survient aux os desnuez, il en dangereux, par l'Aph. 19. du 7. liure, à cause que la bile qui est acre, empesche l'union, ronge & corrompt les os. S'il vient à suppuration, il est

mauvais, par l'Aphor. 2. du mesme liure, pource que le vray crysipele se doit terminer par resolution, à cause de la tenuité de l'humeur. Et s'il suppure, c'est signe qu'il y a du mélange du sang, & par conséquent qu'il participe du phlegmon, le sang estant l'humeur plus propre à suppuration. S'il s'en retourne du dehors au dedans, c'est mauvais signe, par l'Aphor. 25. du 6. liure: car vne telle matiere vaut mieux dehors que dedans, où elle peut causer de bien plus grands ravages, qu'elle ne feroit dehors. S'il vient en la matrice de la femme enceinte, il est pernicieux, par l'Aphor. 43. du mesme liure; pource qu'il la faiet avorter. Or combien qu'il puisse assaillir tout le corps, le plus souuent il monte au visage, à cause de la legereté, subtilité, & chaleur de la bile: auquel lieu il ne peut

peut estre que dangereux (s'il occupe grand espace) pour la crainte de suffocatiõ, s'il vient à se jetter sur les parties seruans à la respiration ; & à donner au cerueau , d'où il est si proche.

La curation.

LA cure a deux principales intentions. L'vne curatiue, & l'autre alteratiue. La curatiue doit auoir égard à ce qui fluë, & l'empescher. Et à ce qui est desia flué en l'euacuant ; ainsi qu'il a esté dit au chapitre du phlegmon. Mais l'indication alteratiue est aussi de grande consideration , à cause que l'humeur peche bien autant en qualité , qu'en quantité. Ce que la violence des symptomes tesmoigne euidentement. C'est pourquoy il faut plus refrigerer & humecter qu'au phlegmon. Ce qui s'accomplira par

la maniere de viure refrigerante & humectânte, à caule de l'humeur chaude & seiche, que de l'inflammation és fieures bilieuses qui l'accompagnent, que par les remedes enluiuans, comme la fomentation avec oxycrat, decoction ou eau distillée de laiçtuë, pourpié, solanum; liniment avec ynguent rosat, nutritum, & semblables. Et quand on void que la couleur se change, il faut cesser & appliquer vn cataplasme de farine d'orge. Que si l'on auoit trop refrigeré, & que le cuir en fust noir, il faudra scarifier, puis fomentier d'eau chaude salée, & à la fin appliquer le cataplasme susdit, auquel sera adjousté du vinaigre. Touchant la saignée, Aëtius dit, qu'il faut saigner si le sang abonde. A quoy s'accorde Auicenne, malgré la maxime des Medecins Arabes, entre les-

quelsil tient rang de Prince, tant en doctrine que de naissance ; qui déféd la saignée aux maladies causées de bile, disant que le sang est le frein de la bile. Mais le Lecteur sçaura, qu'un tel frein n'en retiendrait pas la furie, & qu'il est bien plus seur d'en euacuer vne partie avec le sang, afin que la nature regisse mieux le reste.

Quant à la purgation, apres auoir satisfait à la plénitude & a la correction des accidens par la saignée, il ne faudra oublier les purgatifs cholagogues, qui euacuent & tirent la bile avec choix.

De l'herpes.

SOubs l'erysipele sont comprises les pustules bilieuses, que le vulgaire nôme *dartres*, pource qu'à la mode de l'herpes (qui signifie eschaubouleur & feu sauuaige) elles s'esten-

dent, rampent, & traînent d'une place à l'autre. Auicenne les appelle for-mis, à cause de l'erosion piquante qu'elles font. Celse les a comprises sous le nom de *feu sacré* : Auicenne constituë l'herpes entre les simples pustules : Hippocrate au *prophetiq.* & Galien au 14. de la *Methode* chap. 17. le mettent entre les vlcères.

Qu'est-ce que herpes ?

POur ne point contester avec les susdits Auteurs, nous dirons que c'est vne tumeur bilieuse avec vlcere rongeat; ou pustules seiches, accompagnées de prurit, punction, ardeur, avec inegalité & rudesse du cuir, & rougeur pallissante, non gueres eminente. De laquelle definition tu colligeras les signes.

Quelles sont les différences ?

Quant à ses especes, les anciens n'en sont pas bien d'accord, à quoy nous ne nous arresterons pas: suiuaus seulement Galien, non au liure des tumeurs, *chap. 9.* où il n'en fait que deux, à sçauoir l'herpes rongeant, & le *miliaris*, & non plus: mais bien au second liure *ad Glauconem*, où il en faict trois differences. La premiere est l'herpes simple, qui est faict d'une bile plus subtile & moins acre. La seconde est l'estiomene, c'est à dire, rongeant, faict de bile plus acre & mordicante, qu'aucuns ont appellé *ser saunage*, lequel ronge le cuir iusques à la chair. Or ces deux especes peuuent estre reduictes en vne, pour ce qu'elles n'ont qu'une mesme matiere, plus ou moins acre. La troief-

me est l'herpes *miliaris*, fait de bile plus benigne, meflée avec vn peu de pituite. Il est ainfi nommé, à caufe qu'il est avec de petites bubes, femblables aux grains de millet.

Quelles font les caufes ?

LA caufe des deux premieres efpeces est la feule bile excrementueufe, & non naturelle, feparée du fang; ou corrompuë & bruffée, laquelle penetre les parties charnuës, & la peau mefme iufques à l'epiderme : où eftant arrestée, elle ronge le cuir & y fai& vlcere. La caufe du *miliaris* est la bile meflée avec la pituite, qui la rend plus groffiere & moins acree. Auicenne dit, qu'il ne fe faut eftonner, fi quelquesfois l'herpes fe rend rebelle aux medicaments, pource qu'il peut eftre fai& de bile meflée avec le fue

melancholique ; & par ainsi de tardive resolution.

Quelle est la curation ?

EN la curation des trois especes d'herpes il y a trois intentions. La premiere est de destourner la matiere peccante par purgations conuenables, clysteres, frictions, medicaments diüretiques, lesquels par les vrines euacuënt vne bonne portion de bile. Quant à la saignée, elle n'est pas conuenable, si le corps n'est plethorique (ce qui ne se rencontre gueres autremét) & le foye trop eschauffé. La seconde est de temperer la chaleur du foye, & l'acrimonie de l'humeur, par vne maniere de viure refrigerante, & par apozemes hepaticques de semblable faculté. La troisieme consiste en l'vsage des topiques, qu'il

faut distinguer & varier selon le temps & qualité de la maladie. Si l'herpes est vlcéré avec tumeur, il a deux indications curatiues : l'une pour la tumeur, qui consiste en l'evacuation de ce qui affluë, comme nous auons desia dit : l'autre giste en la desiccation, à cause de l'vlcere, sur lequel on appliquera les remedes qui digerent la tumeur, en desséchant l'vlcere. Ce qui se fera avec les sommittez, autrement tenons de vigne, & le plantain, cuits en oxycrat, pilez & passez ; y adioustant de la farine de lentilles & d'orge, avec du miel.

Que s'il y suruient quelque accident, on y pouruoirra, comme il a esté cy-deuant dit. En l'herpes miliaris on purgera aussi la pituite, qui y est meslée avec la bile. Et d'autant qu'il est cutanée, il n'a besoin de si forts re-

medes : car aucunesfois la seule salive de l'homme à ieun le guarit , ou la faumcure du poisson, ou la decoction salée de lapathum ou parelle, ou le suc de limassons rouges avec du sel , ou l'vnguent enulat, ou autre semblable, faict avec ius de plantain, de parelle, de limons, & vinaigre, cuits en beurre salé, adioustant sur la fin de la ceruse, & de l'alun. Ou bien l'vnguent sera faict au mortier de plomb, meslant & agitant le tout ensemble avec vn pilon de mesme. Les racines d'enula campana, de lapathum & de bryone cuittes dans le vinaigre , contuses & meslangées, sont de mesme vertu.

De l'œdeme.

Comme le phlegmon est fait du sang, l'erysipele de la bile naturelle , l'œdeme aussi est faict de la

pituite naturelle. Le nom d'œdeme est vn nom general, selon Hippocrate, qui comprend toute tumeur, ainsi que tesmoigne Galien *sur le prognostic 25. du 2. liure*: mais en ce lieu il est pris pour vne espeece particuliere, comme nous dirons en le definissant.

Qu'est-ce qu'œdeme?

C'Est vne tumeur froide, avec lacheté & mollesse, exempte de douleur, sans chaleur ny rougeur: dont la couleur est ou la naturelle, ou blanchastre: & s'abbaisse & enfonce en pressant le doigt dessus, & ne se releue point.

Quelles sont les differences?

L'Œdeme a deux espees. Car l'vn est vray, qui s'engendre du phlegme, ou pituite, selon tous les

Auteurs, excepté Guidon, qui diſt qu'il eſt faiſt d'un ſuc alimenteux crud, ou de ſâg demÿcuit. Fernel préd cette humeur pour un excrémēt pituiteux, lequel ſeparé des autres humeurs, affluë apres vne grande oyſiueté & vie ſedentaire, en des perſonnes d'age, ou qui excèdent au manger, principalement de choſes froides; ſur quelque-partie laxé, froide & débile, comme ſont les parties glanduleuſes, nerveuſes, & deſnuées de ſang, comme les jointures. Comme il arriue aſſez ſouuent ès corps cacochymes à la fin des longues maladies. L'autre eſpece d'œdeme eſt le baſtard ou non vray, qui prouient du phlegme non-naturel, non par changement de ſa ſubſtance, mais par le mélange de quelqu'une des autres trois humeurs, dont il eſt ſurnommé phle-

gmonieux , erysipelateux , ou scirrheux ; selon que le sang , la bile , ou le suc melancholic se trouuera meslé avec le phlegme. Il y a d'autres œdemes, qui viennent és pieds & iambes des phtisiques, & hydropiques. Mais ce sont des symptomes seulement de ces maladies: ainsi que Galien escrit au liure second *ad Glauconem*.

Quelles sont les causes ?

OR combien que rarement l'œdeme prouienne de cause primitive, attendu le tardif mouuement de l'humeur ; si en peut-il venir quelquefois, comme de coup ou concussion , laquelle esmeut fluxion, & rend la partie debile ; & tel œdeme est plus douloureux que l'autre. La cause antecedente est abondance d'humeurs phlegmatiques, qui pro-

viennent d'alimens phlegmatiques, d'oyſiueté & vie trop ſedentaire, de viandes excrémenteuſes, & d'une manière de viure deſreiglée. La conjointe eſt la meſme humeur ja attachée à la partie œdemateuſe, ſoit par fluxion, ou par congeſtion d'excremens pituiteux, qui ſ'amaffent peu à peu és parties debilitées.

Quels ſont les ſignes ?

Les ſignes ſont cinq. Le premier eſt, que la tumeur eſt grande ordinairement, à cauſe de la quantité de l'humour. Le ſecond, la couleur blanchaſtre, ou ſemblable au cuir. La troiſieſme, il n'y a aucun ſentiment de chaleur, ſ'il n'eſt phlegmonique, c'eſt à dire meſlé de ſang, qui cauſe chaleur ; ou faiët de coup. Le 4. la tumeur eſt molle & laſche : telle-

ment qu'estant comprimée, elle s'enfoncé, & la marque du doigt y demeure, à cause de l'humidité. Le cinquième, il n'y a aucune douleur, ou bien peu, en comparaison des autres, pource que l'œdème se faict peu à peu, & par vne lente generation. Et pour faire douleur la mutation doit estre soudaine & vehemente.

Comment se termine l'œdème ?

A Pres que le mal est cogneu, il faut observer quelle en fera la fin. Ceste tumeur se termine le plus souuent par resolution ou insensible trāspiratiō, principalement en ceux qui ont la chaleur forte, la matiere plus subtile, & le cuir rare: mais non si tost que le phlegmon, à cause de sa froidure. Quelquefois elle suppure, mais bien rarement & difficilement, & ce

tant seulement aux parties chaudes, & ieunes personnes, entant qu'elle participe du phlegmon. Et aucunesfois l'œdeme se change en pourriture, & le plus souuent il s'endurcit, quand le phlegme est gros & visqueux, & la chaleur debile, ou quand le plus subtil est dissipé par quelque chaleur extérieure, comme par les medicamens trop violens.

De la curation.

LA curation consiste en deux sortes de remedes, dont les vns sont generaux, qui repriment & arrestent la fluxion, comme la saignée & la purgation. Quant à la saignée, elle ne semble auoir lieu en telle crudité d'humeurs, si ce n'est que l'œdeme soit phlegmoneux, ou le corps plethorique. Et encore doit elle estre faicte

en petite quantité, & avec bon conseil. Pour la purgation, elle est du tout nécessaire, afin d'euacuër la cacochymie, qui est fort fréquente en telles tumeurs. La maniere de viure, tendant à eschauffer & dessécher, seruira de beaucoup pour arrester la fluxion.

Après la purgation vniuerselle, le cerueau sera deschargé par erhines & masticatoires.

Si l'œdeme occupe les parties basses, le vomissement est vtile pour faire reuulsion. Les autres remedes sont topiques. De maniere qu'après la purgation faicte par les phlegmagogues (c'est à dire qui purgent le phlegme,) on appliquera les repercussifs, si la fluxion le faict encores, & les remedes qui digerent & desséchent, comme vne esponge trempée en caué & vinaigre,

vinaigre, & apres bien bander la partie, serrant de bas en haut. Que si elle ne s'euacuë, on pourra adiouster dans l'oxycrat vn peu d'alun, prenant vne nouvelle esponge avec ligature, ou l'esponge trempée en l'oxycrat & lexiue avec nitre. Mais en l'estat faut oindre la partie d'huile rosat, puis appliquer l'esponge trempée en lexiue faite de cendres de sarment, ou bien y faire vn liniment avec alun, soulfre & myrrhe, sel, huile rosat & vinaigre. Si l'œdeme tend à suppuration, il faudra le traicter comme vn aposteme; & lors qu'il y aura ouuerture, comme vn vlcere.

Que faut-il faire à l'œdeme accidentel des hydropiques & phrisiques? Il faut seulement le pallier avec huile rosat & vinaigre, sans attenter la vraye cure.

De la tumeur flatueuse ou ventueuse.

SOus l'œdeme sont comprises les tumeurs ventueuses, aqueuses, & les absces phlegmatiques : desquels nous traicterons briefuement, commençant par l'emphyseme, c'est à dire apostemo venteux.

Qu'est-ce qu'emphyseme ou inflation ?

C'Est vne tumeur contre nature, laquelle se faict lors qu'il s'assembl congrege vn esprit flatueux, tantost sous le cuir, tantost sous les membranes, qui sont estenduës sur les os, ou sur celles qui couurent les muscles.

Quelles sont les causes d'inflation ?

TROIS. La premiere est la matiere, c'est à dire, vne abondance de pituite crasse & visqueuse, & toute

étudité & humidité superfluë. La seconde est la cause efficiente, à sçauoir l'imbecillité de la chaleur naturelle, laquelle suscite vne vapeur de la matiere humide, qu'elle ne peut digerer, consommer, ny resoudre, tesmoin Galien au chap. 2. du 3. liure des causes des symptomes. La troisieme est la maniere de viure mauuaise, appelée coadiuuante : la densité du cuir, la profondeur du lieu, & l'obstruction des pores & vaisseaux : comme escrit Eginete au chap. 28. du 4. liure.

Qui sont les signes ?

LEs signes pour recognoistre cette tumeur, sont ceux qui la distinguent de l'œdeme, auquel elle ressemble en grandeur, froideur, & blancheur. Mais elle differe d'auec luy, en ce qu'elle est plus luisante, &

legere, & estant pressee des doigts, ne retient la marque d'iceux, ains resiste à la compression, & si on la frappe, elle resonance comme vn tabourin. De plus il y a quelque fois vne grande tension avec transparence, vne douleur vague, à cause du vent, qui courant çà & là touche les parties sensibles, comme les membranes.

La curation.

LA curation a deux intentions. La premiere gist en l'euacuation de la cause antecedente, en vne bonne maniere de viure, & corroboration de l'estomach. La seconde est d'attenuër l'humeur qui est grossier & visqueux, en rarefiant le cuir par la fomentation faicte de la decoction d'absinthe, hyssope, ruë, centauree, thim, organ, calament, semences chaudes, d'anis,

fenoil, & autres semblables, fleurs de chamomille, anet, rosmarin, de stœcas en eauë & vin, avec vne esponge. Les sachets remplis de millet, son, sel, semences chaudes torrefiées. Les linimets avec les huiles d'anet, de ruë, laurin, nardin, avec poiure & cloux de girofle, semences chaudes & cire. Le cataplasme des farines de lupins, orobe, cuittes en lexiue de sarment, avec soulfre, poiure, sariette, terebentine, & huyles cy-dessus mentionnées, & autres remedes.

De la tumeur aqueuse, sa definition, & especes.

Comme l'eau se rapporte à la pituite, ainsi la tumeur aqueuse est nombrée entre les œdemes, pour l'affinité, tant de la matiere, que du temperament. Or ceste tumeur est

faicte d'une serofité, cumulée ou expandue d'ailleurs en quelque partie, dont derivent diuerfes tumeurs, lesquelles ont des noms propres en quelques parties : comme en la teſte hydrocephale, au ventre hydropique, nommee *ascites*† des Grecs, des Latins *viricularis*, en François bouteilliere, qui eſt vn amas d'eauë en la capacité du ventre inferieur : aux bourses hydrocele, hernie aqueuſe : à l'ombilic hydromphale : ailleurs on les appelle du nom commun.

† Il ſemble qu'on ne doit pas exclure du nôbre des tumeurs aqueuſes la tympanite, ſeconde eſpece d'hydropſie, où il y a pareillement de l'eau (quoy qu'en moindre quantité) avec du vent. L'anaſarque ou leucophlegmatie , qui eſt la troiſieſme eſpece, où la tumeur eſt eſtendue également par tout le corps, peut auſſi eſtre reduire

sous ces tumeurs, en esgard à sa matiere pituiteuse.

Des causes.

LEs causes communes sont vne maniere de viure refrigerante, excès au boire, & principalement de l'eau, l'imbecillité & froidure du foye, qui engendre vn sâg aqueux. La foiblesse ou obstructiō des reins, qui n'attirent pas bien la serosité, le refroidissement de la partie malade qui ne cuit pas bien son aliment, ou densité & oppilation d'icelle, dont l'euacuation des excrements est empeschée. Quāt à l'hydrocephale, Eginete *au chap. 3 du 5. liure* dit, qu'il se faict aux enfans par resudation de la serosité hors des veines, ou compression de la teste. L'ascites prouient de la refrigeration du foye, par la suffocation, dissipation,

ou extinction de la chaleur naturelle. L'hydrocele est quelquefois symptome de l'hydropisie, aucunefois elle suit l'imbecillité ou froidure de la partie.

Des signes.

OR cette tumeur est distinguée de la venteuse, par la pesanteur, la scheté, inondation : de l'edème, par luy seul, en ce qu'elle ne retient point le vestige du doigt qui presse. Au demeurant, il n'y a point, ou fort peu, de tumeur aqueuse, qui ne soit participante de quelque véto-sité, à cause de la chaleur debile, qui excite tousiours des vapeurs de l'humidité. Ceste tumeur est pire & plus dangereuse que la venteuse, à raison que l'eau procede de plus grande froidure, que le vent ou pituite. Ainsi le tesmoigne Galien sur l'*Aphor. 11. du 4. liure.*

De la curation.

LA curation Chirurgicale sera ,
ou par section ou punction ,
ou perforation en la partie par où s'e-
uacuera l'humeur , selon le conseil
d'Eginete. Les remedes internes se-
ront prescripts par le Medecin , pour
empescher la generation de telle hu-
meur.

Des absces phlegmatiques.

Toutes les autres tumeurs, qui
prouiennent d'un phlegme
gros & mucilagineux , endurey ou
changé en quelque autre substance ,
sont appellés absces phlegmatiques:
pource que leur premiere source est
le phlegme , lequel est cōgrégé en
vn espace , & bien souuent enuclopé
en vne tunique.

*Quelles sont les differences des abscess
phlegmatiques ?*

IL y en a plusieurs. Galien au chap. 12. du 14. liure de la *Metbode*, en fait trois especes, qu'il nomme *Steatome*, *Atherome*, *Meliceris*, de la semblance de l'humeur & matiere que ces abscess contiennent. Le *Steatome* est vne tumeur, dans laquelle est contenuë certaine humeur grasse semblable à du suif, estant enuveloppée d'une membrane.

L'*Atherome* prend son nom de la bouëillie, que les Grecs nomment *Athera*, à cause qu'il contient vne semblable matiere.

Meliceris est vne tumeur, dans laquelle il y a de l'humeur contenu semblable à miel, enuveloppé d'une membrane.

Ces absces changent de nom en quelque partie. Car en la teste le meliceris est appellé Tortuë, pour la figure. L'atherome est dit Taupe ou Taupiere, à cause de l'humeur gros, qui creuse entre le cuir & le pericrane, ainsi que faiët la Taupe creusât entre deux terres. Au col le phlegme adipeux, ou meslé, ou semblable à la bouïllie, est cause du bronchocèle ou goître, ainsi nommé de la partie, comme escrit Aëce *au chap. 6. du 5. liure*. Et neantmoins tant aux goïtres, qu'és autres tumeurs semblables, il se trouue quelquefois vne chair stupide, comme escrit Celse *au chap. 13. du 7. liure*, ou des matieres estranges: à sçauoir des os, du poil, des escailles, du sable, & autres, selon que la matiere est diuersifiée en son changement.

La loupe des modernes, qui occu-
pe le plus souuent les parties seiches
& nerueuses, est faite d'une mesme
matiere, de laquelle aucuns font trois
especes, vne molle & humorale:
l'autre charneuse, faicte d'une chair
lasche & insensible, par vne abon-
dance de sang phlegmatique: la troi-
siesme est nouëuse, qui est bien plus
dure que le nœud: Car c'est vn tubercu-
cle dur & immobile, qui vient par
fois aux ioinctures, comme en la
goutte enuicillieës mains,ës iambes,
à la teste, & sur les os; quelquesfois
d'un phlegme endurcy, comme en
la verolle, combien que de Vigo
nomme cestuy-cy nodosité. Tant ya
que le nœud est different du gan-
gion, lequel ne vient qu'aux parties
nerueuses, d'un humeur gros & froid,
qui s'amasse peu à peu en la partie

debile, & s'entortille autour du nerf ou tendon. Quant à la glande, ce n'est autre chose que la glande mesme de quelque emonctoire, tumefiee & abreuee d'une humeur crüe: mais au demeurant molle, mobile, separee des parties voisines.

Des causes.

IL est euident & manifeste, que la cause commune de toutes ces tumeurs est vn excrement phlegmatique, glaireux, limonneux, figé & endurcy, melle quelquefois avec d'autres humeurs, ou changé en diuerse substance: lequel prouient du mauuais regime ou intemperance du malade, ou de l'vsage des eaux froides & viandes pituiteuses, ou de l'imbecillité de la partie, laquelle est rendue debile, ou par maladie interne, ou

par quelque cause externe, comme d'un coup ou contusion.

Des signes.

QUANT aux signes, Aëcc dit au lieu allegué, que l'atherome est un absces long & eminent, qui ne cede facilement quand on le presse, & ne se releue pas si tost qu'il est pressé. Le melicéris est plus mol & lasche, de plus grande estendue. Le steatome est le plus dur de tous, & qui resiste plus au tact, sans douleur, & semblable en couleur à la peau. La loupe est dure ou molle, presque tousiours ronde; assiegeant le plus souuent les parties nerveuses, dures & seiches. Le nœud est dur, rond, & immobile. Le ganglion est semblable de couleur à la peau, inégal, & sans douleur, si on le presse.

La curation.

LA curation de toutes ces différences d'absces est comprise en deux sortes de remedes, dont les vns sont communs, qui appartiennent à la matiere antecedente, si aucune y a, comme le regime de viure declinant à chaleur & seicheresse : la purgation par medicaments phlegmagogues, & principalement par pilules ; les diuretiques, sudorifiques, les bains naturels, comme d'eau sulphuree & aluminieuse. Quant à la saignee, elle est dommageable, s'il n'y a plenitude, fièvre, ou inflammation. Toutes-fois en la Tortuë & Taupe on peut saigner, pour éviter la corruption du crane, qui est à craindre ; comme aussi és loupes charneuses & grandes, pour empêcher leur croissâce. Apres

l'euacuation vniuerselle, le cerueau sera purgé par errhines & masticatories: & son intemperie froide corrigee par coiffes cephaliques, sans negliger l'estomach, premier instrument de la concoction.

Le second genre contient les remedes propres à la partie affligee, qui sont compris en six preceptes. Le premier est des excroissances petites, molles & tendres en partie ferme, qu'il faut estreindre, rompre & deschirer, les frottant souuent, à tout le moins iusques à ce qu'elles soient eschauffees & ramollics, puis les presser rudement avec vne petite piece de bois pour les faire esclatter. Finalement la tumeur estant deschiree, & la matiere esparse, appliquer par dessus vne platine de plomb, frottee d'argent-vif, laquelle sera liée estroictement, afin

afin que l'absces ne pullule. Aëce ramollit premieremēt le ganglion avec l'ammoniac, puis le ferre avec la lame de plomb, & apres qu'il est ramolly, le presse avec le doigt. Eginete met dessus les remollitifs vn pezon de plomb large & pesant, afin qu'à la longue il se consume.

Le second est des absces grands qui ne sont beaucoup durs, ny enuieillis, qui se peuuent resoudre, comme le meliceris, selon Galien *au 14. de la Methode, chap. 12.* & quelquefois le steatome (si on doit croire Aëce *au chap. 8. du 13. liure*) quoy que Galien le nie. Lequel dit, que pour ramollir & resoudre conuiennent le diachyle ireat, & le grand, & l'emplastre des mucilages, de melilot, le cerat de Philagrius, l'emplastre de Vigo avec mercure, ou quelque autre faict exprès

avec les gômes ammoniac, bdellium, & sagapenum, destrempées en vinaigre scillitic, & galbanum, terebentine, styrax, ladanum, graisse d'oye & huile vieux, ou laurin. On y pourra adiouster de l'euphorbe, pour liquéfier la matiere. Ou bien faire des cataplasmes avec les racines de couleuree, guimauves, cyclamen, concombre sauvage, hiebles, fugiere, flambe, serpentaire, fueilles de fuscau, cuittes en oxymel, en adioustant du suc d'hiebles, de choux, & de flambe, avec les mucilages de lin, féu-grec, graisse d'oye, mouëlle de cerf, avec huile de flambe & de fuscau, fiéte de cheure, farine d'orobe, pour luy donner consistance.

Le troisieme est des absces plus benigns, qui participent du sang, lesquels peuuent supputer, comme Galien

tesmoigne des melicerides & atheromes. Pour ce faire il faut choisir des chalastiques ou relaxás, qui mitifient la matiere à la resolution. Comme le grand diachylum, & le cataplasme faict des racines de lys & guimaues, & autres semblables.

Le quatriesme est touchant l'incision, laquelle se peut faire és petites loupes, gládules, & autres absces traitables, qu'on vnit en la maniere que décrit Paul Eginete *au chap. 38. du 6. livre*, où il commande de faire au cuir vne incision simple & cruciale, puis de separer l'absces d'auec sa tunique, le couper & tirer dehors: ou s'il y auoit danger d'hémorrhagie, le lier en sa racine, & le laisser tomber de soy mesme: & si elle survient, faut l'arrester, & lier le vaisseau. Si apres l'extirpation il y demeueroit de la tu-

nique, on la consumera avec les choses corrosiues.

Le cinquiesme est des caustiques & catheteriques ou corrosifs, lesquels rongent l'absces, & le consomment, quand il est profond & immobile, & qu'il ne peut estre arraché. Donc après auoir faict le cautere & l'incision, & que l'escare sera cheute, on vsera de la poudre d'alun brulé, ou d'antimoine calciné, ou d'asphodelles, ou de mercure, ou de calcanthum (c'est à dire vitriol) & de l'egyptiac, pour consumer toute la matiere de l'absces. Puis l'vlcere sera detergee & consolidée comme les autres.

Le sixiesme est d'absces qui ont la racine gresle, laquelle on peut lier avec vne cordelette (comme on faict aux verruës pendillantes) & la serrer

peu à peu, iusques à ce que l'absces tombe de soy-mesme.

Des escrouelles.

DV phlegme salé, pourry & corrompu, s'engendrent les scrophules, ainsi nommées de la fécondité des truyes, que les Latins appellent *scrophas*, ou pource qu'elles leur sont familières; tesmoin Plin *au chap. 51. du 8. liure*. Ou ce sont les glandes mesmes, abbreuuees de ceste pituite pourrie, & endurcie, selon Galien *au chap. 11. du 14. de la Methode*; ou des tumeurs glanduleuses, engendrees de phlegme, enuelopees d'une propre tunique en maniere de glande: lequel par pourriture acquiert quelque chaleur, acrimonie, & malignité, qui les rend contagieuses.

S'il y a du mestange de l'atrabile, el-

les deuiennent chancreuses, & bien souuent l'acrimonie de l'humeur est cause qu'elles degenerent en vlcere de difficile guerison.

Qu'elles sont les differences?

Les differences sont prises premierement du nombre: Car quelquefois il n'y en a qu'une, le plus souuent il y en a plusieurs, arrangees les vnes au pres des autres. La seconde est prise de la grandeur, dont les vnes sont petites, moyennes, ou grandes. La troisieme, de la situation & complication: car les vnes sont superficielles, les autres profondes: quelques vnes ont des veines & arteres entre-lassees, d'autres non: qui fait que les vnes sont mobiles, les autres enracinees. La quatrieme, de la nature, & des symptomes: d'au-

tant que les vnes sont plus benignes & traiçtables , sans douleur & inflammation , les autres plus farouches & malignes, douloureuses, inegales , chancreuses , lesquelles s'aigrissent par les remedes. La cinquiesme, du lieu: Car bien souuent elles occupent le col, les aisselles, les aines, à cause des glandes qui sont là, selon Aëce *au chap. 28. du 5. liure*, & mesme n'espargnent les autres parties: comme le bras, la poitrine, & le mezentere.

Des causes & prognostic.

LA cause commune de toutes cest vne abondance de grosses humeurs froides & visqueuses, iointes quelquefois avec humeur melancholique. Parquoy les personnes oyssiues & les gourmands, & ceux qui

vient de viandes froides & humides, & boient des eaux froides & crües, sont subiets aux escrouelles : comme aussi les natures humides, selon Auicenne au chap. 2. traité 2. fen 3. du 4. liure ; & les enfans plus que les autres, par l'aphor. 26. du 3. liure. Aussi elles sont plus douces & faciles aux petits enfans qu'aux hommes, selon le mesme Auicenne. Quant au lieu, les superficielles sont plus aisées à guérir que les profondes : & celles qui viennent au col, que les autres ; les petites plus que les grandes, les benignes plus que les enflammées, selon Aëcc. Les malignes sont du tout incurables, tant pource qu'elles sont chancreuses, qu'à raison des vaisseaux qui les entrelaissent, dont leur extirpation seroit dangereuse pour l'hémorrhagie.

De la curation.

Les plus benignes se peuvent guair au commencement par deux sortes de remedes , à sçauoir par les communs , & les topiques. Les communs sont la maniere de viure sobre, chaude & seiche (si elles ne sôt atrabillaires) l'exercice, les bains naturels, les purgations par medicamens phlegmagogues, les diüretiques, les sudorifiques, sans qu'il soit besoïn de saignée, s'il n'y a chaleur ou pourriture, (côme és dernieres especes) ou repletion vniuerselle.

Plus les antidotes qui roborët les parties nobles, & resistent à la malignité.

Les topiques, selon Galien, doiuent estre remollitifs & resolutifs : comme le diachylum ireat , le cerat de Philagrius, l'emplastre de Vigo avec

mercure, ou autre cōposé avec les mucilages de guimaues & fénugrec, axunge de renard & d'oye, ammoniac, lityrax, ladanum, & terebentine, huile de flambe & cire, autant qu'il en faut; ou le cataplasme des farines de lin, & lupins cuites en oxymel, des racines de couleurée, glaycul, aristoloché, serpentaire, flambe, fueilles de scrophulaire, philipendula, fleurs de fuscéau & de chamomille, graine de lin & de cumin, & bayes de geneure; le tout cuit en oxymel. Guidon recommande le cataplasme des racines de fénugrec, d'asphodeles & d'hibbles, cuites en vin, adioustant vn peu de soulfre. Auicenne vse de la fiente de bœuf, frite en vinaigre, graisse de porc, & huile vieux.

Si les escrouelles plus benignes & non vlcérées tendent à suppuration

(ce qui aduient rarement) il faut l'ayder, selon le conseil d'Aëce, avec le cataplasme des racines de lys & guimauues, & autres semblables; & apres qu'elles seront ouuertes, il n'y a rien de meilleur pour les deterger, que l'*apostolorum*, ou vnguent des Apostres, ou l'egyptiac; & pour les consolider, que le diapalme, quand elles seront enuieillies, & neantmoins guarissables. La plus briefue curation se faißt par Chirurgie, en incisant la peau de long au col, de trauers aux aisselles, & aines; simplement, si la tumeur est petite; ou en fucille de meürte, si elle est plus grande. Puis apres auoir separé doucement les vaisseaux, on arrache toute la glande, moyennant qu'elle ne soit infiltrée avec les vaisseaux, & que les parties nobles soient saines. Apres

l'operation, s'il y a flux de sang, on l'arreste, autrement on remplit la playe de charpie & d'encens. Iusques au troisieme jour on la bassine d'huile & de vin, & la faiet on en apres suppurer, poursuivant le reste de la curation comme és autres vlceres.

Du scirrhe.

L'Autre espee des tumeurs froides est le scirrhe. Galien *au chap. 9. du liure des Tumeurs*, escrit qu'il se faiet ou dés le commencement, ou par succession & changement.

Qu'est-ce que scirrhe?

C'Est vne tumeur dure, sans douleur, avec peu ou point de sentiment, engendrée d'humeur melancholique. L'antiquité luy a donné ce nom à cause de sa dreté.

Quelles sont les differences, & combien?

DEux, selon Galien au chap. 4. du 2. liure ad Glauconem, dont l'un est exquis, qui est confirmé, insensible, & incurable; & l'autre non exquis, qui a quelque sentiment, & comme il ne faiet que commencer, il se peut guarir.

Qui sont les causes?

OR le sang espais & terrestre s'amasse, tant par les causes primitiues, comme soïn, tristesse, & vsage de viandes grossieres; que par les internes, à sçauoir intemperie de foye, propre à produire ceste humeur féculente (qui est comme la lie du sang) debilité & obstruction de rate, dont elle ne peut attirer ce suc melancholique, suppression des mén-

struës, & hémorrhoides. Le scirrhe illegitime est de deux sortes. L'un se faiët par le meſlange du ſang, de la bile, du phlegme, ou de l'atrabile. Et pour ce reſpect il eſt ſurnômé phlegmoneux, cryſipelateux, œdema-teux, chancreux. L'autre prouient de tout humeur eſpaiſſi, quel qu'il ſoit. Car cômè teſmoigne Galien *au chap. 4. du 3. de la Methode*, tout humeur eſpaiſſi & deſſeiché eſt aucunement melancholique. Qui eſt la cauſe que Galien eſcrit *au chap. 9. du 5. liure des Simples*, que le ſcirrhe eſt engendré ou de pituite, ou de melancholie, ou de l'une & l'autre meſlées enſemble.

Tout ſcirrhe a-il touſiours vne genera-tion telle qu'il a eſté dict ?

NOn, car il y en a d'autres qui ſe font par induë adminiſtra-

tion des remedes: cōme pour auoir repercuté vn phlegmon, & trop refrigeré vn erysipele: & pour auoir vsé de resolutifs trop vehemens, qui ont faict exhaler le plus leger & subtil, & espaisi le plus terrestre en la partie.

Qui sont les signes ?

Toutes ces especes de scirrhe conùiennent en ce qu'elles ont deux signes communs, à lçauoir dureté, avec renitence & sentiment stupide. La dureté vient d'vne matiere crasse endurcie. La stupidité vient de l'humidité visqueuse, qui estoupe les conduits des nerfs, & ferme le passage à l'esprit animal: qui faict que le scirrhe n'est point douloureux, jaçoit que la cause de douleur y soit. Aufquels signes on peut

adiouster la couleur liuide, quand le scirrhe est causé d'humeur melancholique; ou blanchastre, comme s'il est faict de phlegme, ou des deux ensemble. Dauantage la partie est froide, si l'humeur n'est aduste: les veines sont tenduës à l'entour, à cause de l'humeur qui les dilate. Le scirrhe est confirmé, s'il y a priuation de sentiment.

Du prognostic.

LE scirrhe apparoit petit au commencement, croist fort lentement, & en fin deuiet fort grand. Il s'arreste ordinairement aux parties froides, glanduleuses, quelques fois aux muscles: mais le plus souuent il se campe au receptacle de l'humeur melancholique, sçauoir à la ratte; & au foye, à cause de l'angustie des vaisseaux, comme escrit Galien *au chap.*

16. du 13. de la *Method.* Au cōmencement, lors qu'il n'est pas priué de sentiment, la cure en est à la verité fort difficile. Mais estant confirmé, il ne se termine gueres par resolution, à cause de la matiere terrestre, qui n'est point apte à se digerer. Quelquefois il se conuertit en cancer, quand l'humour est chaude, ou est messée avec l'une ou l'autre bile, ou quand la tumeur vient à suppuration: Le plus souvent il demeure endurcy, rebelle, ne cedant à pas vn remede. Que si le poil du membre vient à cheoir par faute de nourriture, on le iuge incurable.

La curation.

LA curation de celuy qui en peut recevoir, cōsiste premierement à ordonner vn regime de viure convenable: comme des aliments de

bon suc & bonne substance, modérément chauds & humides, évitant les salez, acres, flatueux, visqueux, grossiers, & semblables. Secondement à bien purger le corps par les melanagogues, c'est à dire qui purgent l'humeur melancholique, l'ayāt auparavant bien préparé, considérant s'il est delicat ou robuste, pour vser des emollients, qui sont nombrez entre les topiques, attendu que les natures delicates veulent des remedes moins chauds que les robustes. Si tu me demandes des emollients, ie te renuoyay à la graisse de geline ou de coq, mouëlle de cerf, de veau, d'oye, de taureau, de cheure, de bouc, gomme ammoniac, styrax calamite, galbanum, bdellium, huile sambucin, ou de fuseau; les racines de concombre sauvage, les guimaues

cuittes en eauë & huile; rejetant les astringens, qui incrassent la matiere, & la rendent plus tenace: les resolutifs trop violents, pource qu'ils euaporent le subtil, & endurecissent la partie plus crasse par leur siccité. Et aussi les trop humides, lesquels au lieu de refondre l'humeur, ils la corrompent: Mais bien recourir aux emollients, qui eschauffent & digerent legèrement, ainsi que nous auons dit cy-dessus. Et si le scirthe estoit au tendon, il faudroit le guarir avec vn parfum de vinaigre, ietté sur les pierres de meulles de moulin qu'on fera rougir au feu.

Du cancer.

COMME le scirthe est fait de suc melancholic, retenant encore la temperature, ainsi du mesme

DV CANCER.

suc bruslé prouient le cancer, ainsi
 nommé, à cause de sa tenacité, qui le
 faiët adherant au membre qu'il a sai-
 si: comme l'escreuisse marin tient &
 serre fermement ce qu'il accroche; ou
 à raison de la figure qui est ronde,
 avec les veines enflées à l'entour, cō-
 me pieds d'escreuisse; ou pource
 qu'en rongeanť il se traísne, comme
 faiët cet animal, selon Eginete *au*
chap. 26. du 4. liure. Guidon a suiuy
 l'opinion d'Aëce & d'Eginete, qui
 l'ont mis entre les tumeurs chaudes.
 Toutesfois Auicenne le met entre les
 froides. Galien en diuers lieux faiët
 & l'un & l'autre. Pour la conciliation
 de ces opinions, nous dirons que
 l'humeur atrabilaire, matiere du can-
 cer, pendant qu'elle brusle est chau-
 de, & apres l'assation & bruslement
 est froide. Ou bien plustost nous res-

pondrons, que si on a égard à sa substance terrestre & temperature, qu'il est froid : mais par accident il est chaud, à raison de sa vertu occulte & empyreume, retenant quelque chaleur & acrimonie, comme la cendre après estre bruslée.

Qu'est-ce que cancer ?

C'Est vne tumeur dure, inegale, bordée de veines, enflées & grossies de sang, de couleur liuide, ou tirant sur le noir, assistée de fascheuse douleur, par fois de chaleur.

Combien y en a-il d'especes ?

IL y en a deux especes. L'un manifeste, qui est vlcéré, horrible à voir, prouenant de la bile ou cholere iune, la plus acré & furieuse de toutes les humeurs. L'autre qui n'est

point vlcéré, que l'on nomme caché, qui est faict d'une humeur grossiere féculente, à sçauoir d'un suc melancholic brulé. Cette tumeur quand elle cōmence à venir le vulgaire ne la recognoist pas, tant elle est petite: & de faict elle n'est pas plus grosse qu'un pois, avec quelque inegalité, chaleur & douleur poignante. Bien tost apres elle deuient grosse comme une febue, yne noix, vn œuf, croissant tout à coup en grandeur tres ample, lors il est aisé de distinguer le cancer du scirrhe: Car outre la subite croissance, le cancer est cogneu par quatre signes.

Des signes.

IL ne seroit ja besoin de faire autre discours touchant les signes, attendu qu'on les pourroit recueillir de

la definition : Toutesfois ie te diray que le cancer est cogneu par quatre signes. Quant à la consistance dure, & couleur brune & noirastre, elle est commune au cancer & au scirrhe : mais la forme inegale, l'enfleure des yeines voisines, la liuidité, la chaleur & douleur poignante, sont propres aux cancers. Ce mal est si farouche, qu'on ne le peut gueres dompter, ny par vacuations, ny par topiques, tant est grande a malignité de l'atrabile, laquelle neglige les médicaments plus benins, & s'empire par les plus forts, tesmoin Galien *au chap. 10. du 2. liure ad. Glauconem.*

Or nous noterons, qu'entre les cancers les vns sont recens, les autres inueterez : les vns grands, les autres petits : les vns benins, les autres malins : & toute fois tout cancer est fort fas-

cheux & dangereux, & s'accroche ordinairement aux lieux glanduleux, comme aux mammelles des femmes. Lesquelles à cause de leur laxité, s'imbibent facilement de cette humeur. Et pour cette cause, *Aëce au chap. 45. du 6. livre*, escrit que les femmes y sont plus subjectes que les hommes : Et entre les hommes, ceux qui sont atrabilaires, & à qui les hémorrhoides sont retenues. Des parties les yeux, le nez, les oreilles, les leures, le palais, le siege, les parties honteuses de la femme, & les mammelles, ainsi que nous auons desia dit : pource que telles parties sont debiles & promptes à recevoir fluxion, La matrice y est aussi subjecte, selon *Eginete, au chap. 62. du 3. livre*. Et tel cancer est estimé incurable en *l'aphor. 38. du 6. livre*, où Hippocrate de-

fend de toucher le cancer occulte, c'est à dire qui est interne & caché, lequel on ne peut ny couper, ny brusser sans danger. Que si nous voulons l'entendre du non ylcéré, nous apprendrons qu'il ne faut aussi l'irriter par medicaments, apres qu'il est confirmé.

La curation.

LA curation consiste en la maniere de viure bien instituée, comme aussi à bien repurger le corps par interualles, & par medicaments melanagogues ou qui purgent l'humeur melancholique, entre lesquels le plus vtile est le sené, infusé dans vne decoction, qui ait la faculté de temperer la siccité & malignité de l'humeur atrabilaire, comme est celle de laictues, bouraches, polypodes,


y delayant dans la colature du syrop de pommes composé.

Après cela faut auoir esgard, s'il y a point quelque euacuation naturelle qui soit arrestée, comme les hémorrhoïdes, & les mois aux femmes. Si cela est, il faut les prouoquer, puis sur le mal appliquer vn remede, qui soit plus palliatif que curatif; comme du pompholigos battu en vn mortier. Il faut au Printemps, & en l'Automne purger, & saigner. Pour le reste des topiques, tu les prendras ailleurs. Tu demanderas, que dites-vous de l'extirpation? Je te respondray, qu'elle se peut faire, mais la cure n'en est pas seure; pource que bien souuent elle conduit le patient au danger & peril de mort.

Fin des tumeurs contre nature.

Des playes.

SECTION II.

 Elle des trois especes de maladies qui a plus besoin de l'operation, est la solution de continuité, laquelle estant commune à toutes les parties, est diuersement nommée selon la diuersité d'icelles, comme tesmoigne Galien *au chap. 1. du 4. liure de la Methode*, où il dit, qu'és os on l'appelle fracture, en la chair playe, ou vlcere. Car jacoit que les playes soient aussi cōmunes à toutes autres parties molles, & penetrantes iusques aux os, toutes fois les autres ne peuuent estre blessées de cause externe, que le cuit & la chair ne le soient au parauant, dont s'ensuit effusion de sang.

Qu'est-ce que playe ?

GAlien, au lieu preallegué, la définit solution de continuité faite en partie charnuë. Mais afin qu'elle soit mieux distinguée de l'ulcere, en comprenant quand & quand les piqueures & morsures ; les modernes luy baillent vne definition plus ample, en ceste sorte. Playe est vne solution de continuité recente, & encores sanglante, sans sanie ou pourriture, faicte és parties molles.

Des causes.

LEs causes des playes sont toutes externes, fortuites, & violentes, desquelles les vnes sont animées, comme l'homme & les bestes brutes : les autres non animées, comme toutes choses offensives, lesquelles

blesent, taillent, froissent, rompent, troient, piquent, meurtrissent, & autres, dont selon la diuersité des causes, les playes ont diuers noms : Car celles qui sont faictes par glaiue trenchant, sont dictes incisions : taillades par instrumens pointus : cheutes & meurtrisseures, par le coup & heurt de quelque corps dur & pesant. Elles prennent aussi leur nom de la cause, comme de la morsure, piqueure, esgratigneure des bestes, tant venimeuses, que sans venin. Dis donc, que les playes sont faictes en trois manieres, à sçauoir par coup, par cheute, & par morsure ; ou si tu aymes mieux, par contusion, poincture, & incision.

Des differences.

LEs differences des playes sont prises de la nature du mal & des parties. Pour le regard de l'essence du

mal , les playes sont ou simples , ou composées de plusieurs solutions de continuité ensemble : comme d'un coup d'arquebuzade : ou elles sont caues , avec perte de substance ; ou conjointes & compliquées avec d'autres maladies & symptomes ; comme tumeur & inflammation , douleur , convulsion , hémorrhagie. Les simples , selon la quantité , sont grandes ou petites , longues ou courtes , larges ou estroictes , profondes ou superficielles. Selon la figure droites , obliques , ou tranversales , rondes , égales , ou inégales , comme décrit Galien *au chap. 10. du 3. livre de la Méthode*. Quant aux parties , les playes sont faictes , ou en parties similaires , dures , mediocres , ou molles : ou és organiques , nobles , ou ignobles. Et pour le regard de la situation , au con-

inencement, ou fin, ou milieu des muscles. Lesquelles differences servent de beaucoup à la prediction & curaion des playes: comme il sera cy-apres déclaré.

Des signes prognostics.

OR pour commencer à la prediction, les signes des playes sont de trois sortes. Les vns memoratifs, qui reduisent en memoire ce qui est passé, & servent pour l'invention des causes, comprenant le lieu, le temps, & la maniere de viure (quand le mal est venu.) Les autres sont demonstratifs, qui declarent la maladie presente, à sçauoir la playe, laquelle de soy est cognuë par la veuë & atouchemēt. Les autres sont prognostics, qui monstrent de loin la longueur ou bricfueté, le danger ou as-

seurance du mal, lesquels sont pris de trois choses. La premiere de l'essence du mal (avec laquelle faut comprendre la grandeur de la cause, & de la matiere & qualité des instrumens.) La seconde de la substance & vñage des parties. La troisieme des symptomes qui surviennent. Parquoy toute playe grande est dangereuse, ou de mort, ou de mutilation, & impuissance de membre.

De la grandeur.

LA playe est estimée grande en trois manieres, selon Galien au chap. 6. du 4. de la Methode. La premiere par son essence, comme si elle est large, longue, & profonde. La seconde par la dignité & vñage de la partie. La troisieme par sa malignité: comme si elle est veneneuse, ou en partie

partie nerueuse, ou en corps cachectique, c'est à dire mal-habitué. Et ainsi la playe du cœur cause bien tost la mort, pource qu'elle est le principe de la vie, selon Galien *au chap. 2. du 5. liure des lieux malades*. Si le cerueau est blessé, cela est mortel, *par l'Aphor. 28. du 6. liure*. Toutesfois si la playe n'est grande & profonde, on en peut échapper, comme tesmoigne Galien au commentaire. Que si quelqu'un guarit d'une playe profonde, comme il assure auoir veu *au chap. 10. du 8. liure de l'usage des parties*, cela est rare & prodigieux. Quant aux meninges ou membranes du cerueau, leur blessure est mortelle, non tant de de soy, qu'à raison du cerueau, qu'elle attire au consentement. La playe du foye, si elle est profonde, est mortelle, par l'entiere effusion du sang : si

elle est superficielle, elle est difficile à guérir: pource que c'est la fontaine du sang, & le principe de la faculté nutritive, le vice de laquelle redonde sur le reste du corps. Davantage telle playe est difficile à consolider, comme tesmoigne Galien *sur l'Aphor. 18. du 6. livre*, à cause de la grande humidité de ceste partie. Pour ce qui est des parties qui seruent aux princesses, si le diaphragme est blessé en la partie charnuë, sans inflammation, il se peut glutiner: si en la nerueuse, non, à cause de sa substance, mouvement continuel, & action necessaire, sentiment exquis, & sympathie avec le cœur voisin, & avec le cerveau par les nerfs, selon Galien *au chap. 9. du 5. livre de la Methode*. Les playes du poulmon sont le plus souvent mortelles, à cause de l'inflammation fa-

cile, continuel mouuement, toux
perpetuelle, & difficulté des reme-
des, selon Galien *au chap. 8. du 5. li-
ure de la Methode.* La playe de la tra-
chée artere est tardiue, à cause de sa
substance cartilagineuse, & de l'air
qui sort par la playe, selon Galien *au
mesme liure.* Celle de l'œsophague est
aussi difficile, à cause de son office, de
sa situation, & de sa substance. Des
grâdes veines & arteres, elle est mor-
telle, à raison de l'effusion du sang,
selon Hippocrate *au 2. du Proreic.*
Quant à l'estomach, si la playe est su-
perficielle, elle est curable, comme
escriit Galien *sur l'Aphor. 16. du 5 liure:*
si elle penetre, on la iuge dangereuse,
à raison de son office: toutesfois au
fonds qui est plus charnu, on la peut
guarir, & non pas en sa partie supe-
rieure, comme tesmoigne Galien *au*

chap. 6. du 4. liure de la Methode.

Entre les intestins, si les gresles sont percez, on ne peut les glutiner, à cause qu'ils sont membraneux, *par l'Aphor. 24. du 6. liure.* Et si c'est le ieiunum, la playe est incurable, selon Galien *au 6. liure de la Methode*, à cause de la multitude des vaisseaux & de la bile qu'il reçoit. La playe de la matrice est longue à guarir, non toutefois déplorée.

Des reins, elle est mortelle pour le flux de sang, selon Celse *au chap. 26. du 7. liure.*

Des deux vessies (tant de celle du fiel, que de l'urine) elle est incurable, à cause de la nécessaire expurgation des deux excremens, à quoy elles sont destinées.

Celle de la ratte est moins sujette à hémorrhagie, à cause de l'épaisseur

de son sang; & à inflammation.

Des autres parenchymes la curation en est longue.

Que si la playe penetre seulement iusqu'au lieu vuide, sans blesseure des parties cõtenuës, elle n'est pas si dangereuse, & neantmoins difficile, à cause de la dissipation des esprits, de l'air qui y entre, & amas de la sanie, comme sont celles de la poiëtrine & de l'abdomen.

Les plus seures de toutes, sont celles des parties charnuës, à cause qu'elles sont faciles à glutiner, & n'apportent aucun grief symptome, selon Celse; moyennant qu'elles ne soient point trop grandes. Dauantage si les parties organiques sont du tout coupées, on ne les peut glutiner, par faute d'esprit, comme escrit Galien au 9. de l'art de Medecine. Des parties

spermatiques l'vnion ne se peut faire selon la premiere intention, mais seulement par le moyen d'un cal, lequel vnit les deux parties ensemble, cōme escrit le mesme Galien *au chap. 91. du mesme liure.*

Quant à la consolidation des os mols, elle est apparente & non vraye.

La piqueure du nerf excite conuulsion, ainsi qu'il tesmoigne *au chap. 92. par la sympathie & condoléance du cerueau avec les parties nerveuses.* Or la conuulsion suruenant à la playe, est mortelle, *par l'Apor. 12. du 5. liure*, non pas tousiours, mais quād elle se faict d'inanition.

Si la playe est près des joinctures, elle cause vn amaigrissemēt du membre par la constriction des conduits & debilité de la faculté attractiue: & si les grands vaisseaux y sont coupez,

cela cause la gangrene, par la priuation de la nourriture & influence de la faculté vitale.

Quelle est la cure des playes en general?

C'Est de rejoindre ce qui est separé. Ce qui se fait en approchant les parties disjoinctes par la main & ligature, ou par cousture; y appliquant medicaments propres, vsant d'une bonne maniere de viure, empeschant les accidents.

Que doit considerer le Chirurgien, auant que d'approcher les labies?

Plusieurs choses. Premièrement il doit viser aux corps estranges, qui doiuent estre ostez, si aucuns y a. Ce qui se fera ou avec la main, ou avec instrumens, ou medicamens, les tirant dehors, ou par la partie par où

ils sont entrez, si faire se peut: ou par l'opposite, s'ils s'y presentent: ou bien faisant vne incision, pourueu qu'aucun nerf, veine ou artere ne l'empesche. Il faut situer le malade en telle figure qu'il estoit lors qu'il fut blessé. Que s'il suruient flux de sang, ou autre accident, on y remediera, ainsi qu'il sera dit cy apres.

Le second scope ou intention, est qu'apres qu'on a osté les corps estranges, supprimé le sang, & osté celuy qui est caillé, il faut approcher les leures de la playe.

Le troisieme est de la contenir par bandage, si la playe est selon la rectitude du muscle; ou par cousture, si elle est transuersale; ou aux oreilles, nez, bouche, gosier, & leures.

Combien y a-il de sortes de costures ?

Q Vatre. La premiere est la costure des pelletiers, que l'on fait aux parties membraneuses, & destituées de chair. La seconde se faiét prenant les deux leures de la playe, faisant vn nœud, puis coupant le fil, & en faisant d'autres distans d'un poulce les vns des autres. La troisieme se faiét passant l'aiguille, apres enuironnant le fil autour, ainsi qu'on faiét au bec de lieure. La quatrieme se faiét au ventre, ayant deux aiguilles, dont l'une prend la peau, laissant le peritoine & la chair; puis de l'autre aiguille qui est en la main gauche, on prend le cuir & le peritoine, & à l'opposite, on laisse le peritoine, & prend on seulement le cuir. Il y en a vne autre adioustée, qui se faiét en

passant l'aiguille, prenant avec icelle le peritoine des deux costez : puis de rechef passer l'aiguille & filet par les mesmes trous : & au lieu de faire des nœuds, on mettra aux costez des euyaux de plume, sur lesquels on fera des nœuds : & ceste-cy est la meilleure de toutes. Que si les bords de la playe sont tellement distans, que l'on ne les puisse approcher par cousture, il faudra vser de coussinet avec bande à deux chefs.

Les choses ainsi faiçtes, il sera question de contenir le patient, & empescher qu'il ne suruienne accident. Ce qui se fera par vnguens, liniments & emplastres, maniere de viure, saignée, purgation, & autres semblables : comme tentes, plumaceaux, & compresses.

*Pourquoy est- ce que nous vsons des
tentés & charpies ?*

NOus en vsons, estans aucunes
fois seiches , ou imbuës de
quelque liniment, à plusieurs fins: ou
pour digerer, ou pour dessécher, ou
pour arrester vn flux, ou pour empes-
cher la glutination, ou pour dilater.

Le dernier scope est d'obuier aux
accidents qui suruiennent aux playes:
comme à l'hémorrhagie, douleur, in-
temperie, conuulsion, paralysie, syn-
cope, delire. D'autant ou qu'il peu-
uent causer la mort, ou empescher &
retarder la cure de la playe.

Comment se curent tous ces accidens ?

L'Hémorrhagie ou profusion
immodérée du sang est arrestee
tant par les remedes reuulsifs, qu'a-

stringens, internes & externes, cy-apres descrits en l'article des playes des veines.

La douleur ne peut estre appaisée, si on ne pouruoid aux causes d'icelle. Car ou elle procede de la diuision & solution de continuité de la partie, ou de tension, inflammation, ou des choses estranges, qui piquent, pressent ou font diuulsion. C'est pourquoy les vrais remedes de la douleur sont ceux qui ostent la cause; comme la saignée qui faict euacuation & reuulsion du sang qui cause inflammation; la purgation benigne, qui deriue les humeurs par le ventre; la dilatation de la playe, qui donne libre issuë à la matiere; les astringens appliquez à l'entour de la playe, pour intercepter la fluxion; la correction de l'intemperie par remedes contraires.

Car l'intemperie empesche la generation de la chair, & la glutination.

Si ladite intemperie est chaude, elle est corrigee par l'oxycrat, les lucs de solanum & plantain, avec huile rosat & litharge: l'album Rhasis, le nutritum : ou bien avec la pulte ou boüillie de farine d'orge, suc de plantain, huile rosat & blanc d'œuf.

Si elle est froide, elle est soulagee par la fomentation de vin chaud, ou decoction de cyperus, autrement fouchet, faulge, lauende, absinthe, marjolaine.

Si elle est seiche, c'est à dire que la siccité predomine en la playe, il la faut bassiner & fomentier avec eau tiede.

Si elle est trop humide, il la faut remplir de plumaceaux secs.

Cependant si la douleur est pressan-

te (outre les remedes euacuatifs propres) il la faut adoucir par remedes anodins, appliquez: tels que sont les jaunes d'œuf, avec huile rosat, batrus ensemble; ou le cataplasme de mie de pain, infusé en eau tiede, avec safran & huile rosat. Quand la douleur ne cede à ces remedes, on aura recours aux narcotiques, comme à l'opium dissous avec vñ jaune d'œuf & safran. S'il suruient inflammation à la playe, pour n'auoir suffisamment saigné, apres la saignée, il faudra vsér de topiques repercutifs, cōme du blâc d'œuf, avec l'eau & poudre de roses; de l'onguent de ceruse, du nutritum: ou du cataplasme de farine d'orge avec le suc de plantain, sans oublier le defensif commun.

Quant à la fièvre, si elle aduient à vñe grande playe, ce n'est de mer-

veille : mais à vne petite , elle sera dangereuse , le gouvernement de laquelle sera remis au Medecin : cōme aussi de la paralysie , conuulsion , syncope , & autres accidens : Lesquels à la vérité ne changent point la curation comme accidens , selon Galien au chap. 4. du 2. liure de la Methode ; ains comme causes d'un autre mal , ou en tant qu'ils affoiblissent les forces , ou bien comme nouvelles affections prouenant de quelque autre cause , la vehemence desquels est mitiguée , encore que le premier mal demeure.

Des playes simples.

COMME la curation est diuerse , selon les parties , tant organiques que similaires , apres la methode generale , il est expedient de poursuivre les differences , lesquelles sont

quatre atix similaires : car les vnes sont faites en la chair, les autres es grands vaisseaux, les autres blessent les nerfs, les autres penetrent iusques aux os. En la chair sont playes simples, superficielles, profondes, & avec perte de substance.

Quelle est la cure de la playe simple ?

Si la playe est simple & en partie charneuse, on la doit laisser saigner, puis essuyer doucement le sang, & en apres approcher les bords de la playe : puis la contenir par bandages & compresses, si faire se peut ; ou par cousture, ainsi que nous auons desia dit : & par dessus mettre des estoupes avec vn blanc d'œuf, pour empêcher l'inflammation. Iagoit qu'aucuns vsent du medicament de sang de dragon, vne partie d'encens, & bolar-

bo larmene, le tout meflé avec blanc d'œuf, trempant les bandes & linges en oxycrat, fi befoin eft : les autres iours on la peut laver en vin aftringent : & où furuiendra quelque fanie, il faut fituer la partie en forte qu'elle aye fon iffue. Nous noterons, que fi la playe fimple eft petite, elle fe guarit fouuent par le feul benefice de nature, moyennant qu'elle foit bandée avec vne ligature à double chef, tefmoin Galien au chap. 4. du 3. liure de la Methode. Mais c'eft apres auoir bien efpreint le fang, & appliqué vn aubin d'œuf, battu avec eauë rofe, pour appaifer la douleur, & empescher l'inflammation.

Si la playe eft profonde, elle n'a rien de propre, que l'euacuation de la fanie retenuë au fonds, laquelle peut empescher la glutination. Donc.

elle est vuidee en trois manieres. La premiere par la situation du membre, ou naturelle, ou artificielle: Car si le fonds de la playe tend en haut, le membre doit estre colloqué en sorte que l'orifice panche en bas, afin que la sanie s'escoule. Si au contraire le fonds est en bas, & la figure du membre est cause que la sanie est retenuë, il faut par art changer ceste situation, s'il se peut commodement, ainsi que Galien l'enseigne, *au chap. 8. du 2. liure ad Glauconem.* Le bandage expulsif, qui commence depuis le fonds de la playe, & est continué en laschant iusques à l'orifice, est bon, comme enseigne Hippocrate *au 2. liure de la boutique du Medecin.* La troisieme, quand les deux autres ne suffisent, par la dissection de toute la cavitè, depuis l'orifice iusques au

fonds, quand la playe n'est pas grande, & que la partie n'est pas dangereuse ; ou du fonds seulement, par vne contr-ouverture faicte avec le cautere, afin que la sanie s'escoule librement d'un costé ou d'autre, mettant des tentes aux deux costez, passant vn seton à trauers, comme l'enseigne Galien *au chap. 10. du 3. liure de la Methode.* Quant aux autres remedes, tant vniuersels que topiques, ils sont cōmuns avec les autres playes.

*De la playe avec perdition de substance :
Et combien y a - il d'indications en
la cure d'icelle ?*

DEux, à sçauoir restauration de la chose perduë, & cicatrization. Or pour reparer ce qui est perdu, il est requis que le sang soit bon & louable, ne pechant ny en

quantité , ny en qualité : puis faut que la nature de la partie (qui est l'ou-
uriere & cause efficiente de la chair)
soit bien temperée, autrement rien
ne se pourroit faire. Donc faut seule-
ment ôster les deux sortes d'excre-
mens, qui empeschent la generation
de la chair, à sçauoir *l'ichor*, vulgaire-
ment *fanie* : & *sortes* la sorditie dont
le premier, pource qu'il est liquide &
subtil, requiert exsiccation ; & l'autre
pource qu'il est crassé & espais, il veut
estre detergé. Ce que la nature ne
pouuant faire suffisamment d'elle
mesme, il la faut aider par medica-
mens conuenables : lesquels sont
nommez *sarcotiques* ou *incarnatifs*,
pource qu'en desseichant & deter-
geant doucement sans mordication,
ils nettoient le sang, le conseruent,
& ostent ce qui empesche la genera-
tion de la chair.

*Quels sont les medecaments faisans
tels effects?*

CE sont l'iris, aristoloche, panax,
farine d'orobe: desquels quand
on en vouldra vser, il faut auoir égard
à la partie, au temperament, à l'aage:
d'autant que les parties humides, &
les natures molles & délicates, requie-
rent remedes moins dessiccatifs. La
chair estant engendrée, il faut cicatri-
zer. Ce qui se fait par remedes, qui
non seulement desseichent l'humidi-
té estrange, mais aussi vne partie de
la matiere dont la chair est engen-
drée: partant il est requis qu'ils soient
aussi astringents.

Comment se font les cicatrices caues?

ELles se font quand l'vlcere est
trop desseiché, ou bien quand

il y'a perdition de quelques os.

De la contusion.

LA contusion est mise au nombre des playes, laquelle est solution de cōtinuité faite en la chair, par coups orbes, choses dures & pesantes, par cheute : & ce avec diuision du cuir, ou sans icelle. La premiere est appellée playe contuse, l'autre ecchymose.

*Comment faut-il curer la playe avec
contusion ?*

LA playe contuse se guarit par deux sortes de remedes, vniuersels & topiques. Les vniuersels sont la phlebotomie de la partie opposite, pour faire reuulsion : & la purgation, si le corps est cacochyme : & la maniere de viure tenuë, froide &

dessiccative, pour empescher la fluxion & pourriture, & pour obuier à la fièvre.

Touchant les topiques, la playe contuse (outre les defensifs appliquez à l'entour pour reprimer la fluxion : comme l'vnguent de bol, le blanc d'œuf, avec la poudre & huile de roses & de myrtilles) se guarit par deux moyens, par suppuration & generation de nouvelle chair, comme tesmoigne Hippocrate au *liure des vlcères*, & Galien au *chap. 5. du 4. de la Methode*. Car il faut que la chair contuse se pourrisse & se conuertisse en pus, afin qu'il s'engendre de nouvelle chair. Pour ayder la suppuration, il faut mettre dans la playe vn digestif faiët de iaune d'œuf & terebentine, & par dessus le tetrapharmaque & diachyle ireat : &

de la farine d'orge, myrrhe, styrax; libdanum, safran, moyeux d'œuf, & huile. La suppuration estant faicte, faut passer aux detergifs: comme au miel, syrop rosat, mondificatif d'ache, l'ynguent des apostres. Apres que la playe est mondifiée, faut ayder à produire vne chair nouuelle, selon les preceptes ia declarez.

Mais en cette curation on doit obseruer trois regles. La premiere, que si le cuir est fort laceré & priué de chaleur naturelle, faut le couper, autrement on le coudra à lasche & rare cousture, pour retenir seulement les bords de la playe. La seconde, si les bords sont durs & calleux, on les doit rafraischir, afin qu'ils se glutinent mieux. La troisieme, s'il y a danger de corruption, on l'empeschera avec l'egyptiac, la poudre de vitriol; par la louë avec eau de vie, & semblables.

Quelle est la curation de l'ecchymose?

L'Autre espece de contusion, sans playe apparente, est nommée *ecchymosis*, c'est à dire suffusion de sang entre chair & cuir, prouenant de la ruption, quelquefois de l'ouuerture des veines, à cause de quelque coup ou cheute, comme escrit Galien *au chap. 10. du 4 liure de la Methode*. Ce sang espendu hors des veines fait vne tumeur molle, liuide, & sans grande douleur, sinon quand il s'enflamme, & pourrit.

La curation s'accomplit par plusieurs intentions. La premiere est prise de la cause antecedente, qu'il faut destourner par phlebotomie, encore que le corps ne soit plethorique, pour empescher la fluxion qui se feroit sur la partie blessée. La se-

conde est prise de l'ouuerture & diuision des veines, lesquelles il faut astringre & condenser, afin qu'il ne se desgorge trop de sang. Donc pour le premier appareil faut oindre la partie d'huile rosat, avec poudre de roses & de myrtilles : & pour appaiser la douleur, le blanc d'œuf y est bon. La troisieme est prise de la matiere, laquelle, selon Galien *au chap. dernier du 4. liure de la Methode*, doit estre euacuée par resolution, scarification, & suppuration.

Si la contusion est grande, il vaut mieux scarifier le cuir, pour vuider le sang meurtry, euentiler la chaleur naturelle, & empescher la pourriture, à laquelle sont subiectes les grandes contusions. Apres on pourra appliquer vne ventouse, afin d'attirer le sang figé. Si la matiere tend à sup-

puration, on l'aydera par les peptiques ou suppuratifs ordinaires.

Ceux qui sont tombez d'en haut, & ont le corps froissé, doiuent estre soudainemēt enuelopez d'une peau de mouton, despoüillé sur l'heure; ou d'un drap trempé en vin vermeil chaud, & graissez d'huile de roses, & de myrtilles, ou de vers. Sans negliger la saignée, crainte de fluxion & d'inflammation tant interne qu'externe, à cause de la commotion & concussion du sang.

Pour ce qui est du sang caillé, espanché en quelque partie interne, la cure en appartient aux Medecins: qui ordonnent plustost en tel cas l'oxycrat, le syrop aceteux, l'oxymel, que la mumie, de laquelle j'exhorre le Lecteur de ne point vser, auparavant que d'estre informé de la verité

de celle qu'on peut auoir pour le iourd'huy.

*De la diuision des vaisseaux & flux
de sang.*

POurce que les veines & arteres sont les conduits & receptacles du sang, quand elles sont diuisées, il se faiët effusion d'iceluy, laquelle est d'autant plus dangereuse, qu'elle est grande, & bien souuent suiuiue de syncope, à cause que le sang est le thresor de nature, la matiere de la nutrition, & le subiect de la chaleur influente.

*Comment cognoist-on la playe de la
veine d'avec celle de l'artere ?*

ON la cognoist par la qualité du sang, lequel s'il est de couleur vermicille, & qu'il sorte en fau-

relant , c'est signe que l'artere est naturee. Mais si le sang est noir , rouge , espais , sortant sans sauter , il signifie que la veine est couppee.

Comment s'arreste le flux de sang ?

EN tout flux de sang il faut premierement mettre le doigt sur l'ouverture (si le vaisseau est petit & apparent) en comprimant , iusques à ce que le sang caillé estouppe le trou , & que les autres remedes soient préparez. Secondement recourir aux charpies , & par dessus icelles mettre plusieurs compressees trempées en oxycrat , & les recouvrir d'un emplastre astringent , & le tout contenir par le bandage retentif.

Quand on bande la playe , il faut faire quatre ou cinq tours de bande

dessus , & la serrer estroictement , puis conduire les deux chefs , en lachant vers les parties voisines. Où cela ne profiteroit ; faudra lier ou coudre le vaisseau , ou le cauterizer. Et où le vaisseau seroit interne , & qu'on ne pourroit y porter les remèdes , on arrêtera ledit flux de sang , par le sommeil , par le repos de l'esprit & du corps , ou par vne maniere de viure refrigeratiue : ou par saignée de la partie opposite (si les forces ne sont point par trop abbatuës) par l'application des ventouses sur les hypochondres , par frictions & ligatures des extremitéz. Le sang estant arresté , on traitera la playe , ainsi qu'il a esté dit cy-dessus.

Des playes des nerfs.

Toute playe de nerf est faicte , ou par piqueure , ou par inci-

sion, ou par foudre ou contusion.

Comment cognoist-on le nerf estre blessé?

ON le cognoist par la situation de la partie offensée, par la lésion du mouvement & sentiment, ou de tous les deux ensemble: ou par la grande douleur, qui cause fluxion & inflammation, si on n'y remédie promptement; & quelquefois convulsion & délire.

La curation.

EN premier lieu il faut que le patient vse d'une bonne maniere de viure, tres-subtile, froide, & dessiccatue, pour empescher la fluxion & la fièvre. Toutesfois l'air sera tiède, à cause que le froid est ennemy des nerfs, par les *Aphorif. 17. & 18. du 5. liure*; le chaud excite inflam-

mation. Cependant pour preserver le patient de conuulsion, faudra oindre l'espine & tous les emonctoires de quelque huile chalastique, comme de l'ys, & d'oliue. Qu'il soit purgé & saigné, si rien n'empesche. Puis si le nerf est piqué, il faut amplifier la playe, coupât le cuir, afin que la sanie puisse librement sortir, & le remede plus ayémēt penetrer : lequel sera de subtile substance, eschauffant moderément, sans douleur, & qui attire legerement. Et aux environs on appliquera l'huile sabin, recommandé par Galien au 6. de la *Methode* ; ou au defaut d'iceluy, l'huile de vers, d'hypericum, ou de terebenthine avec laine grasse, & ce deux ou trois fois le iour. Mais si la playe ne se peut dilater, on y pourra mettre avec la terebenthine vn peu d'euphorbe, ou sagapenum,

gapenum; ou opoponax, avec soulfre vif. Et où il feroient inflammation, on appliquera le cataplasme de farines d'orge & d'orobe, cuites en lexiue avec fyrop, ou vin cuit & vinaigre. Mais au nerf qui se pourrit, le cataplasme de farines d'orge cuitte en lexiue, avec fyrop ou vin cuit, eau & vinaigre avec lexiue, ou du miel, y est propre pareillement l'emplastre de cire, poix & euphorbe. La douleur doit estre promptement apaisée par vnctions faictes d'huile de lys & d'hypericum appliquez au col. Si le nerf est blessé, il faut ouurer la playe, & puis y appliquer des remedes qui ne causent aucune douleur: come chaux laüée, dissoüte en grande quantité d'huile, & le pompholix meslé avec huile douce: comme aussi l'huile rosat, miel, cire & terebenthine.

Et où l'vlcere feroit fordide; faudroit le nettoyer avec laine molle attachée au bout de l'esprouette, ou fonde.

Si le nerf est coupé de travers, la playe en est bien plus d'agereuse que de long, pour la crainte de la conuulsion : laquelle suruenant, Galien au chap. 3. du 6. de la *Methode*, conseille de le couper tout à fait, estimant que l'offense d'une partie est preferable à la mort.

Ces playes estans fort subiectes à inflammation, il ne faudra y oublier la saignée.

En quelque playe que ce soit, il la faut lauer avec du vin doux, ou avec huile rosat, dans lequel on fera bouillir des vers, pour appaiser la douleur. Apres il la faudra nettoyer avec l'onguent de terebenthine, jaune d'œuf.

& saffran. La glutination se fera, en sinapisant la playe de poudre de vers, de petite centaurée, de sarcocolle, de marjolaine : y mettant par dessus vn emplastre faiët de resine de pin, de terebenthine, gomme elemi, huile d'hypericum, & de la cire. Ou bien plus simplement le cataplasme de farines de febues & d'orobe, cuitres en vin.

Bref, si la contusion du nerf est avec offense du cuir, elle se cure avec les topiques exsiccatifs & astringens, comme avec la fomentation de gros vin tiede, blanc d'œuf avec l'huile rosat, les susdites farines de febues & d'orobe cuiëttes en oxymel, & avec la resine.

Si la peau n'est point offensée, il faut vser de resolutifs, comme sont l'huile irin, sambucin, & de marjo-

laine, avec laine grasse, ou avec le styrax, & la gôme de poix liquide, sans oublier les remedes vniuersels.

J'adjousteray encor icy vn mot, que la terebenthine & l'euphorbe sont spécifiques & propres à toutes les affections des nerfs, où il n'y a point d'inflammation: celle-là és corps délicats, comme sont ceux des femmes & des enfans; cestuy-cy és corps plus grossiers. Et que l'vn ou l'autre des emplastres de l'inuention de Galien, décrits au 6. liure de la Methode, sont aussi fort propres aux playes des nerfs: Dont l'vn n'est composé que d'euphorbe, cire & resine: & l'autre de cire, de terebenthine, poix & euphorbe. Ce dernier estant puluerisé, on le meslange aux autres fondus & refroidis: la proportion desquels ne se peut pas exactement definir, sinon

qu'és corps robustes, il faudra plus dudit euphorbe.

Des playes des tendons.

PVis que nous auons parlé des playes des nerfs, comment faut il traicter celles des tendons? Comme les tendons sont composez de substance de nerf & ligament, ils semblent requerir les mesmes remedes que les nerfs, excepté qu'il faut qu'ils soient plus forts & plus desseichans, & encores plus ceux des ligamens.

Des morsures & playes veneneuses.

LA morsure est vne espee de playe contuse, fascheuse, & de curation difficile, à cause de la rupture & dilaceration des parties molles. Or comme les animaux sont diuers, de mesme leurs morsures sont di-

214 DES PLAYES DES TENDONS.
uerfes, celles des beſtes reptiles ſont
plus dangereuſes: des autres animaux
les morſures à ieun pires, ſelon Aui-
cenne; à cauſe que la ſaliue, en eſtant
plus acré & bilieufe, elle rend la playe
maligne. Ce que Paul Eginete teſ-
moigne meſme de l'homme. A cau-
ſe dequoy il eſcrit, que toute mor-
ſure de beſte a plus ou moins de ve-
nin.

De la curation.

LA commune indication de
toute morſure eſt d'appliquer
au comencement des topiques cha-
laſtiques & attractifs; car outre la
contuſion il faut conſiderer l'angu-
ſtie de la playe, la ſanie, & mauuaife
qualité, qu'il conuient attirer dehors
en laſchant. Et afin que la ſanie ſ'eſ-
coule mieux, la playe qui eſt eſtroi-
te, ſera dilatée & tenuë ouuerte.

D'où il appert, que la premiere intention des playes veneneuses est d'attirer le venin au dehors: ce qui se faict en sucçant de la bouche, ou plustost par le moyen des ventouses ou des cornets, avec grande flamme, pour faire vne plus puissante attraction, y adjoustant la scarification; ou avec les sangsuës, & remedes qui attirent; les cauterés, & semblables. Puis penser la playe, comme il a esté dit auparauant, & obuier aux accidens susdits. Apres auoir scarifié la playe & parties circonuoisines, on pourra prendre vn petit chien tout vif, le couper par le milieu, & l'appliquer dessus. Que si la morsure est mortelle, comme celle de vipere & semblables, on peut appliquer le cautere. En cataplasme on peut prendre de la cendre de sarment, laurier,

& choux cuits en vinaigre, le fel, la faumure, les aulx, avec le miel, le vinaigre chaud; auquel on ait faict bouïllir du népeta. Pour attirer on peut aussi appliquer le theriaque seul; ou mesme avec vn oignon cuit, ou bien en cataplasme; ou du dictame. On n'oubliera de donner les breuages composez de theriaque & mithridat, pour munir & roborer les parties nobles: Entre lesquels est excellent le mithridat, le theriaque avec eauë d'angelique, scabieuse, de buglose sauuage: ou la decoction de gentiane, scordium, & autres semblables. Les vomissemens, sueurs, flux d'vrine y cōuiennent. Mais quand le venin est diffus par tout le corps, il faut purger & saigner avec moderation: d'autant que la phlebotomie & purgations vehementes sont sus-

pectes , principalement au commencement , de peur de n'attirer le veain au dedans. Or comme les morsures sont differentes en qualité , aussi sont les remedes en faculté : car les attractifs plus doux & domestiques conuiennent aux morsures simples & vulgaires : comme l'oignon cuit avec huile & sel, le leuain, le miel avec sel, l'encens avec vin & huile , la poix & terebenthine , le galbanum, la farine d'orobe , huile de fuscau, les aux sauvages. S'il faut appaiser la douleur , les moyeux d'œufs avec beurre & saffran. S'il conuient sup-purer, le tetrapharmacum, l'vnguent obscur, le cataplasme de guimaues, avec l'emplastre de suif de mouton , trois onces ; resine & huile , de chacun deux onces ; poix nauale , terebenthine, miel commun , de chacun

vne once, cire neufue autant qu'il en faut. Cependant les plumaceaux seront munis d'un digestif de moyen d'œuf, terebentine, safran, & huile. Apres la suppuration la playe sera mondifiée, remplie, & cicatrizée.

Des playes des os.

LA playe de l'os est incision d'iceluy faite avec vn ferrement tranchant, dont elle differe de la fracture, laquelle est faite sans incision par quelque violence externe. Or pource que l'os ne peut estre couppe, que les parties qui le couurent ne le soient premierement, telle playe est dangereuse, suiuite de plusieurs accidens mauuais, comme grande douleur, hémorrhagie, conuulsion, syncope, & mesme mortification du membre, à cause de la se-

ction des grands vaisseaux, qui le priue de nourriture & de vie.

Quelle est la curation ?

LE but de la cure est l'vnion, laquelle se faiçt és os, par le moyé d'un cal. Pour y paruenir, outre les remedes vniuersels, faut observer cinq choses. La premiere est, qu'il faut oster toute chose estrange, fichée dans la playe, & mesme les esquilles d'os, que Guidon toutefois defend d'arracher par force, mais veut qu'on vse de quelques attractifs pour ayder nature. La deuxiesme, que la cousture de la chair soit profonde, pource que la consolidation d'icelle empesche que l'air frais ne l'offense, qui est extremement contraire aux os descouverts, par l'*Aphor.* 18. du 5. liure, & aussi d'autant que la chair

fournit à l'os matiere de cal. La troisieme est, qu'en faisant la cousture, il faut laisser de l'espace pour mettre vne tente, afin que la sanie s'escoule, de peur qu'elle ne corrompe l'os: laquelle tente sera seiche, ou enduite de miel rosat, avec myrthe & poudre de d'iris. La quatrieme est, le bandage faict en sorte que la playe puisse estre pensée sans desplier le membre, principalement si l'os est du tout coupé: car ce bandage se faict en forme rhomboïde du haut en bas, & du bas en haut en croisant, que la bande couvre la playe. Par dessus seront mises deux ou trois ferules pour soustenir le membre, lesquelles seront aussi liées avec vne sous-bande. La cinquiesme est la poudre glutinative, qui est faicte d'aloës, myrthe, mastic, sarcocolle, bol armene,

sang de dragon, avec le blanc d'œuf, ou mesme toute seiche, pour tenir la cousture en estat; & puis avec la terrebenthine, pour glutiner la playe.

Si l'os est descouvert, on le couvrira de charpie seiche ou on le sinapiserà de la poudre d'iris, d'aloës, myrrhe, & farine d'orobe: & par dessus on mettra des compresses trempées en vin chaud avec estoupes, & vne bande retentive sur la fin. Pour consolider, on vsera de diapalma & autres medicaments propres & conuenables pour cest effect.

Des playes d'arquebuzades.

LEs playes qui sont faictes par les balles d'arquebuse ou pistolet, se reduisent à la verité sous le genre & categorie des playes contuses. Mais pource qu'elles sont grande-

ment malignes & subiectes à corruption, & consequemment tres-dangereuses, il les faut traicter, en quelque façon, d'une autre maniere.

Aucuns en ont attribué la cause à la poudre, qu'ils croient estre venimeuse; d'autres à vne chaleur estrange qui brusle la chair: autres au venin, les autres à l'air, & meurtrissure. Mais ceste malice ne vient pas de l'ardeur de la balle, veu qu'elle n'eschauffe pas les choses qu'elle rencontre; ny de la virulence de la poudre, laquelle n'est composée que de soufre, salpestre, & de charbon de saulx (lesquelles choses resistent au venin & à la putrefaction) ains de la grande contusion & briseure que faict la balle ronde: qui estant portée d'une grande roideur, ne meurtrit pas seulement, ains transperce toutes les par-

ties qu'elle rencontre, dissipe les esprits & chaleur naturelle, qui souloient entretenir la force & vigueur du membre, tant à cause de la vehémence du coup, que de l'air qui le porte, & faict penetrer dans la substance du membre. Parquoy il n'est de merueille, si telles playes sont si subiectes à pourriture, puis qu'il y a si grande meurtrissure, conioincte avec debilité de la chaleur naturelle. Davantage si le corps est replet, ou cacochyme, & la playe douloureuse, la fluxion & inflammation y engendrent plustost la corruption, par la suffocation de ladite chaleur. Ce sont les causes qui rendent l'ulcere sordide, puant & malin, qui font pourrir la chair meurtrie, & priuent le membre, & bien souuent tout le corps, de vie.

Pour obuier à ces inconueniens, faut fonder doucement la playe estant encore chaude, & le sang tout bouillant dans le corps, & la tenir bien ouuerte, auparauant qu'aucun accident y suruienne, & en tirer promptement la balle, & toute chose estrange: ou par le lieu, par lequel elle est entrée: ou par l'opposite, si elle est proche de la peau, en y faisant incision. Ceste incision se faiét avec le bec de cane, quand la balle est aux parties charneuses; avec le bec de lezard, quand elle est aplatie; ou bec de gruë dentelé, si c'est menuë dragée & profondé. Si la balle est grosse, on vse du pied de griffon; & s'il y a quelque piece de harnois, du bec de perroquet. Que si la playe est profonde, ou trop petite, faut vser du bec de cygne pour la dilater. Si la
balle

balle est enclauée en l'os, on la retire avec vn tirefonds. Que si on ne peut la tirer aisément, il vaut mieux la laisser, que de travailler trop le patient, s'assurant que nature ne permettra iamais, que la playe se consolide, iusques à ce que l'os blessé iette ses esquilles dehors, & la balle quant & quant.

Après que la balle est tirée, il faut bien espreindre la sanie, ou s'il y a vn trop grand flux, on l'arrestera avec charpie trempée en oxycrat, ou avec blanc d'œuf & bol armene, munissant tousiours les parties voisines d'astringent, pour empescher la fluxion & inflammation. A quoy sert aussi la phlebotomie, si le corps est plethorique; la purgation benigne, s'il est cacochyme, & la maniere de viure refrigerante. Puis après il faut

pourueoir à la playe contuse par topiques, en partie anodyne & digestifs : comme est le iauue d'œuf avec l'huile de myrrhe, ou avec la terebenthine lauée en vin blanc, avec le safran & huile rosat ; en partie suppuratifs, & dessiccatifs tout ensemble, pour remedier, tant à la contusion qu'à l'vlcere, & pour obuier à la pourriture. Tel sera l'vnguent faict de terebenthine lauée avec vn peu de basilicum & borax, avec huile de myrrhe & d'hypericum ; ou le baulme composé de terebenthine & huile rosat, de chacun six onces ; sommittez d'hypericum, & petite centaurée, de chacun vne poignée, myrrhe trois dragmes, eauë de plantain trois onces. Le tout soit cuit dans le bain Marie bien lutté, & puis passé par vn linge, dōt on en distillera dās la playe.

Par dessus on appliquera vn cataplasme de guimaues cuittes en miel y adioustant les farines d'orge & de febues. Si la chaleur naturelle est assoupie, on lauera la playe d'eauë de vie. Si la playe est profonde, on fera iniection avec du vin blanc, auquel auront botiilly le miel rosat, du sel, & du borax. S'il y a soupçon depourriture, il faut s'abstenir tout à faict des suppuratifs, & vser d'vn tel vnguent. Prenez verd-de gris lauë en eau de plantain vne once, miel rosat six onces, myrrhe demie once, borax vne dragme, styrax liquide deux dragmes, saffran vne dragme, de la decoction de centaurée, & d'hypocricum six onces, eauë de plantain deux onces. Le tout seït cuit ensemble en consistence de miel.


Quand la playe est changée en vl,

cere fordide, faut vſer de mondificatifs, appliquez aux tentes & pluma-
ceaux, ou iettés au fonds par vne ſi-
ringue, avec la decoction d'absinthe,
gétiane, centaurée, hypericum, & ari-
stoloche. Pour ceſt effect on fera vn
vnguent de terebenthine lauee vne
once, farine d'orge deux dragmes,
myrthe, tuthie preparee, de chacun
demie once, avec le miel, pour faire
injection. On peut diſſoudre en la
decoction precedente du miel roſat,
ou ſyrôp d'absinthe, avec aloës &
egyptiac, ſ'il faut conſumer quelque
chair baueuſe. Apres que l'ulcere ſe-
ra mondifié, il le faudra remplir de
chair, & cicatrizer comme les au-
tres.

Fin des playes.

Des vlceres.

SECTION III.

 Es absces, qui sont ouverts, & les playes qui en-
vieillissent, & deuient
siales & purulentes,
degenerent de leurs especes & se
changent en vlceres.

Qu'est-ce qu'vlcere ?

C'Est vne solution de continui-
té, faite par erosion és parties
charnuës & molles, avec sanie, pu-
ulence, ou pourriture, laquelle em-
pesche l'vnion: si elle suruiuent à l'os,
elle est nommée carie.

D'où sont prises les differences ?

Elles sont prises de la nature de
l'vlcere. Par ce mot de *nature*

est entendu le temperament, conformation, situation, varieté de substance, faculté & vsage: ou bien elles sont prises des causes & des accidents. Des causes, comme vlcere virulent, putride, & corrosif. Des accidents, comme vlcere douloureux, avec intemperie & tumeur, prurigineux, poignant, brullant. Du temps, duquel l'vlcere est dict recent, ou inueteré.

*Quelles sont les causes de l'vlcere,
& combien?*

Les causes sont deux. L'une antecedente, qui est faicte de corruption d'humeurs. L'autre conjointe, sçauoir la matiere maligne, l'imbécillité & intemperie du membre, la mauuaise habitude, la carie de l'os.

Or il est diuisé premierement en vlcere simple & composé.

Quels sont les signes de l'ulcere?

Les signes sont ou diagnostiques, qui montrent la cause presente; ou prognostiques, qui declarent les euenemens. Quant aux diagnostiques, ou ils apparoissent au sens de la veüe, ou sont pris de la propriété de la douleur, de la bouë, du sang, des escailles & cartilages. Bref l'ulcere est distingué des autres solutions de continuité par l'excrement subtil ou espais qui en sorte, qui le faict differer de la playe. Mais comme il y en a plusieurs differences, chacune a ses propres signes, qui sont exposez en leur lieu.

D'où est pris le prognostic?

Les iugemens & prognostics sont pris de la condition de la mala-

dic, de la cause, & du subiect. A raison dequoy Galien *au chap. 1. du 4. de la Methode*, dit, qu'il y a trois manieres d'ulceres difficiles à guarir. L'un à cause que la chair subiecte est intemperée. L'autre pour le vice du sang qui est enuoyé de la partie. Le troisiésme pour la quantité. Et *au 1. de la composition des medicaments selon les genres*, il dit, que ceux qui sont entretenus de fluxion de plusieurs humeurs acres, sont difficiles & rebelles. Pour mesme raison Hippocrate *au liure des vlcères* escrit, que ceux qui sont abbreuuez de quelques varices, difficilement viennent à cicatrice: & si les parties voisines sont enflammées, ils ne peuvent guarir, à cause de l'intemperie. Et *en l'Aphor. 4. du 6. liure* il escrit, que ceux qui n'ont point de poil à l'entour, sont malins

& rebelles, à cause de la mauuaise humeur, qui corrompt le poil, & entretient l'vlcere. Et *au liure des vlceres*, il dit, que les ronds & circulaires sont difficiles à cicatrizer, à cause qu'ils n'ont ny fin, ny commencement. D'auantage aux vlceres qui durent vn an, ou plus, il est necessaire que l'os se corrompe & s'escaille, & cōsequemment que la cicatrice soit caue, ou enfoncée, *par l'Aphorisme 45. du 6. liure*. Que si apres estant remply de chair, & prest à cicatrizer, il vient à se renouueller sans occasion manifeste, il est en danger de deuenir fistuleux, cōme escrit Auicenne *au chap. 1. traitté 3, sen 4 du 4. liure* Si tels vlceres suruiennent aux maladies, ils sont tardifs à guarir. Les vlceres causez de l'humeur atrabilaire, sont tres-malins & rebelles. Si és maladies aiguës ils

se desseichent & noircissent, c'est signe de mort, *par le prognostic 18. du 1. liure.* Au contraire, si la chaleur faict vne bonne & loüable suppuration, c'est vn bon signe, *par l'Aphor. 22. du 5. liure.* Aussi en plusieurs vlcères le temps d'esté est plus commode que l'hyuer, excepté en la teste & au ventre, selon Hippocrate *au liure des vlcères*; car le froid leur est piquant, & les rend insuppurables, *par l'Aphor. 20. du 5. liure.* Aux vieilles personnes tous vlcères sont de difficile cure, à cause du defect de la chaleur naturelle, & de sang loüable. Côme aussi és hydropiques, à cause de l'abondance de serosité qui affluë sur iceux: aux cachectiques, à cause de leur mauuaise habitude: és femmes grosses, à raison de la plénitude, selon Auicenne. Es reins, pour la transco-

lation continuelle de la serofité, par l'Aphor. 6. du 6. liure. Es poulmons, à cause de leur mouuement perpetuel, selon Galien au chap. 8. du 5. liure de la Methode. Bref es parties internes les vlceres sont plus dangereux, attendu qu'ils sont plus malaisiez à desseicher.

De la curation generale.

EN la cure des vlceres quatre choses sont requises. La premiere consiste en vne bonne maniere de viure. La deuxiesme en l'ablation de la cause antecedente. La troisieme en l'euacuation de la cause conjointe, & correction des accidents. La quatriesme en la corroboration des parties. Desquelles choses nous auons parlé en la section destumeurs: outre que cela appartient au Medec-

cin, puis que l'ulcere ne se peut agglutiner, que les accidents compliquez ne soient ostez.

Quelle est la cure de l'ulcere simple?

EN l'ulcere simple le but de la curation est vne mediocre desiccation, & l'vnion de la peau entamée. Mais s'il y a cavitée manifeste, comme la maladie est double, à sçauoir solution & perte de substance, aussi est l'intention double: l'vne de remplir la cavitée, l'autre de cicatrizer; car autant qu'il y a de maladies, autant y a-il d'indications curatiues, comme tesmoigne Galien *au chap. 6. du 2. liure de la Methode*. Pour remplir la cavitée, il faut restituer la chair perduë. Auquel œuure deux choses sont requises, à sçauoir la bonne temperature, tant du membre, que de

tout le corps, & vn sang bon & loüable en quantité & qualité. La temperature, si elle est bonne, doit estre conseruee par choses semblables & mediocres: si elle est vicieuse, il faut la corriger par les contraires. Le sang s'il defaut, il conuient l'augmenter par viandes de bon suc & bien nourrissantes: s'il excède, il sera diminué par phlebotomie & sobriété: s'il peche en qualité, il sera purifié par purgation de l'humeur vitieux: s'il est loüable, il sera conserué par le bon vsage des choses non-naturelles. Mais pour autant que deux sortes d'excrements suivent la nutrition, ainsi qu'il a esté dit, l'un plus subtil nommé *sanie*, qui rend l'vlcere humide: l'autre plus gros & espais, qui le rend ord & sordide, appellé *ordure*; il est besoin de deux especes de medi-

amens aux vlcères , à ſçauoir des deſſiccatifs (entant qu'ils ſont humides) & des deterſifs (entant qu'ils ſont ſordides) par l'vſage deſquels il faut cōmencer la curation. D'autant que l'ulcere ne peut eſtre rempli de chair, ny vny, qu'il ne ſoit pur & ſain; car comme eſcrit Hippocrate *au liure des vlcères*, le ſec eſt plus proche du ſain, & l'humide du non ſain. Du diſcours des playes on pourra en particulier recueillir les topiques conuenables, ſans les repeter encor icy.

Des vlcères malins & corroſifs.

LEs vlcères qui ne cedent aux remèdes deuëment appliquez, ſont rebelles & contumaces. Entre leſquels les vns ſont malins & virulens, qui ſont engendrez d'humeurs bilieux, acres, & mordicans, leſquels

par aduſtion acquierent vne certaine malignité, & ſuccedent d'ordinaire à l'eryſipele, à l'herpes, ou aux playes mal traitées, & aux medicaments trop chauds & acres. Les autres rongent les parties d'alentour, & s'agrandiſſent: toutesfois ſans pourriture, puanteur, & inflammation, douleur inſigne, & pource ils ne portent aucun danger: mais à cauſe qu'ils ont les bords enſlez, durs, & calleux, ils ne ſont pas ayſez à guarir. Communément ils viennent aux iambes & pieds, & ſont nommez corroſifs: & ceux qui le ſont le plus, ſont nommez *phagedenes*: car *phagedene* eſt vn vlcere avec tumeur à l'entour, en quoy il differe du *nomé*, qui eſt ſans tumeur, mais avec pourriture. Il differe auſſi du cañcer, auquel non ſeulement les bords, mais auſſi les parties

voisines sont tumefiees. La matiere du phagedene est vne humeur acre, & à demy bruslee, de consistence moyenne entre la matiere du cancer & de l'herpes, laquelle par sa quantité & grosseur enfle les bords, par son acrimonie ronge les parties voisines, selon Galien *au chap. 17. du 14 de la Methode.*

Tous ces vlcères prouiennent de cacoehymie, comme tesmoigne le mesme Galien *au chap. 3. du 3 des temperaments*; & peuvent estre nommez Chironiens, c'est à dire vlcères inueteres, ayans besoin de la main de Chiron, tres-expert Chirurgien; & Telephiens, pource qu'estans rebelles, ils demandent la main salutaire d'Achilles: car le roy de Mysie ayant tel vlcere, n'en peut iamais estre guarý que par Achilles. Ils sont aussi dits
 dyse;

dyssepuloriques, c'est à dire difficiles à cicatrizer, tant à cause de l'acrimonie des humeurs qui y affluent, que de l'intemperie ou cachexie de la partie.

De la curation.

POur la curation, apres avoir purgé les mauuaises humeurs, & ordonné vn bon regime de viure, l'ulcere sera lauë d'eau ferree, ou alumineuse, ou avec eauës de roses & de plantain, dans lesquelles aura bouilly de l'alun; & si elles ne profitent, vn peu de sublimé ou d'orpiement argenté, avec vne decoction faicte de gros vin, de racines de souchet, aristoloche, gentiane, absinthe, plantain, centauree, boüillon blanc, escorce de grenade, noix de cypres, balaustes, & alun. Laquelle decoction seruira de fomentation,

tant pour desseicher, que pour roborer la partie, & reprimer la fluxion : à raison dequoy aucuns appliquent le defensif de bol à l'entour de l'vlcere.

Après ceste fomentation on mettra dans l'vlcere vne poudre dessiccative, faite de litharge & plomb brulé, d'antimoine, d'airain brulé, de coral, pierre sanguine, d'yuoire, d'escorce de grenade, & de myrobolans. Dessus la poudre on appliquera le blanc de Rhasis, ou bien le diapompholygos: & par dessus des compreses trempées en oxycrat, avec ligature expulsive. De ceste mesme poudre on pourra faire vn vnguent avec le jus de plantain & morelle, huile rosat, & cire blanche: adioustant pour incarner de l'aloës, sarcocolle & de la poudre d'iris & d'aristoloche.

Si par ces remedes l'vlcere n'est

dompté, on y adioustera vne lame de plomb, frotée d'argent-vif : ou bien on aura recours aux cauterés, tant actuels que potentiels. Comme aux trochisques d'asphodeles, ou à la couperose : adioustant, si ces choses ne suffisent, vn peu d'arsenic, moyennant qu'on applique à l'entour quelques defensifs ou refrigeratifs, pour empescher la fluxion, que la violence de ces medicaments pourroit exciter.

De l'ulcere sordide & pourry.

Q Vand il sort beaucoup de sanie & d'ordure espaisse & gluante d'un ulcere, on le nomme sordide: & si la chair vient à se pourrir & corrompre, à cause de la corruption de l'humeur, ou de quelque malignité, comme il aduient apres

les charbons, absces, & playes mal pensées; c'est vn vlcere sordide, putride: le quel outre ce qu'il est fort humide, la chair est aussi liuide, ou noire, ou priuee de sentiment, le cuir d'alentour passe & ridé, & quelquefois enflammé: les vapeurs & excrements qui en sortent sont tres puants: aucunesfois la gangrene y suruiuent, & le sphacele ou mortificatiõ du membre. Parquoy au commencement ce mal est curable, mais en fin il cause la mort, avec resuerie, puanteur d'haleine, & sueur froide. Quant aux signes & causes, tu les pourras fort facilement recueillir de ce qui vient d'estre dict.

De la curatiõ.

POur la curatiõ, il faut premierement pourvoir à tout le corps par purgation conuenable, bon re-

gime de viure qui refiste à la pourriture, par les cardiaques qui defendent les parties nobles. Apres, la partie vlcérée fera deschargée des humeurs corrompues par scarification, sangsues, & fomentations.

Cela faict, on viendra à la curation de l'vlcere : lequel sera bien lauë avec hydromel & eauë salée, ou avec la decoction d'absinthe, d'ache, marubium, gentiane, centaurée, aristoloché, lupins, & autres telles choses ameres & nitreuses, euitant celles qui sont astringentes. Pour mondifier on adioustte du miel rosat, ou de l'egyptiac. Ou bien on fera vn vnguent de ius d'ache, d'absinthe, centaurée, avec le miel rosat & terebenthine, adioustant les poudres d'iris, d'aristoloché, myrrhe, aloës, & farine d'orge. Par dessus on mettra des estoupes &

linges trempéz en oxycrat. S'il y a pourriture, il sera lauë d'eauë salce avec vinaigre, ou avec lexiue de cendres de choux, ou d'escosses de febues, ou eauë de vie avec l'egyptiac. Par dessus on mettra vn cataplasme de farine delupins & d'orobe, cuittes en oxymel, avec la poudre d'aristoloche. Guïdon, apres Auicenne, faiët vn vnguent de vitriol, ou chalcitis, cuit en vinaigre, avec du diatragagant. Aucuns y adioustent de l'alun. Cependant les parties d'alentour seront unies de l'vnguent de bol, & le tout couuert de plumaceaux trempéz en oxycrat. Si la corruption est plus grande, faut extirper la chair corrompue, ou la consumer avec les cauterres tant actuels, que potentiels, & nommément avec la poudre de chalcantum & de mercure.

Que si pour ces remedes on ne peut venir à bout de la pourriture, le dernier refuge est de couper le membre, pour garentir le reste du corps.

De l'vlcere chancreux.

QVand l'vlcere est rond, horrible, & puant, ayant ses bords gros, durs, nouëux, & renuersez, & qu'il se monstre sale, liuide, rougeâtre, & quelquefois sanguinolent, iectant vne virulence sanieuse, noire & rousse, & par fois du sang: & à l'entour de soy a des veines pleines de sang melancholique, c'est vn cancer, qui a des douleurs poignantes, & s'irrite par l'vsage des medicaments, rongant assiduelement & creusant iusques au profond du membre, sans qu'on le puisse arrester.

De la curation.

POur la curation generale, il faut
avoir recours au chapitre du
cancer. Touchant la particuliere,
Galien au chapitre 10. du 2. liure ad
Glauconem ; baille deux preceptes:
l'un d'extirper totalement le cancer,
s'il est en lieu qui le puisse endurer.
Or il y a deux manieres de l'extirper,
par incision (moyennant qu'on ne
laisse aucune racine) & erosion faicte
avec medicaments qui le consom-
meront du tout. Entre lesquels Gui-
don louë grandement l'arsenic su-
blimé, qui l'abolit incontinent. Mais
il faut bien prendre garde au lieu où
il est mis (n'estant gueres seur proche
des parties nobles) à la quantité, & que
le defensif de bol soit appliqué à
l'entour pour empescher l'inflamma.

tion. Quelques vns le domptent avec mercure, & spécialement quand il est venereux.

Après que l'escarre sera cheute, & que la malignité en sera ostée, la chair apparoiſſant bonne & loüable, lors on le guarira à la maniere des vlcères.

L'autre façon est quand le cancer ne peut estre extirpé, ou que le patient ne le veut endurer, d'vser seulement de cure palliative, empêſchant qu'il n'augmente, par purgations frequenter, & par toutes manieres de reuulſion, bon regime de viure humectant & refrigerant, qui diminuë & corrige l'atrabile: & par topiques lenitifs, & qui ayent vertu de refrigerer & deſſeicher ſans aucune mordication, tels que ſont ceux cy deſſus propoſez en la curation du cancer.

De l'vlcere profond & sinueux.

L'Vlcere cauerneux succede communément aux absces & playes caues & profondes, où la sanie a esté trop longuement retenuë, ou pource que les absces n'ont esté ouuerts en temps & lieu, ou pource que l'ordure n'ayant eu vne bonne issue, elle a long-temps croupy au fonds: & en croissant ou rongéant a faict vne ou plusieurs voyes & cauernes, sans dureté toutesfois & callosité, en quoy le sinus est different de la fistule.

Des signes.

LA cognoissance s'en acquiert en sondât doucemēt de l'esprouuer, avec les tentes, ou bien avec des chandelles de cire ou bougies: par les iniections qu'on y peut faire, &

par la couleur & qualité de la matiere qui en sort : car si elle est rougeastre, l'ulcere est chaud ; si elle est blanchastre vsereuse, on le iuge estre froid. Si elle est fétide & de mauuaise couleur, elle ne presage rien de bon : au contraire si elle est blanche, vnie, égale, & sans mauuaise odeur, elle donne yne grande asseurance de guerison.

De la curation.

LA curation est difficile, tant à cause de la profondeur, que de la fluxion des humeurs superflus, que les parties voisines, mesme tout le corps, renuoyent à la partie debile.

Parquoy il est expedient de pouruoir à tout le corps. Premieremēt par diete, saignée & purgation, diminuēront & euacueront la cause antecedente. Puis procurer l'euacuation

de la matiere purulente & sanieuse.
Ce qui est plus aisé à faire, quand l'orifice du sinus tend en bas, par vnguens & emplastres mondificatifs, par compresses trempées en vin astringent, par ligature expulsive. Si l'orifice est en haut, faut changer, s'il est possible, la situation du membre, & faire en sorte qu'il decline en bas, afin que la sanie s'escoule. Si la situation ne se peut changer, ou il faudra inciser le sinus tout du long, si la partie ne l'empesche; afin qu'il soit plustost guarý, comme enseigne Galien au chap. 8. du 2. livre ad Glaucom. ou bien on fera contr'ouuerture au fonds de la sinuosité. Après laquelle Guidon conseille, s'il y a intemperature chaude, de faire injection de vin miellé, d'a^u lequel on aura faict bouillir des lentilles, roses, balaustes & de

l'orge. Si l'intemperature est froide, on fera bouillir dedans le vin miellé de l'absinthe, du marrubium, de la pimpinelle, & de la myrthe: tant pour mondifier l'ulcere, que pour roborer la partie. Mais cependant on estouppera l'orifice inferieur, afin que l'iniectiō demeure quelque temps au dedans.

Après que l'ulcere sera bien nettoyé & desséché, on fera des iniectiōs incarnatiues, avec la decoction d'orge, encens, sarcocolle, myrthe, aloës, miel rosat, dans du vin odoriférant: mettant dans l'orifice de l'esponge trempée en la mesme decoction, des tentes enduites de quelque digestif & sarcotique, & par dessus l'emplastre de ianna, ou diapalma, avec bandes restrictives.

Or on cognoistra que le sinus sera

glutiné, quand le pus qui en sort sera bien cuit, & en petite quantité. Alors faudra vser seulement de tentes enduites d'vnguens sarcotiques, & les accourcir à mesure que le sinus se remplit.

De la fistule.

L'Vlcere creux & profond, s'il n'est bien tost guarý, degenerate en fistule: laquelle differe du sinus, par la seule dureté & callosité de ses bords. Car ce n'est autre chose, selon Eginete, au chap. 77. du 8. liure, qu'une sinuosité calleuse, nõ gueres douloureuse, qui vient en plusieurs parties du corps, & bien souvent apres quelque absces. Galien au liure des Tumeurs chap. 5. dit, que fistule est vn sinus estroit, long, & calleux. Ceste callosité est vne chair endurcie, blan-

che, seiche & sans douleur, laquelle s'engendre és vlcères cauerneux, mal nettoyez, par fluxion, ou congestion de quelque excrement pituiteux desseiché, ou melancholique aduste, qui enduit la circonferencce de l'ulcere, & occupe le lieu, sur lequel la bonne chair se deuoit engendrer, à raison dequoy l'ulceré ne se peut glutiner: & si l'orifice se ferme, il vient à s'ouurir par interualles, iectant grande quantité de matiere.

Des differences de fistule.

Quant à ses differences, elles sont prises de la figure, du nombre, de la grandeur, de la situation & du succès, selon Celse au chap. 18. du 5. liure. Car la fistule est courte, ou profonde, penetrante, droite, transuerse, oblique, simple, double, ou

triple; à vn chef, ou plusieurs: & telle qui n'a qu'un orifice, peut auoir plusieurs conduits ou cauerues au dedans. Dauantage ou elle se termine dans la chair; ou elle penetre iusques aux os, mesmes au dedans d'iceux. De toutes lesquelles differences; les vnes sont plus faciles à guarir, comme celles qui sont simples & recentes, & se terminent en la chair, spécialement en vn corps ieune & robuste: les autres plus difficiles, ou incurables: comme celles qui sont inueterées, ou és ioinctures, ou qui penetrent iusqu'aux os, qui sont cariez ou vermoulus; ou en quelque espace vuide, comme en la vessie, intestins, ventre, & poitrine, & principalement és vieilles personnes & és corps de mauuaise habitude.

De la curation.

LA curation est distinguee en generale & particuliere. La generale consiste en frequentes purgations & decoctions, communement nommees *vulneraires*; qui roboient & desseichent tout le corps. Lesquelles seront faictes d'agrimoine, plantain, fucilles d'oluiuer, esmonde royale, herniaire, betoine, veronique, pasquettes, capillaires, centauree, gentiane, false-patelle, schine, & quelquefois du gajac, si le temperament non trop chaud du malade le permet.

Pour la curation particuliere, Guidon propose quatre scopes. Le premier, de dilater l'orifice de la fistule. Le deuxiesme, d'extirper la callosité par incision, erosion, adustion avec

le fer chaud. L'incision se faiet dessus l'esprouvette, mise dedans. Apres laquelle le flux de sang sera arresté avec le blanc d'œuf: & le iour suivant la callosité sera raclee, comme l'enseigne Eginete *au lieu allegué*. Si la fistule se termine en l'os, (ce qui est cogneu par la distance d'iceluy, quand on y met la sonde) il faut le decouurer, & s'il est besoin, l'escailler en raclant, ou avec le cautere actuel. Si la fistule est profonde, & telle que l'incision ne soit pas aysee à faire, faudra la consumer avec les trochisques d'asphodels, & de chaux vive avec saumon, eauë forte, & la sinapiser de poudre de mercure. Desquelles choses on pourra faire vnguent avec refine, cire, huile commun, pour enduire les tentes; ou avec verdet, ammoniac, vinaigre, ou avec le chalcitis, chaux vi-

de deux parties, orpigment vne partie, avec miel cuit. Ou bien on fera des iniections au dedans avec l'egyptiac & eauë de vie, ou lexiue de cendres de choux & escosles de febues, esquelles on fera bouillir de l'alun avec du miel, vsant encor du defensif de l'vnguent de bol, aux parties circonuoisines, de peur d'inflammation. Et la douleur qui suit d'ordinaire, sera appaisée avec iaunes d'œufs & huile rosat, tant que l'ardeur soit mitigée: & l'escare ramollie avec beurre frais, tant que le mal rendra pus & sanie. Et alors succede le troisieme scope, qui est de mondifier l'vlcere avec terebenthine lauée en eauë de vie, suc d'ache, miel rosat, & poudre d'aristoloche. Si on y adioust de la poudre d'iris, de myrthe, & sarcocolle, il sera sarcotique & propre pour

l'agglutination, qui est le dernier scope, après lequel l'vlcere sera cicatrizé comme les autres. Si la fistule est incurable, ou l'incision dangereuse, à cause des nerfs & autres vaisseaux, on se contentera de la cure palliative, qui est d'empescher la nouvelle fluxion sur la partie, & de mondifier l'vlcere par topiques conuénables.

De la bruslure,

LA bruslure est mise entre les vlceres, à cause que c'est vne solution de continuité faicte par crosion, & bien souuent cōioincte avec vlcere douloureux & fascheux.

Car cest vne vlcération de cuir ou superficielle, ou plus profonde; d'ot naissent deux differences. L'vne avec escare, l'autre avec vessies ou ampoules. Et toutes deux ont vñ empyréme ou

sensible adustion en la partie, que le feu ou autre chose ardente y imprime, qui condense & resserre le cuir.

Or si ce qui brulle, est solide & de substance crasse, & qu'il agisse avec vehemence ou longuement, comme le fer chaud, ou vne pierre à cauter, il faict escare; s'il est de substance subtile, tenue & liquide, comme l'eau chaude, il excite plustost des vessies, à cause de la douleur piquante, par laquelle est attirée vne humeur sereuse des parties voisines, qui esleue en ampouilles la cuticule ou surpeau de la partie brulée. Icy la douleur est plus grande qu'en l'escare, dautant que l'escare hebeete aucunement le sentiment de la partie.

En toutes les deux il y a rougeur, densité & constriction de cuir, à cause de la chaleur qui dessèche & restrecit.

Lacuation.

Comme les accidents sont divers, aussi sont les remèdes, dont les vns esteignent l'ardeur & inflammation, en repoussant les humeurs qui affluent, & empeschât qu'il n'y face des vessies: & tels médicaments sont de qualité froide. Comme les eaux & suc de morelle, de ioubarbe, de pourpier, de laitue, d'endive, de plantain, de roses, avec ou sans aubin d'œuf: l'unguent rosat laué, & souuent reïteré, le cerat refrigerant, toute terre (principalement le bol armene) destrempée en oxycrat. Et si l'ardeur est plus grande, l'unguent populeum, les mucilages des grains de coings, & de psyllium tirez en eauë de morelle, l'alun dissout en eauë de camphre, euitant les choses trop

astringentes, & narcotiques: de peur que celles-là n'empeschent la transpiration, & celles-cy de peur qu'en esteignant la chaleur estrange, elles n'esteignent aussi la naturelle. C'est pour ceste raison que les remedes doiuent estre appliquez tiedes, & non froids. Les autres, par leur chaleur, ouurent les pores, & resoluent la serosité, & consequemment empeschent les vessies, comme l'oignon pilé avec du sel, merueilleux pour les brulures non encores excoriées, les fueilles de fuscau, & d'hieble cuites en huile de noix avec vn peu de sel, les fueilles d'aron pilées avec sel. Ainsi la chaleur du feu guarit les brulleures; à cause qu'elle attire & resoult, selon Aristote au *Probleme 55. & 56. du 5. liure*. Les autres remedes mitigent la douleur; comme le iaune d'œuf avec

huile rosat, ou l'œuf tout entier pilé avec la coquille : le lard fondu, lavé plusieurs fois avec eau rose, & mesme avec vn iaune d'œuf. Avec lequel si on adioust de la farine d'orge, & vn peu de sel, il empesche les ampoules. Que s'il en vient, on les percerá, de peur que ceste ácre serosité ne face erosion en la partie. S'il survient inflammation avec tumeur, il faut tirer du sang du costé opposite, & ordonner vne maniere de viure tenuë & refrigerante, de peur de gangrene. S'il y a escare, faudra la scarifier & la ramollir, pour la faire tomber. S'il y a vlcération, on doit vsr de remedes lenitifs & dessiccatifs mediocres : comme de l'huile d'œuf, battuë au mortier de plomb, avec chaux vive, lavée par plusieurs fois, avec le cerat de Galien. S'il y a sanie


on la nettoiera avec farine d'orge, ierebenthine, myrrhe, syrop de roses seiches. En fin l'vlcere sera desseiché par l'ayde de l'vnguent blanc camphré, ou citrin, ou dessiccatif rouge, lesquels conuiennent aussi pour procurer vne belle cicatrice.

Il faut obseruer, que tous les vnguens soient de telle consistence, qu'ils ne soient point trop adherens à la partie; ains qu'ils puissent estre aisement ostez & detergez, à cause que ces vlceres sont grandement douloureux: & pour mesme raison ils ne doiuent estre nettoyez, qu'avec vn linge le plus delié & mol qu'il se pourra.

Fin des vlceres.

Des fractures.

SECTION IV.

 Ncore que les trois especes de maladies, auxquelles l'os est particulièrement sujet, sçavoir fracture, luxation & carie; soient de l'appanage de la Chirurgie : neantmoins d'autant que l'occurrence en est moins frequente, & qu'on recourt rarement aux ieunes estudians auxquels cest Abbrege est principalement destine, nous en traiterons sobrement & succinctement.

Qu'est-ce que fracture?

GAlien au chap. 5. du 6. de la Methodode, entēd par fracture, qu'il appelle *catagma*; toute solution d'uni-

ée faicte en l'os. Mais Paul Eginete au chap. 89. du 6. liure, (qui a esté suiuy de tous les modernes) definit la fracture, vne diuision d'os faicte par la violence des causes externes.

Combien y a-il de differences?

GAlien au lieu allegué, n'en faict que deux, vne qui est faicte en long, l'autre de trauers. Celse au chap. 7. du 3. liure, adiouste la troisieme, qui est oblique. Eginete au lieu allegué faict en tout cinq differences de fractures, qu'il exprime par vne similitude de fracture en autres choses. La premiere est celle qui est faicte en refort, c'est à dire, que comme en vn refort rompu par le trauers, telle fracture est du tout vnie, nette & égale, sans aucune esquille ny asperité, & par ainsi dicté *raphamidon*, de

mesme est ceste cy. Aucuns disent qu'elle est faicte en coste de chou rompu, & telle fracture est en trauers, laissant petites esquilles pointuës, comme faiët la tige d'un chou rompu, laissant des petits filaments, nommée *cauledon*: ou en concombre, quand telle fracture se faiët en trauers avec quelques inegalitez qui sont à l'endroiët de la fracture. La seconde est en esclat, quand l'os est fendu de long, ou avec esquilles, ou sans icelles, en la maniere que l'on fend vn ais, l'os n'estant du tout separé, mais seulement fendu. Ceste cy est appellée *scidacidon*. La troisieme est faicte en chaume, ou ongle, dictée *calamedon*; ou *ad vnguem*, qui est vne esclature en droiëte ligne, selon aucunes de ses parties, laquelle sur la fin se courbe en figure de croissant; appellée pour cette cause de quel-

ques. vns *lunaris*. La quatriesme est faicte en maniere de farine, ou noix brisée & moulüe, dicté alphitidon, ou cariedon, qui est briseur de l'os en plusieurs petites & subtiles pieces, de la grosseur de grain de bled moulu, ou d'une auellaine escachée. La cinquiesme est faite par abruptiō, nommée *apotrausis*, ou apocope, en laquelle quelque piece de l'os est enleuée superficiellement, & emportée. Aucuns adioustent l'enfonceure, familiere aux enfans, quand l'os laisse sa propre assiete, & descend contre bas sur la membrane, appelée *engisoma*; & la vouture, quand l'os se recule & caue en dedans, ou quand l'os se releue en haut, qui est le contraire, dicté *camptos*; fort frequente en la teste: & la contrefente, appelée *apecheme*, lors que l'os se fend en vn autre endroit que là où il a esté frapé.

Les modernes peuuent adiouster la perçure faicte par vn boulet.

Toutes lesquelles differences sont ou simples, ou compliquées avec autres maladies, ou symptômes : comme playe, contusion, punction faicte des fragments de l'os, douleur, tumeur, inflammation, flux de sang, & luxation.

Des causes.

LÉS causes externes sont celles qui peuuent froisser, couper, briser, fendre, rompre, & casser les os, soit par quelque coup, cheute, & destorsion de trauers, de biais, ou en long, avec inégalité ou égalité, superficiellement, ou plus auant, avec perdition de substance, ou sans icelle : d'où sont tirées les differences des fractures susdites.

Des signes.

LA cognoissance de la fracture de l'os est prise du sens & de la raison. Du sens , quand les pieces s'ostent de leur place : car au toucher on apperçoit quelque aspreté, & au mouvement du membre on oit le craquement des os par le frayement qu'ils font l'un contre l'autre. Davantage la figure du membre est changée, & les esquilles qui piquent le periooste font vne tres-grande douleur. Par raison le mal est cogneu , quand les parties de l'os rompu demeurent en leur place : ce qui est plus difficile, n'y ayant rien qui pique la membrane, ou qui soit eminent ou inegal. Neantmoins on prend coniecture de la violence de la cause agente , & de l'impuissance

du membre qui ne peut faire son action, principalement si la fracture est en l'os principal du bras ou de la jambe, non pas au petit focile, qui ne sert qu'à soustenir les muscles, & non le corps; joint que le membre sent douleur au toucher, & bien souuent il s'eschauffe.

Du prognostic.

A Pres que la fracture sera cõgneue, on iugera du danger par l'espece & grandeur d'icelle, par la condition de l'os rompu, & du malade, & par les symptomes qui l'accompagnent. Car premierement la simple fracture, soit en long, ou de trauers, est plus tolerable, combien que la derniere est plus difficile à consolider. Si l'os est brisé en plusieurs pieces, elle est plus dangereu-
se.

se. La pire de toutes est, quand les esquilles pointuës sont eminentes, à cause qu'en blessant la chair & les nerfs, elle faiët douleur, selon Celse *au chap. 10. du 8. liure.* Toutesfois il vaut mieux que les fragments s'avuancent en dehors qu'en dedans, à cause qu'il est plus aisé de les agencer.

2. Aux membres où il y a deux os, comme au bras & à la iambe, si l'un se rompt, l'on doit souhaitter que l'autre demeure entier, afin que les nerfs & tendons demeurent estendus. Que si tous les deux sont rompus, la curation en est plus difficile, à cause que l'un ne peut soulager l'autre : parce que les nerfs & muscles se retirent, selon Hippocrate *en la particule 4. section 3. du second liure des fractures.* Mais si l'os du bras ou de la cuisse est tellement rompu, que les

fragments surpassent , il y a danger , tant à cause de la grosseur de l'os , que de l'offense des nerfs & grands vaisseaux , & crainte de conuulsion quand on le rhabille. Comme il est escrit *en la particule 47. du mesme liure.*

3. La fracture qui est près des jointures est plus dangereuse , à cause que la douleur & difficulté de bander y est plus grande : & apres la consolidation , le mouuement est plus difficile , comme escrit Celle *au lieu allegué.* 4. S'il y a playe avec fracture , cela est mauuais , pource qu'elle n'excite pas seulement inflammation , mais elle empesche que le membre ne puisse estre lié , & remis en l'estat qu'il doit estre. Que s'il y a inflammation , cela est encore pire , pource qu'on ne doit essayer la reduction des os , pour la crainte de con-

nulsion & syncope, que l'inflammation ne soit ostée; aussi bien l'os ne se peut consolider tant qu'il y a inflammation; selon Hippocrate au *livre des fractures*. 5. Si dès le premier iour que la partie est encore chaude, & exempte de tous symptomes, on ne réduit les os rompus en leur place, mais on differe iusqu'au 7. iour, il est à craindre que l'os ne se corrompe, par la sentence 37. de la section 3. du *livre des fractures*: & plus on tarde la curation, d'autant plus le mal se rend difficile à guarir, principalement si le cal s'y engéde. Lequel est cause qu'il faut faire plus grande & violente extension. Ce qui ne se peut faire sans danger de conuulsion. 6. Si les os rompus ne peuvent estre réduits en leur situation naturelle, la partie tombe en atrophie, ou en gangrene, à

cause que les vaisseaux estans peruer-
tis de leur propre lieu, le transport de
l'aliment est empesché, & les esprits
ne peuuent reluire : comme il est es-
crit *au commencement de la particule*
52. section des fractures. 7. Quant au
terme de la guerison, les fractures des
os ne se consolident pas toutes en pa-
reil nombre de iours, ains les vnes
plustost, les autres plus tard, selon la
diuersité des os, ou petits, ou gros,
durs ou mols, selon qu'ils sont plus
proches ou esloignez de la fontaine
de chaleur. Ainsi la fracture du cra-
ne se peut guerir & consolider en
trente cinq iours. Du nez en 7. De la
machoire, des clauicules, & de l'omo-
plate, non gueres plustost qu'en 14.
Des costes en 21. Du bras & de la iam-
be en 40. De la cuisse en 50. Du pied
en 60. Car les os qui sont plus gros,

& les parties qui sont plus froides, requierent plus de temps à se confirmer. A cela aydent de beaucoup les remedes, mais encore plus la constitution du corps, l'aage, la condition & maniere de viure, & la saison de l'année. Côme il est aysé de recueillir, tant de la premiere sectiō des fractures, que de Celse *au lieu preallegué. 8.* Parquoy, côme ainsi soit que les os, tāt plus ils sont durs, tant plus ils sont malaisez à cōsolider. A bon droist donc la fracture és ieunes est plus aysée à guarir, qu'aux vieilles persōnes: pour ce qu'ils ont le corps plus succulent & abondant en chaleur & humidité naturelle, selon Galien *au chap. 5. du 6. liure de la Methode.* Par mesme raison les bilieux sont plus difficiles à guarir que les sanguins, & ceux qui sortent de quelque maladie, à cause que ceux,

là sont plus secs, & ceux-cy sont plus debiles & exangnes: comme si le sang est trop aqueux & subtil, il n'est si propre à faire le callus, que celuy qui est gros & espais; & avec l'integrité des forces comme escrit Auicenne au chap. 1. traité 2. sen 4. du 4. livre. 9. Car l'os estant sec de nature és grandes personnes, il ne se peut glutiner, selon la premiere intention de la nature. Mais en ce defaut à l'entour de la fracture, il s'engendre vne substance dure, appelée callus, de ce qui abonde de l'aliment de l'os, qui sert aux os, comme la colle au bois pour le joindre & glutiner ensemble. Toutesfois Galien au 21. de l'art de Medecine, confesse que les os des enfans se reprennent selon la premiere intention, à cause qu'ils ont beaucoup de substance humide. Or quand l'os est bien

consolidé, on le cognoist par l'égale composition, & naturelle figure du membre rompu conferé avec le sain, & par sa bonne habitude & couleur, par la vacuité de douleur, & de tous autres accidents, & par le mouuement facile. 10. S'il y a quelque coste rompuë, il s'ensuit vn crachement de sang, grande inflammation, fieure, & bien souuent vn empyeme, dont le patiēt est en danger de mort, selon Celse *au chap. 10. du 8. liure.*

I'auois oublié de dire cy-dessus, que plusieurs choses retardent la glutination, à sçauoir la fomentation d'eauë chaude, les bandes trop estreintes, & les remedes trop repercussifs, les astelles mal mises, le maniement de la partie trop frequent.

La curation.

LA curation sera telle que vous entendrez cy apres, pourueu que ce ne soit pres l'articulation, & qu'il n'y aye dislocation: attendu que telles fractures ne peuvent estre traitées comme les autres. Aussi qu'il n'y aye aucune chose estrange à oster, comme du fer, des esquilles d'os, & semblables, qu'il faut oster premieremēt. Que quelque vaisseau insigne ne soit couppe, lequel faudroit lier, ainsi qu'il a esté dit: & qu'il n'y aye grande ecchymose, laquelle faudra scarifier pour en tirer le sang, puis lauer la playe avec oxycrat & du sel. Or quatre choses sont requises pour la curation, à sçauoir extension de la partie, reduction des os en leur premier lieu, application des remedes, & ligatures

propres : Finalement situer la partie sans douleur.

Pour mieux donner à entendre ce-
cy, il faut que deux seruiteurs pren-
nent le membre fracturé avec les
deux mains, l'un par dessus la fractu-
re, l'autre par dessous : & qu'ils tirent
doucelement le membre à l'opposite.
Ce qu'estant fait, le maistre doit re-
duire les os avec les deux mains pro-
prement en leur place, puis appliquer
le remede, qui est d'oindre la partie
d'huile rosat, & par dessus mettre vn
cataplasme de bol armene, sang de
dragon, aloës, mastice, avec des blancs
d'œuf, vinaigre, & huile de myrtilles,
afin que les medicaments ne se desse-
chent. Consequemment il prendra
vne bande, quil mettra droict sur la
fracture, faisant trois tours, finissant
en haut : & en apres il prendra vne

autre bande, laquelle il mettra derechef sur la playe, & luy fera faire deux tours, la tournoyant de mesme costé que la premiere, & finira en bas. La troisieme bande cōmencera en bas, & sera tournoyée à l'opposite, afin de remettre les muscles en leur propre figure, & finira ladite bande en haut. Et en apres on mettra les compresses, & les bandes du haut en bas, puis retourner vne autre bande du bas en haut. Aucuns dès les premiers iours mettent des astelles, puis les cuisses & les facines. Et pour faire fin, il faut situër le patient, & la partie en telle sorte, qu'elle soit sans douleur, si faire se peut. Que si la fracture est avec playe, il faut la bander comme s'il n'y auoit point de playe, vsant des remedes conuenables. Si elle est avec flux de sang, il faut l'arrester à

Si avec contusion, la scarifier ; si avec douleur, recourir aux ligatures, & y mettre des anodins, comme de laine imbuë d'huile & vinaigre.

Quant aux fractures de teste, il n'en fera faicte aucune mention pour le present, reseruant d'en traicter en vne autre occasion, disant seulement que la fracture de l'os parietal est fort dangereuse, à cause que cest os est fort rare & delié, & plus voisin de la substance du cerueau: & celle de l'os des temples encore dauantage, nō tant à cause de sa propre substāce, qui est tres-dure & espoisse, que pour les vaisseaux insignes de nerfs & de veines dont il est parsemé; & autres raisons que tu pourras voir dans M^r Du Laurens au chap. 11. du 2. liure de l'Anatomie.

Fin des fractures.

Des luxations.

SECTION V.

Ceste dernière section est dédiée aux luxations, autrement desloüëures ou dislocation, qui ont grande affinité avec les fractures : aussi vont elles apres, fondées sur la mauvaise conformation, à sçauoir en la situation, ou connexion des parties.

Qu'est-ce que luxation ?

VNécheute de l'os conjoint par diarthrose, hors de sa propre cavité & lieu naturel, tombant en vn autre estrange. & non accoustumé, qui empesche le mouuement volontaire. Ainsi la definit Eginete au chap. III. du 6. liure.

Quelles en sont les differences ?

OR comme les os sortent hors de leurs lieux en plusieurs manieres, aussi y a il plusieurs differences de luxation. Eginete, apres Hippocrate en la *particule 1. du 4. liure des ioinctures*, en faict deux : L'une parfaite ou complete, qu'il nomme *exarthrose*, quand l'os est sorti du tout hors de son lieu. L'autre imparfaite, appellée *pararthrose*, en laquelle iacoit que l'os ne soit pas du tout déplacé, il est neantmoins vn peu escarté du lieu où il doit estre. A ces deux il faut adiouster vne troisieme, selon Celle au *chap. 11. du 8. liure*, appellée *diarthrose*, qui se faict lors que les os contigus naturellement s'escartent l'vn de l'autre : comme quand l'os du coude est esloigné du rayon, la clavicule de l'acromion.

La premiere espece a six differences prises du lieu, selon que l'os tombe en deuant, ou en arriere: dessus, ou dessous: en dehors, ou en dedans.

La seconde espece a trois differences. L'une, quand les ligaments, tant internes qu'externes, sont relaschez. L'autre, quand les ligaments sont violemment efforcés, comme en l'entorse du pied. La troisieme, quand en se relaschant les os en sont peu à peu separez, comme es vertebres, où cette desloüure a trois differences, à sçauoir *cyphosis*, quand estans disloquées, elles auancent en arriere, y faisant bosse; *lordosis*, quand elles s'auancent en deuant, & font enfonceure en dedans; *scoliosis*, qui est l'entorseure, quand elles sont destournees obliquement & à costé.

Toutes lesquelles differences sont

recentes ou vieilles ; simples, ou compliquées ; avec inflammation, douleur, playe, fracture, carnosité, qui s'engendre dans la cavitè ; ou cal, qui enuironne la teste de l'os. Or l'un & l'autre rendent la reduction tres-difficile, ou impossible.

Des causes.

LEs causes sont deux. L'une est externe : comme cheute, coup, extension, entorseure, & tout mouvement violent, qui faiët sortir l'os de sa place, en relaschant, ou rompât les ligamens. L'autre interne, qui est de trois sortes. La premiere est la laxité ou imbecillité des ligamens propres & communs, soit qu'elle soit naturelle & hereditaire ; ou accidételle & acquise. La seconde vne abondance de pituite, laquelle par sa qualité humi-

de ramollit les ligaments; par sa lenteur, rend les os glissans; & par son abondance, les chasse hors de leurs cauitéz. La troisieme, la vitieuse conformation de l'article ou ioincture, tant en sa cavité, qui n'est pas assez profonde; qu'en les bords, qui ne sont pas assez releuez, ou sont brisez, comme escrit Galien *sur la particule 6. du 1. liure des ioinctures.*

Des signes.

LEs signes communs & diagnostiques sont trois. Le premier est le changement de la figure naturelle du membre, laquelle est tellement peruertie, que du costé que l'os sort dehors, la ioincture faict vne tumeur extraordinaire: & à l'opposite il y a enfonceure & vn vuide apparent en la cavité où il estoit logé. Le second

cond est la douleur du membre. Le troisieme est l'actiõ blessée, à sçauoir le mouuement, qui perit du tout en la luxation parfaicte; ou est seulement diminué en l'incomplete. Sans negliger la comparaison de la partie malade avec la saine, si elle est plus longue, ou plus courte, ou égale.

Du prognostic.

QVant aux signes prognostiques, ils sont tirez de la grandeur du mal, du temps, des causes, de la conformation des ioinctures, habitude du corps & des accidents, desquelles circonstances nous en tirerons quatorze. 1. Si les os sortent du tout hors de leur place, ils sont plus difficiles à remettre: & s'ils ne sont remis, il aduient de plus grands accidents, selon Hippocrate *en la particu-*

le 1. du 4. liure des ioinctures. 2. Mais d'autant plus facilement qu'ils tombent, ils en sont aussi d'autant plus aisez à remettre, & plus difficiles à retenir, selon le mesme Hippocrate au 3. liure des fractures. 3. Parquoy si les bords de la cavité sont brisez, ou les ligaments relaschez, la luxation qui en prouient est incurable, ou tres difficile: pource que l'os estant remis, il ne peut demeurer en sa place, selon le mesme au lieu preallegué. 4. La disposition du corps, l'habitude, l'aage aydent beaucoup à la luxation, comme aussi à la curation, selon Hippocrate au 1. liure des ioinctures: car és os robustes, pleins, charnus, la desloüure se faiet rarement, aussi la cure en est plus difficile: au contraire és corps humides & maigres, les os disloquez se remettent facilement: mais à la

moindre occasion ils se demettent ; & par mesme raison la desloüëure se faiët plus souuent és enfans , qu'és grandes personnes , à cause de leur mollesse, selon Celse *au chap. 11. liure 8.* 5. Or les os, qui estans desloüiez en l'adolescence ne sont point remis, ils ne croissent plus en delà, & sont priuez de nourriture, & amaigrissent, & consequemment ceux qui les auoisi-
nent, à cause de la cession & foiblesse des ioinctures, distorsion des vaisseaux & des muscles. Bien est vray que la partie sur laquelle l'os panche, s'amaigrit moins que l'opposite, pource que la complication de l'os luy sert de mouuement. Car comme l'exercice entretient & corrobore les parties, la paresse & cessatiõ du mouuement les extenuë & debilité, selon Hippocrate *au liure des ioinctures.*

6. Par ainsi en ceux qui ont esté longuement travaillez de la sciatique, quand l'os de la cuisse sort dehors de son emboiture, & qu'apres estre remis, il se demet: cela se fait à raison de quelque pituite, qui s'amasse dans la cavité, *selon l'Aphor. 59. du 6. liure;* mais aussi la cuisse devient maigre & tabide, pource que le mouvement naturel se perd, & ce phlegme empesche la voye de l'aliment. De manière que si avec le cautere on ne consume ceste humidité, le patient devient boiteux, *selon l'Aphor. 60. du mesme liure.* 7. Quant aux luxations, qui sont conjointes avec inflammation, playe, fracture, & grande douleur, elles sont non seulement difficiles à guerir, mais aussi dangereuses, à cause qu'on ne peut les remettre sans danger de conuulsion, fièvre aiguë,

gangrene: lesquels accidents suruiennent principalement quand la desloüure se faict au coude, au genoüil, & ioinctures qui sont au dessus. Car d'autant qu'elles sont plus prochaines des parties nobles, d'autant plus elles causent plus grand danger, selon Eginete *au chap. 121. du 6. liure.* 8. Les enfans comme ils deuiennent grandelets, sont subiects à la desloüure des vertebres en dedans, causée de grande inflammation, *par l'Aphorisme 26. du troiesme liure.* 9. Ceux qui deuant l'aage de puberté deuiennent bossus, & ont grande difficulté d'haleine, avec toux, meurent bien tost: à cause que le thorax ne croissant pas avec les autres parties, la liberté du cœur & du poulmon est empeschée, *par l'Aphor. 46. du 6. liure.* 10. Si les vertebres sont parfaitement desloüées,

elles font mourir le patient à l'inſtāt, & principalement celles du col : parce que la moëlle ſpinale ne ſouffre aucunemēt d'eſtre foulée & preſſée, ſelon Eginete *au chap. 117. du 6. liure.* Mais Hippocrate *au liure des ioinctures* uſe de diſtinctiō, diſant ; Que ſi les vertebres du col s'enfoncent angulairement, les parties ſituées au deſſous perdent le ſentiment & mouvement, non pas quand elles s'enfoncent circulairement. Et *au 2. des Epidemies* il dit, que l'oſ enfoncé de la ſeconde vertebre faiēt vne maniere d'eſquinance, qui eſt mortelle. 11. Entre les ioinctures la reſte de l'auāt-bras qui eſt iointe par enarthroſe avec le palleron, ſe deſſouē ſouuent, à cauſe de la cavitē gliffante & lubrique, & pour la laxité des ligaments, non point en deſſus, ny derriere, rarement en deſſous.

uant, mais souuent contre bas : & lors on apperçoit vne cauité au dessus. Quant à l'os du coude, il se déplace plus mal-aisément, & se reduit plus difficilement : parce qu'il y a plusieurs eminences & cautez, selon Eginete *és chapitres 114. & 115. du 6. liure.* 12. L'os de la cuisse ne peut estre déplacé que par luxation parfaicte, laquelle se fait rarement en deuant & derriere, & souuent en dehors & dedans. Si elle se fait en dedans, la iambe est plus longue : si en dehors, plus courte, selon le mesme auteur, *au chap. 118.* Le genoüil se disloque plus facilement en dedans, dehors, & derriere, & non pas en deuant, à cause que la rotule l'empesche *au chap. 118. du 6. liure.* Quant aux doigts des mains & des pieds, comme la desloüüre en est facile, aussi est la reduction :

13. Si l'os du taló en sautant se disjoint de l'astragale, ou se casse, cela est dangereux, à cause de la froissure des tendons, & de la grande douleur, causant inflammation, fièvre, & quelque fois resuerie & conuulsion, par le consentement des nerfs avec le cerueau, comme il est amplement déduit *au liure des fractures*. 14. Pour conclusion : en quelque partie que ce soit, les desloüïeures vicilles sont incurables, ou tres-difficiles à guerir, à cause du cal ou carnosité qui survient entre deux, & empesche la reduction, *par la sentence 21. du premier liure des ioinctures*. Parquoy quand il ya quelque os desloüé, la curation se doit entreprendre le plustost qu'il est possible, afin que la reduction soit plus facile au Chirurgien, & plus tolerable au malade.

La curation.

QVant à la curation, elle est presque semblable à celle de la fracture, c'est à dire qu'il faut tirer, pousser, reduire, & contenir par bandages & emplastres: puis situër la partie sans douleur, & empescher qu'il ne suruienne aucun accident. Or on cognoist que l'os est rejoint, quand en entrant en la cavitè il fait vn petit bruit, & le membre desloüé est sensible au toucher, & à la veüe paroist de figure, conformation, & grandeur naturelle.

On empeschera qu'il n'aduienne point d'accident, par vne bonne maniere de viure, purgation & saignée.

Pour les medicaments, ils sont les mesmes que nous auons proposé en la fracture. Mais si la dislocation ve-

noit de cause interne , qui humecte les ligaments, il faudra purger & saigner si besoin est ; puis appaiser la douleur avec huile & vinaigre appliqué chaudemēt avec de la laine. Que s'il y auoit fièvre ou inflammation, on vsera des remedes expliquez au chapitre du phlegmon. Et ne faut estimer que telle luxation se puisse reduire, attendu qu'entre les deux os il se faiēt vn amas de chair, qui empesche la reduction.

De la carie en l'os.

DEs trois affections particulieres auxquelles l'os est sujet, la carie est la troisieme & derniere, aussi clorra elle cette petite institution Chirurgicale. Or à nostre accoustumée, nous dirons que c'est que carie. Carie est vne solution de conti-

nuité faicte en l'os par erosion.

Quelle est la cause ?

C'Est vne humeur acre corro-
dant l'os, en se pourrissant en
iccluy : ou Auant à l'os, ou venant
du chancre, ou d'une fistule, ou de
quelque médicament oleagineux &
onctueux.

Comment cognoist-on la carie ?

ON la cognoist au toucher
avec la sonde, & par la sanie
qui en sort, laquelle est plus abon-
dante, qu'elle ne peut estre contenuë
en l'vlcere : outre ce elle n'est pas ny
claire, ny espaisse, ny onctueuse, mais
elle tient l'entredeux. Dauantage les
bords de l'vlcere ne s'agglutinent pas
aisément.

De la curation.

IL faut observer diligemment la
difference qu'il y a entre vn os al-

teré & vn os carié ; car l'os carié ne se peut nullement reparer : aussi ne peut-il receuoir guerison que par le fer & amputation d'iceluy. Mais l'os qui est alteré par medicamens, ou par l'air ambient, ou par quelque matiere qui croupira dessus, pourueu que ledit os soit seulement vitié en sa superficie, & non corrompu du tout en sa substance, il peut receuoir guerison sans feu. Ce qui se fera par l'eauë de vie, vitriol, poudre de mercure, huile de geneure, & principalement l'huile de cloux de girofle, avec huile de camphre.

F I N.

T A B L E DES PRINCIPALES

MATIERES TRAITTEES en cet Abbregé Chirurgical.

Q u'est-ce que Chirurgie.	9
Ses especes. 10. son subiect. II. sa fin. 12.	
Les choses requises pour paruenir à ceste fin. 13.	
Instruments de Chirurgie.	14
Onguens que doit porter le Chirurgien en sa boëte.	15
Indication & ses differences, & à où elles sont prises.	17
Conditions requises au Chirurgien.	20

SECTION PREMIERE.

Des Tumeurs.

Q u'est-ce que tumeur?	28
Sa matiere, & en combien de manieres elle se faiët.	30
Qu'est-ce que fluxion. 32. ses causes.	32
Qu'est-ce que congestion. 32. ses causes.	33
Causes speciales des tumeurs. 33. differences des tumeurs.	35
Signes des tumeurs. 36. prognostics des tu- meurs.	41.
Fin & termination des tumeurs.	41.

T A B L E

<i>Curation des tumeurs en general.</i>	43
<i>Comment s'arreste la fluxion.</i>	43.
<i>Du phlegmon 46. ses differences. 47. sa definition.</i>	58
<i>Causes du phlegmon. 58. ses signes. 50. sa curation.</i>	63
<i>Des aposteimes. 75. leurs differences. 75. ouverture d'icelles.</i>	76
<i>Du furoncle, & de ses differences. 77. de ses causes & curation.</i>	79
<i>Du charbon, & de ses differences. 81. 82. de ses causes. 83. curation.</i>	86.
<i>Du bubon. 90. ses causes. 90. ses signes. 91. sa curation.</i>	92
<i>De la gangrene. 98. ses causes. 99. ses signes. 100. sa curation.</i>	101
<i>De l'erysipele 104. ses differences. 107. sa curation.</i>	113.
<i>De l'herpes. 115. ses differences. 117. ses causes. 118. sa curation.</i>	119
<i>De l'œdeme, sa definition. 119. 121. 122. ses differences. 122. ses causes 124. sa fin ou terminaison. 126. sa curation.</i>	127.
<i>De la tumeur flatueuse. 130. ses causes. 130. ses signes. 131. sa curation.</i>	132.
<i>De la tumeur aqueuse 133. de ses causes 135. des</i>	

T A B L E.

signes. 136. leur curation.	137.
Des absces phlegmatiques, 137. leurs differences, 138, leurs causes, 141, la curation, 143.	
Des escrouelles, 149, leurs differences, 149, leurs causes, 151. leur curation.	153
Du scirrhe. 156, de ses causes & differences, 157, de sa curation, 161, ses especes, 165. ses signes, 166, sa curation.	169

SECTION DEUXIÈSME

Des playes.

D efinition de playe & ses causes. 172. de ses signes pronostics. 175. de sa cure.	183.
Considerations auant qu'approcher les labies. 183. combien il y a de sortes de coustures.	185.
Pourquoy on use de tentes & charpies. 187. curation des accidens.	187.
Des playes simples 191. de leur cure.	192.
Des playes avec deperdition de substance.	195.
Des cicatrices canes.	197.
De la contusion 190. de sa cure.	198.
De la curation de l'ecchymose.	201.
Distinction des vaisseaux & flux de sang.	204.
Distinction de la playe de la veine, & de l'artere. 204.	
Comment s'arreste le flux de sang.	205.
Des playes des nerfs. 206. leur curation.	207.
Des playes des tendons.	213.
Des morsures & playes venimeuses, & de leur curation.	213. 214.

T A B L E.

<i>Des playes des os, & de leur curation.</i>	218.
<i>Des playes d'arquebuses.</i>	221.

SECTION TROISIEME, Des Vlceres.

D E l'ulcere 229. de ses differences. 229. de ses causes 230. de ses signes. 231. prognostic. 231. curation generale. 235. des vlceres simples. 236.	
<i>Des vlceres malins & corrosifs.</i> 238. curation. 241.	
<i>De l'ulcere sordide & pourry.</i> 243. sa curation. 244.	
<i>De l'ulcere chancreux.</i> 247. sa curation. 240.	
<i>De l'ulcere profond & sinueux, & les signes.</i> 250. sa curation. 251.	
<i>De la fistule.</i> 254. sa cure. 257.	
<i>De la bruslure.</i> 260. causes, ibid. sa cure. 262.	

SECTION QVATRIESME. Des Fractures.

F racture quoy 266. differences des fractures. 267. causes & signes. 270. 271. prognostics. 272. la curation. 280.	
---------------------------------------------------------------------------------------------------------------------------	--

SECTION CINQVIESME. Des Luxations.

L uxation quoy? 282. ses differences. 284. ses causes & signes. 287. 288. du prognostic. 270. sa curation. 289.	
<i>De la carie en l'os.</i> 289. la cause, les signes. 299. la curation. ibid.	